

卷一 本纪第一

序纪

蒙古之先、出于突厥。本为忙豁仑，译音之变为蒙兀儿，又为蒙古。金人谓之鞑靼，又谓之达达儿。蒙古衣尚灰暗，故称黑达达。其本非蒙古，而归于蒙古者，为白达达、野达达。详《氏族表》。其国姓曰乞颜特孛儿只斤氏。太祖十世祖孛端察儿之后，称孛儿只斤氏。皇考也速该又称乞颜特孛儿只斤氏。“孛儿只斤”，突厥语译义灰色目睛，蒙古以灰睛为贵种也。

蒙古初无文字，世事远近人相传述。其先世与他族相攻，部族尽为所杀。惟余男女二人，遁入一山，径路险峻仅通出入，遂居之，名其山曰“阿儿格乃衮”。生二子，长曰恼古，次曰乞颜。“乞颜”义为奔流急瀑，言其勇往迈众似之。乞颜子孙众多，称为乞颜物，又译为奇渥温。“温”者，国语之尾音也。后以地狭人稠，欲出山，而涂已塞。有铁矿洞穴深邃乃，篝火洞中，宰七十牛，剖革为筒，而鼓之。铁石既融，径路遂通。蒙古旧欲，元旦锻铁于炉，尊卑次第捶之，其事盖缘起于此。

乞颜之后，有孛儿贴赤那，译义为苍狼。其妻曰豁埃马兰勒，译义为惨白牡鹿。皆取物为名，世俗附会，乃谓狼妻牝鹿，诬莫甚矣。孛儿贴赤那与豁埃马兰勒，同渡腾吉思海，徙于斡难河源不儿罕山之下，生子曰巴塔赤罕。

巴塔赤罕生子早塔马察。塔马察生子曰豁里察儿蔑儿干。

豁里察儿蔑儿干生子早阿兀站孛罗温勒。阿兀站孛罗温勒生子早撒里合察兀。撒里察兀生子曰也客你敦。也客你敦生子早搏锁赤。搏锁赤生子曰合儿出。合儿出生子曰孛儿只吉歹蔑儿干。其妻曰忙豁勒真豁阿，生子曰脱罗豁勒真伯颜。其妻曰孛罗黑臣豁阿。生二子：长曰都蛙锁豁儿，次曰朵奔蔑儿。都蛙”，译义为远视：“锁豁儿”译义为一目；言其一目能远视也。

有豁里秃马敦部长豁里刺儿台蔑儿干率所部至不儿罕山，都蛙锁豁儿见其女美，为北朵奔蔑儿干娶之。是为阿兰豁阿哈屯，生二子，曰不古讷台，曰别勒古讷台。朵奔蔑儿干卒，阿兰豁阿媵居有孕，众疑之。阿兰豁阿曰：“夜有白光，自天窗而入，化为黄人，摩挲我腹，勘探殆神灵诞降。不信，请汝等伺之。”曰：“诺。”次夜，果见白光出入，群疑乃释。既而，生三子，长曰不忽合塔吉，次曰不合秃撒勒只，次曰勃端察儿蒙合黑。凡三子之支派，蒙古称之曰尼而伦，译义为清洁，以其为神灵之允。别派则谓之塔立斤，译义常人也。

阿兰豁阿尝束箭五枝，谓其诸子曰：“汝兄弟五人，犹五枝箭，分则易折，若合为一束，谁能折之？汝五人一心，则坚强无敌矣！”其后，宣懿皇后犹引此方以教太祖云。

阿兰豁阿幼子勃端察儿蒙合黑沈默寡言，家人谓之痴，独阿兰豁阿曰：“此儿不痴，后世子孙必有大贵者。”及阿兰豁阿卒，诸兄分家资不及勃端察儿蒙合黑。勃端察儿蒙合黑乘一青白马，至巴勒諄阿刺勒，饮食无所得，见黄鹰搏雉，勃端察儿蒙合黑缴而获之，鹰即驯熟，乃臂鹰猎雉免，以为食。有鄂郭尔察克部游牧于统格黎河，亦时以马乳奉之。后诸兄悔，来视勃端察儿蒙合黑，邀与俱归。勃端察儿蒙合黑曰：“统格黎河之民，无所属，可抚而有也。”诸兄以为然，至家，使勃端察和蒙合黑率壮士以往，果尽降之。自是，蒙古始有部众。

勃端察儿蒙合黑之妻曰勃端哈屯，生二子。又娶一妻，生子曰把林失亦刺秃合必赤，生子曰蔑年土敦。其妻曰莫挈伦，生七子，而蔑年土敦卒。莫挈伦亦称莫挈伦塔儿衮，译义有力也。徙于诺赛儿吉及黑山之地。是时，札刺亦部强盛，以千车为一库伦，有七十库伦，恃众与契丹相拒。契丹渡克鲁伦河，大破之。札刺亦败，众遁至莫挈伦牧地。其小儿掘速都逊草根，食之，莫挈伦乘车出，见而呵之曰：“此我之牧地，何得踐蹋！”以车辗小儿，有死者。札刺亦人怒，驱其牧马以去。莫挈伦诸子闻之，不及甲而追之。莫挈伦私忧曰：“吾儿无甲，何以御敌？”使其子妇，载甲从之。及至，诸子已战没。札刺亦人遂乘胜杀莫挈伦，灭其家。

惟一孙海都尚幼，乳母匿于酒瓮中获免。海都父合赤曲鲁克，蔑年土敦之长子也。先是，蔑年土敦第七子纳臣斡于巴儿忽氏，故不及难。至是归，惟海都及病姬乃乘之。至札刺亦牧地，遇猎者，纳臣给杀之。又遇牧马小儿，方击髀石为戏，纳臣亦杀之，臂鹰驱巴而返。遂将海都徙于巴儿忽。海都稍长，纳臣与巴儿忽层谷诸部共奴。后海都又徙于巴儿忽真土窟姆之地，造一桥于巴儿忽真河以通来往，名曰海都赤勒拉姆。纳臣则徙于斡难河。

海都卒，长子伯升豁儿多黑申嗣。伯升豁儿多黑申卒，子屯必乃薛禅嗣。屯必乃薛禅生九子，皆有智勇，部众益强。卒，第六子合不勒罕嗣。海都次子察剌孩领忽生子曰想昆必勒格。“想昆”即契丹之“详衮”，译义办事官也。想昆必勒格生子曰俺巴孩，后嗣合不勒之罕位。

合不勒罕有威望，蒙古诸部莫不降附。金主闻其名，召见，礼遇甚优，合不勒恐饮食中毒，宴会辄托词沐浴出，而吐其食物。一日，酒酣，合不勒拊掌而跃，捋金主之须。左右呵其失

礼，合不勒皇恐谢罪。金主释不问，仍厚赐遣之。金之大臣谓：“纵去此人，将为边患。”遣使要之返，合不勒不从，语倔强。金人再遣使诘问，合不勒他往，以避之。使者归，遇诸涂，挟以入朝。中道遇其谄达赛亦柱歹，告之故。赛亦柱歹赠以良马，使乘间逸去。至夜，使者以索繫其足。次日，得间，始疾驰而返。使者追及之，合不勒次妻蔑台，火鲁拉思氏，以所居之新帐居使者。合不勒告其部众曰：“不杀此人，我终不免。汝等不助我，则先杀汝等。”众从这。遂袭杀使者。未几，合不勒病卒。

合不勒生七子，不立其子，而立其从弟俺巴孩为罕。先是，合不勒妻呼阿忽豁阿，其弟曰赛因特斤，翁吉拉特人也，延塔塔儿巫者治疾，不效而卒，执巫者杀之。塔塔儿部众怒，与翁吉拉特构兵。合不勒诸子助母党，与塔塔儿部战于贝阑色夷阔端之地。合不勒第四子合丹刺伤塔塔儿酋，疮愈，战于攸刺伊拉克，再战于开儿伊拉克，卒为合丹所杀。故塔塔儿仇蒙古。俺巴孩既立，嫁女于塔塔儿，自往送之。塔塔儿遂执俺巴孩及其弟乌斤巴勒哈里，献于金。金人以蒙古杀其使者，乃制木驴之刑，钉俺巴孩兄弟于驴背。俺巴孩将死，谓从者布勒格赤曰：“汝归，为我告合不勒罕七子中之忽图刺及我合答安太石，言我为一国之主，不忍儿女之爱，以至如此，后人当以我为鉴。若等将五指爪磨秃，纵磨伤十指，亦当为我复仇。”又使告于金主曰：“汝假他人之手以获我，又置我于非刑。我死，则我之伯叔兄弟，必能复仇。”金主曰：“此言可告汝部众，朕不畏也。”纵布勒格赤归。

于是，部众共立合不勒第五子忽图刺为罕。忽图刺罕纠诸部复仇。败金人于境上，大掠而去。是时，金熙宗皇统三年也。其后，金大定间，童谣曰：“达达来，达达去，趁得官家没去

处。”金世宗闻之，曰：“此必鞑靼将为国患。”乃下减丁之令，岁岁用兵北边，恣行戮。蒙古诸部衔仇刺骨，亦出没为金边患。金丞相完颜襄乃筑长城以限之，而使汪古部守其要隘。至太祖伐金，汪古部反为蒙古向导焉。忽图刺骁勇，力能折人，每食尽一羊，音吐甚洪，隔七岭之远犹闻之。一日，出猎，遇朵儿奔人欺其无从者，欲追而杀之。忽图刺之马陷淖中，自马上跃登于岸，追者骇走。家人闻，遇朵儿奔，以为必死，设筵祭之。其妻独不谓然。及归，忽图刺曰：“我出猎，而徒手返，何以对众？”复入朵儿奔牧群，夺其马。中道获野鸭卵，盛以靴。家人乃撤祭筵，以享其夫妇。忽图刺长子曰拙赤罕，后率所部千人归于太祖：次曰阿勒坛，亦附太祖，后叛归客烈亦部王罕。初，俺巴该为金人所杀，部众会议立罕，推族人朵答儿主议。朵答儿请使哈答儿秃克主之。哈答秃克让于莫图根。莫图根曰：“汝等公议立罕，则事可定。否则必有内乱。”言毕而出，部众遂共立忽图刺为罕。为及忽图刺卒，而拉火力儿等欲立塔儿忽台为罕，部众不从。于是诸部各立部长，不相统属。

为尼而伦部长者曰也速该，合不勒罕第二子把儿坛之也，是为太祖皇考，追谥烈祖神元皇帝。自此，塔儿忽台与烈祖有隙。塔儿忽台者，合答安太石之子，为泰亦赤兀部长。故太祖屡为泰亦赤兀部所困。把儿坛娶于巴儿忽氏，曰苏尼吉儿哈屯，生四子，长曰蒙哥秃乞颜，次曰捏坤太石。捏坤太石长子曰火察儿，善射，从太祖攻讨诸部，屡有功，后从攻塔塔儿违军令，太祖夺其所获，遂与阿勒坛奔王罕。王罕败，复奔乃蛮。太祖平乃蛮，俱伏诛。次为烈祖。次曰答力台，亦叛附王罕，后自归于太祖，太祖宥之。烈祖为部长十三年，屡伐金。又讨塔塔儿，获其二酋，曰帖木真兀格，曰库鲁布哈，诸部畏服。客烈亦部王罕为其叔父古儿堪所，乞援于烈祖。烈祖逐古儿堪以定

客烈亦之乱，王罕德之，与烈祖约为谿达。后烈祖为太祖求婚于翁吉刺氏，中道至扯克儿之地，遇塔塔儿人以毒酒饮之。祖暴疾，至家召察刺合额不格之子蒙力克，以太祖兄弟托之而崩，时太祖十三岁。

史臣曰：“元人数典忘祖，称其国姓曰奇渥温氏，而旧史因之。我高宗纯皇帝既命馆臣改译，复据《蒙古源流》证元之国姓为博尔济锦氏，数百载相沿之谬，至我高宗始为之厘订焉。博尔济锦即孛儿只斤之异译也。今蒙古喀儿喀诸部，非博尔济锦氏不得为台吉，盖锋自别于庶姓云。”

卷二本纪第二

太祖上

太祖法天后运圣武皇帝，讳帖木真，烈祖长子也。母曰宣懿皇后诃额伦。烈祖讨塔塔儿，获其部酋曰帖木真兀格。师还，驻于迭里温孛勒答黑，适宣懿皇后生太祖，烈祖因名曰帖木真，以志武功。太祖生时，右手握凝血如赤石，面目有光。是岁为乙亥，金主亮贞元三年也。

先是，泰亦赤兀部长塔儿忽台等与烈祖有隙，烈祖崩，部众多叛附泰亦赤兀。宗人最长者曰脱端火儿真，欲叛去，蒙力克之父察剌合留之。脱端火儿真曰：“深池已涸，坚石已裂，留复何为！”卒不顾而去。宣懿皇后自持旄纛追叛众，始还其大半。然察剌合竟以力战，脑中流矢。帝视之，察剌合曰：“汝父卒，部众尽叛，我力战邀之，乃为所伤。”帝感泣。察剌合创甚，旋卒。

及帝稍长，泰亦赤兀人忌之。一日，其酋率部众奄至。帝入帖儿古捏山，为逻者所获；乘间逸去。泰亦赤兀部下锁儿干失刺匿之，获免。遂徙帐于合剌只鲁格山之青海子。

帝娶于宏吉刺氏，曰光献翼圣皇后孛儿台，以后之黑貂裘献于客烈亦部王罕。王罕大悦，乃为帝招集旧部，归附渐众。又徙帐于客鲁涟河源不儿吉之地。

已而，蔑儿乞三部酋，曰脱黑脱阿，曰答亦儿兀孙，曰合阿台答儿麻剌，悉众来攻。帝与皇弟别勒古台、阿鲁剌人博尔术、兀良合人者勒蔑奉宣懿皇后入不儿罕山。蔑儿乞人掠孛儿台而去。帝获免，乃椎胸告天：“不儿罕山遮护我，他日子孙世祀之，勿敢忘。”已而，帝乞援于王罕及宗人札木合大败蔑儿乞于不兀刺之地，迎孛儿台归。

帝幼与札木合约为谿达，至是交日，密徙帐于豁儿豁纳黑主不儿之地，与札木合连营逾年，复分军而去，仍还合剌只鲁格山。于是，巴鲁剌人忽必来，忙忽人哲台，兀良合人速不台，者勒蔑之弟察兀儿罕，博尔术之弟斡歌连，蒙格秃与其子汪古儿，及撒察别乞、孛图驸马，帝从父答里台，从弟阿勒坛、忽察儿等俱先后来归。阿勒坛、忽察儿、撒察别乞三人首谋推戴，与诸将盟于青海子，请帝称罕，以统蒙古之部众，时为金大定二十九年。己酉，帝以称罕事告于王罕及札木合。札木使谓阿勒坛、忽察儿曰：“吾与帖木真谿达交不终，皆由汝等之离间。今汝等立吾谿达为罕，其忠于所事，勿使疑汝等反复也。”其后，阿勒坛等卒叛附于王罕云。

太祖既称罕，命斡歌连扯儿必、合赤温脱忽刺温、哲台、多豁勒忽扯儿必四人为火儿赤，汪古儿、薛赤兀儿、合答安答勒都儿罕三人为保兀儿赤，迭该为火你赤，古出古儿为抹赤，朵兀扯儿必总管家中奴婢，忽必来、赤勒古台、合剌孩脱忽刺温三人同皇弟合萨儿为阿黑答赤，泰亦赤兀忽图、抹里赤、木勒合勒忽三人为阿都兀赤，命阿儿孩合撒儿、塔孩、速客该、察兀儿孩四人巡逻远近，速不台为前锋护卫，以博尔术、者勒蔑归附独早，命为众官之长。是时，官制草创而已。

久之，札木合弟给察儿牧于斡列该不刺合，与帝之牧地近，夺部将答儿马刺之马；答儿马刺射杀之。札木合大怒，遂纠泰

亦赤兀、亦乞列思、兀鲁物、那牙勤、火鲁刺思、巴邻、宏吉刺、合塔斤、撒勒只兀、朵儿边、塔塔儿，共十三部，合兵三万人来攻。

时孛图父捏坤在泰亦赤兀部下，使巴鲁刺思人木勒客脱塔黑等来告变。帝在古连勒古之地，分部众为十三翼以待之。宣懿皇后及斡勒忽讷部为第一翼。帝与子弟及宗人之子弟为第二翼。撒姆哈准之后人曰布拉柱，阿答儿斤将木忽儿忽兰，火鲁刺思将曰察鲁哈，与客烈亦之分部为第三翼。苏儿嘎图之子曰得林赤，博歹阿特人曰火力台为翼。莎儿合秃主儿乞之子撒察别乞(曰)，泰出与札剌亦部为第五、六翼。乞颜特人渥秃助忽都朵端乞为第七翼，蒙格秃之子曰程克索特，巴牙兀将曰汪古儿为第八翼。答里台、忽察儿及都黑刺特、努古思、火儿罕、撒哈夷特、委神四部为第九翼。忽都刺之子拙赤罕为第十翼。阿勒坛为第十一翼。答忽与晃火攸特部、速客特部为第十二翼。努古思部为第十三翼。与札木合大战于答兰巴泐渚纳，军失利，部将察合安死之。

帝退保斡难河哲捏列之地，兀鲁特人术赤台、忙兀特人畏答儿各率所部来归。顷之，帝与照烈人同猎于乌者儿哲儿们山。照烈人食尽，已归其半，帝要与同宿，分粮给之。明日，再猎，复驱兽向之，使获多。照烈人感悦，中道相谓曰：“泰亦赤兀与我然薄待我。今帖木真厚我如此，盍归之。”其酋曰乌鲁克，曰塔海答鲁俱请降，谓帝曰：“我等为泰亦赤兀所虐，如无主之马，无牧之牛羊，故弃彼而从汝。”帝大悦曰：“我方熟寐，幸汝猝我发以醒我，异日汝兵车所至，我必悉力助之。”然其后照烈人复叛去。塔海答鲁为泰亦赤兀所杀，照烈部遂亡。帝宽仁有度量，诸部皆谓：“仄亦赤兀无道，帖木真以己衣衣人，以己马乘人，真吾主也。”于是远近相率归附。

甲寅，帝年四十岁，金章宗明昌四年也，塔塔儿酋蔑古真薛兀图等为金边患，金丞相完颜襄讨之。帝闻之，欲复世仇，助金人攻塔塔儿。征兵于主儿乞，迟六日，主儿乞部长撒察别乞、泰出俱不至。乃与王罕攻塔塔儿于忽刺秃失秃延之地，获蔑古真薛兀勒图。金人授帝为札兀惕忽里，译言百户长也。

师还，遣六十人赍俘获，遗主儿乞部长。主儿乞杀十人，夺五十人之衣马而归之。帝大怒，引众逾沙磧，攻主儿乞于阔朵额阿刺勒，大破之。撒察别乞、泰出仅以妻孥免。先是，帝奉宣懿皇后以旄车载湏酪，大会诸部于斡难河。撒察别乞从者斫皇弟别勒古台，创甚。众怒执其二哈敦。故主儿乞人有憾于帝焉。

是年，札刺亦人古温兀阿率其子木华黎来归，董喀亦部、秃别干部来降。

乙卯，王罕弟额儿客合刺以乃蛮兵攻王罕。王罕奔西辽，欲归于帝，中途资用乏绝。

丙辰，王罕至古薛兀儿海子，帝使塔海速客该迎之，振其部众饥，与王罕宴于上兀拉河，重订父子之约。冬，与王罕合兵攻主儿乞于帖列秃阿马撒刺之地，获撒察别乞、泰出，诛之。

丁巳，帝在霍拉思布拉思之地，攻兀都亦特蔑儿乞，战于那莫察山，败之，归其俘于王罕。

戊午，王罕兵势渐振，不谋于帝，自率所部攻蔑儿乞于土兀刺河。蔑儿乞酋脱黑脱阿奔巴儿古真。王罕俘获甚多，而无所遗于帝。帝亦不以为意。

己未，帝与王罕合后攻乃蛮不亦鲁黑罕，逾阿尔泰山，追至兀陇古河，又至乞失泐巴失海子，获其将也的脱孛鲁。不亦鲁黑奔谦谦州。

冬，复与乃蛮骁将可克薛兀撒卜刺黑战于巴亦答刺黑之地，

交绥而退。明日，将复战，札木合构帝于王罕曰：“帖木真如野鸟依人，终必飞去。我如白翎雀，栖汝幕上，宁肯去乎？”王罕将兀赤儿古邻闻而斥之曰：“既为宗人，又为谄达，奈何谗之。”然王罕终信其言，乘夜引众去。帝闻王罕去，怒曰：“彼弃我之易如此，直以烧饭待我也。”乃退舍于撒里河。王罕至土兀刺河，其子桑昆为可克薛兀撒卜刺黑所袭，部众溃散。王罕复遣使乞援，且请以博尔术、木华黎、博尔忽、赤老温将援兵。帝许之。博尔术等败乃蛮，返所虏以归王罕。王罕大悦，遣使谓帝曰：“曩者衣食乏绝，我子帖木真食之、衣之，今又救我之难，不知以为报也。”又召博尔术往，赐以衣一袭、金们忽儿十。博尔术还白其事，帝命受之。冬，帝与皇弟合萨儿再伐乃蛮，战于忽兰盖侧山，大败之，封尸以为京观。

庚申，帝会王罕于撒里河之不鲁古崖。时蔑儿乞酋托黑托阿遣泰亦赤兀人忽敦忽儿章，纠合泰亦赤兀诸酋，曰盎库兀库楚，曰忽里儿，曰忽都答儿，曰塔儿忽台，曰哈刺儿秃克等共会于斡难河沙碛中。帝与王罕轻骑袭之，塔儿忽台、忽都答儿败死，盎库兀库楚、忽敦忽儿章奔巴儿古真，忽里儿奔乃蛮，泰亦赤兀部亡。哈答斤部、撒儿助特部素附泰亦赤兀，乃与朵儿奔、塔塔儿、宏吉剌诸部会于阿雷泉，斩牛马誓，欲科我不备，攻之。宏吉剌人特因恐事不就，遣使来告变。帝与王罕自虎图海子，逆战于捕鱼儿海子，诸部皆败走，宏吉剌部来降。

冬，帝幸彻彻儿山，金之边地也，又败塔塔儿酋阿剌兀都儿、合丹太石、察忽斤、帖木儿等于答兰捏木儿格思之地。是役也，合萨儿留后，闻部将者卜客言宏吉剌人有异志，遽率所部攻之。宏吉剌人怒，遂叛附于札木合。

辛酉，宏吉剌、亦乞列思、火鲁拉思、朵儿奔、塔塔儿、

哈答斤、撒儿助特诸部会于刊河，议立札木合为古儿罕，以足踢岸土，刀斫林木，而誓曰：“有泄此谋，如土崩、木折。”遂悉众来攻。有火鲁拉思人火力台知其事，与妻弟麦儿吉台言之。麦儿吉台赠以剪耳白马，使驰告于帝。夜至一古阑，其将曰忽兰，曰哈刺蔑儿乞歹，见而执之。然二将亦心附于帝。易以良马，使疾去。火力台来告变，帝得先期戒严。战于海拉儿帖泥河，大败之。札木合遁走，宏吉剌部复降。

壬戌，帝亲征察合安、阿勒赤、都答兀惕、阿鲁孩四部塔塔儿，追至兀鲁回河。其众降，帝悉诛之。阿勒坛、忽察儿、答里台三人违军令，帝命忽必来、哲别夺其所获。三人怒，遂有异志。

秋，乃蛮不亦鲁黑汗、蔑儿乞酋托黑托阿之子忽都、泰亦赤兀酋盎库兀库楚，又合撒儿助特、卫拉持、朵儿奔、哈答斤诸部来攻。帝与王罕会于汪古部哈刺温赤敦之地。桑昆后至，逾山隘。乃蛮兵从之，使神巫投石水中，以致风雪。俄风反，乃蛮众大溃，退至奎腾之地，士马僵冻，坠崖谷死者无算。札木合率部众来应，见不亦鲁黑汗，乃大掠诸部而去。帝自追盎库兀库楚，颈中流矢，创甚，卒获盎库兀库楚诛之。遂与王罕同驻于阿剌儿。

冬，帝徙帐于阿儿却宏哥儿之地。帝为皇子术赤求婚于王罕。王罕辞。桑昆子欲尚帝女豁真别乞，帝亦不从。自此与王罕有隙。帝移驻阿不只合阔帖格儿之地。王罕亦西还彻彻尔温都尔。

癸亥，桑昆谋害帝，伪许婚，请帝饮布浑察儿，译言许婚酒也。帝率十骑以往，道过蒙力克帐宿焉。蒙力克谏谓：“王罕父子意叵测，请以马疲道远谢之。”帝从之，使从骑不合台、乞剌台往谢，自率八骑返。

桑昆计不就，欲潜师来袭。其圉人乞失力克知之，密与弟巴歹来告变。帝亟移营于卯温都儿山后，使者勒蔑断后、哨敌。山前多红柳，王罕兵至，蔽于柳林，侦者不之觉。阿勒赤歹从者曰泰赤吉歹，曰牙的儿，方牧马，见之，驰告于帝。帝仓卒戒严，以忙兀特将畏答儿、兀鲁特将术赤台为前锋，大战至晡。术赤台射桑昆中其颊，王罕始敛兵而退。帝以众寡不敌，亟引去。次日，皇子窝阔台，大将博尔术、博尔忽始至。畏答受重伤，创发，中道卒。

时部众溃散，帝率左右至巴勒渚纳河，饮水誓众曰：“异日甘苦相同，倘负约，使我如河之水涸。”饮毕，以杯与从者。从者亦誓死相从无贰志。其后称诸臣为巴勒渚纳特，延赏及于子孙焉。既而部众渐集，得四千六百人，分两军。帝自将一军，忙兀特、兀鲁兀特人为一军，循合勒哈河两岸而行，至宏吉拉别部帖儿格阿蔑勒牧地。帝使术赤台告之曰：“我等本为谙达，如从我，则不失旧好。否则以兵相见。”于是帖儿格阿蔑勒来降。帝遂驻于董嘎淖尔、脱儿哈河。是地水草茂美，可以休息士卒。遣阿儿海者温告于王罕及阿勒坛、忽察儿、脱忽鲁儿等，语详《王罕传》。帝遣使后，复徙帐于巴勒渚纳，以其地险阻可保也。撒哈夷部、呼真部俱来降。

秋，帝将攻王罕，遣合萨儿伪请降。王罕信之，不设备。帝昼夜兼进，袭王罕于彻彻尔温都尔，尽俘其众。王罕父子走死。客烈亦部亡。时王罕诸将皆降，独哈里巴卒数十骑驰去，不知所终。

帝既灭王罕，拓地西至乃蛮。乃蛮太阳罕忌帝威名，遣使约汪古部长阿剌忽思的斤忽里夹攻我。阿剌忽思的斤忽里遣使告其事于帝，且请降。

甲子春，猎于帖蔑延河，与诸将会议讨乃蛮。猎毕。猎毕，

驻兵于哈勒哈河建忒垓山。宣布札萨克，以令于众。立千户、百户、牌子头，设六等扯克必官。选宿卫士八十人，散班七十人，又命阿儿孩选护卫千人，临敌则为前锋。

夏四月，祿牙伐乃蛮。师至乃蛮境外客勒忒该哈答，滨哈利河。乃蛮按兵不动，帝引还。

秋，再议进兵，以忽以来、哲别为前锋。时太阳罕已至杭海山之哈儿只兀孙河，与朵儿奔、塔塔儿、合答斤、撒儿助特诸部，及蔑儿乞酋托黑托阿、客烈亦酋纳邻大石、卫拉特酋忽都哈别乞、札只刺酋札木合等连兵而进，阵于纳忽东崖察儿乞马兀惕之地。帝自临前敌，指挥诸将大破乃蛮兵，擒太阳罕，杀之，乃蛮将火力罕速八赤等锋力战，帝欲降之，不从，皆战死。帝奖叹久之，曰：“使我麾下诸将皆如此，我复何忧。”是日，朵儿奔、塔塔儿、哈答斤、撒儿助特诸部皆降，札木合、托黑托阿遁去，太阳罕子古出鲁克奔于不亦鲁黑。乃蛮南部亡。

冬，再伐蔑儿乞，至塔儿河。其别部酋带亦儿兀孙来献女，后复叛去托黑托阿奔于不亦鲁黑。带亦儿兀孙遁至呼鲁哈察卜，筑垒自守。遣博儿忽、沈伯率右翼兵，讨平之。

乙酉春，袭不亦鲁黑于兀鲁塔山莎合水上，禽之。乃蛮北部亡。

帝以西夏纳我仇人桑昆，自将伐之。围力吉里城，又进攻乞邻古撒城，俱克之，大掠而还。

是年，札木合至唐努岭，其家奴五人执之来降。帝曰：“以奴卖主，不忠莫甚焉。”札木合乃五人并伏诛。

卷三本纪第三

太祖下

元年丙寅，帝大会部众于斡难河之源，建九旂白纛，即皇帝位。群臣共上尊号曰成吉思合罕。先是，有巫者阔阔出，蒙力克之子也，自诡闻神语，畀帖木真以天下，其号曰成吉思。群臣以札木合僭号古儿罕，旋败，乃废古儿罕不称，而从阔阔出之言，尊帝为成吉思合罕。国语“成”为气力强固，“吉思”为多数也。

帝大封功臣，以博尔术为右翼万户，木华黎为左翼万户，纳牙阿为中军万户。豁儿赤以言符命，亦封为万户，以博尔忽为第一千户功。功臣封万户、千户者共八十五人。以忽都虎为札忽，译言断事官也。以也客捏兀邻，领宿卫千人，也孙帖额领箭筒士千人，斡哥连、不合、阿勒赤歹、朵歹、朵豁勒忽、察乃、阿忽台、阿儿孩分领护卫散班八千人，分番入直，是为四怯薛。

是年，命忽必来征合儿鲁，者别追古出鲁克。

二年丁卯秋，帝亲下西夏，入兀刺海城。遣阿勒坛、而剌二人往谕乞儿吉思部。

是年，皇子术赤领右翼军，征和林西北部族。斡亦剌部长忽都哈别乞迎降。进讨秃马、斡亦剌于失黑失特之地，于是斡亦剌、不里牙特、巴儿浑、兀儿速特、哈卜哈纳思、康哈思、秃巴思诸部悉降。乞儿吉思部长也迪亦纳勒、阿勒迪额儿、斡

列别克的斤亦望风纳款，献白海青、白马、黑貂等方物。林木中部族失必儿、客思的音、巴亦特、秃哈思、田列克、脱额列思、塔思、巴只吉等亦降。

三年戊辰春，帝至自西夏。

冬十月，金主璟卒，其叔卫王永济嗣位。帝再讨古出鲁克、托黑托阿，以斡亦剌部长忽都哈别乞为向导，至也儿的石河。托黑托阿中济矢死，蔑儿乞部亡。古出鲁克奔西辽，其后篡西辽主直鲁古而自立。

四年己巳春，畏兀儿部亦都护来降。先是，托黑托阿死，其子忽都等将奔畏兀儿。亦都护不纳，与忽都等战于真河，败之，以蔑儿乞为帝世仇，遣使来告战事，帝命阿惕乞剌黑、答儿伯前后再使其国，且片贡献。亦都护遂遣使贡方物，帝悦，赐大红衣、金带以宠之。

五年，庚午秋，帝再伐西夏。西夏主李安全遣基世子遵顼拒战。败之，获其副元帅高令公。复入兀刺海城，获其太傅鲜卑讹答。至克夷门，又败夏师，获其将嵬名令公。进薄中兴府，引河水灌城。水决坏其堤，乃班师。遣讹答入城谕西夏主，西夏主纳女请和，师还。

遂议伐金。先是，帝贡岁币于金，金主使卫王永济受贡于净州。帝见永济不为礼，永刘归，欲请兵会金主，卒不果。及永济嗣位，诏使来传言，当拜受。帝问使者曰：“新天子为谁？”曰：“卫王也。”帝遽南向唾曰：“我谓中原皇帝是天上人作，此等懦者亦为之耶！何以拜为？”即乘马北去。记济闻之，益怒，遣兵分屯山后，欲俟帝入贡，就害之，然后引兵深入。会金紇军来降，汇其事，帝遣人伺之，得实，遂与金绝。金边将纳哈买住亦言于永济曰：“蒙古已并吞邻部，而修弓矢甲盾不休，行营令男子乘车惜马力，其意非力我而何？”永济

以为妄言，囚之，至是始释之。帝复遣使于畏兀儿，征兵助战。

六年辛未春，忽必来招降合儿鲁，其部长阿儿思兰与畏兀儿亦都护俱觐帝于克鲁伦河。亦都护奏曰：“蒙陛下恩赐，愿藉衮衣金带之宠，使臣得预四子之末。”帝感其言，遂以亦都护为义子，尚阿勒敦公主。

二月，帝自将伐金，登克鲁伦山，解衣以带置顶，跑祷于天，誓复俺巴孩罕之仇，使脱忽察儿率三千骑巡西边，以防后路。

三月，帝渡漠而南，以都别为前锋。

夏四月，金主遣其西北路招讨使粘合合达求和，帝不许，乃使其将独吉千家奴、完颜胡沙筑乌沙堡以备我。

秋七月，帝奄至，千家奴等败遁，克乌沙堡及乌月营。

八月，帝进克白登城，围西京。自乌沙堡至此，凡七日。金将纥石烈胡沙虎以麾下突围走，率三千骑追之，败胡沙虎于翠屏口，遂克西京及昌、桓、抚等州。金招讨使纥石烈九斤、监军斡奴等率大兵屯于野狐岭，号四十万，以完颜胡沙为后援。其裨将巴古失、桑臣二人谓九斤曰：“闻蒙古破扶州，方纵兵大掠，若掩其不备，必获大胜。”九斤曰：“不然，彼之形势不易遽破，宜明日马步俱进，为万全之计。”次日，帝闻金兵至，方食，投匕箸而起，与九斤等战于野狐岭北口之獾儿背。木华黎先登陷阵，帝率诸军继之。九斤等大败，伏尸遍野。金之精兵、猛将尽没于此。

九月，完颜胡沙遁至宣平，大兵追击之，复败其众于浚河堡，胡沙仅以身免。

闰九月，帝进克宣德州，薄德兴府。军不利，引还。命皇子拖雷、驸马赤苦等尽拔德兴境内诸堡。

冬十月，者别乘胜入居庸关，游兵至中都城外。金主欲南

奔。会紮军来援，蒙古问乡民：“紮军多少？”乡民给曰：“二十万。”者别乃袭金群牧监，驱其马而还。

是冬，皇子术赤、察合台、窝阔台分徇云内、东胜、武朔、宁、丰、净等州，俱克之。

七年壬申春正月，金耶律留哥聚众于隆安，自称都元帅，遣使来降。

时西京复为金守。秋，帝自将攻之。金将奥屯襄来援，帝诱至密谷口，大败之，尽歼其众。帝攻城，为流矢所中，乃彻围。

冬十二月，者别克东京。先是，者别至东京城下，不攻而退。金人兵已退，不设备，者别率精骑突至，遂克之。

八年癸酉春，耶律留哥自立为辽王，改元元统。

秋七月，帝自将大军围德兴府，皇子拖雷、驸马赤古先登，克之。

八月，者别、古亦捏克等略地怀来，金将完颜纲、术虎高琪拒战，大败之。追至居庸关北口，又败之。金人严兵守隘，熔铁锢关门，布铁蒺藜百余里，大军不能进。帝遣翁吉剌将哈台、布札留攻北口，自率大军绕出紫荆关。金人以奥屯襄守紫荆。比至，帝已逾隘，败金于五回岭，分遣者别、速不台从间道袭居庸南口，克之，金将讹鲁不儿等以北口降，遂取居庸，帝驻蹕龙虎台，遣喀台、哈台二将，率五千骑，断中都援路。

是月，金胡沙虎废其主永济弑之，而立丰王弑，改元贞祐。

冬十月，帝自将大军，攻克涿、易二州。分兵三道：命皇子术赤、察合台、窝阔台为右军，循太行而南，取保、遂、安肃、安、定、邢、洺、磁、相、卫、怀、孟、掠泽、潞、辽、沁、平阳、太原、吉、隰、拔汾、石、欣、代、武等州；皇北合撒儿、斡陈那颜、布札为左军，循海而东，取平、滦、蓟等

州；帝与皇子拖雷为中军，取雄、霸、莫、安、河间、沧、景、献、深、祁、蠡、冀、恩、濮、开、滑、博、济、泰安、济南、滨、棣、益都、淄、潍、登、莱、沂等州。别遣木华黎攻密州。凡克九十余城，两河、山东数千里之地，望风瓦解，惟中都及通、顺、真定、清、沃、大名、东平、德、邳、海、州十一城坚守不下。

冬十月，三道兵还，合屯大口，以逼中都。

是月，与金将术虎高琪战于中都城下，大败之。金将胡沙虎为高琪所杀。

九年甲戌春正月，帝驻蹕中都北郊。初，金粘罕营中都，于城外筑四子城，楼橹、仓廩、甲仗库各穿地道通于内城，人笑之。粘罕曰：“不及百年，吾言当验。”至是，金人分守四城，大兵攻内城，四城兵迭用炮击之。又开南薰门，橹、仓廩、甲仗库各穿地道通于内城，人笑之。粘罕曰：“不及百年，吾言当验。”至是，金人分守四城，大兵攻内城，四城兵迭用炮击之。又开南薰门，诱兵入，纵火焚之，死伤甚众。

二月，帝欲班师，遣阿剌浅入城诏谕金主。

三月，金主遣其平章完颜承晖来乞和，帝复遣阿剌浅报之，谕金主曰：“山东、河北州县尽为我有，汝所守唯中都耳！天既弱汝，我复迫汝于险，天其谓我何！我今归，汝不能犒军，以弭诸将之怒耶？”金主与廷臣会议，其丞相术虎高琪曰：“彼兵力已疲，再与决战，何如？”完颜承晖曰：“此孤注也，败则不能复振。不如俟其退，再为战守之计。”金主从之，奉卫绍王女岐国公主及金帛、童男女五百人、马三千匹以献。遣承晖送帝出居庸，至野麻池而返。

是月，大兵克岚州。

夏五月，金主迁于南京，留其太子守忠守中都。帝闻之，

怒曰：“既和而复迁，是有疑心，特以和议款我耳！遣阿剌浅往诘责之。会金紃军扈我主南迁，至良乡。金主命输铠仗入官，紃军怒，杀其帅详袞，推斫答、比涉耳、札刺儿三人为帅，来请降。时帝避暑于鱼儿冻、遣石抹明安、撒木合入古北口，与斫答等围中都。

秋七月，金主召太子守忠赴南京。

冬十月，木华黎克顺州。

十二月，木华黎徇辽西诸路，克懿州。锦州张鲸，高州卢琮、金朴等，俱以城降。

是年，始置行省于宣平，以撒木合领之，部署降众。

十年乙亥春正月丁丑，金右副元帅蒲察七斤以通州降。以七斤为都元帅。

二月，木华黎围北京。留守奥屯襄先为其部将习烈所杀推寅答虎为帅，寅答虎以城降。以吾也而权北京兵马都元帅，寅答虎为留守。金兴中府元帅石天应降，以天应为兴中府尹。帝遣阿剌浅谕金主以河北、山东未下诸城来献，及去帝号为河南王，金主不从。

三月，金主遣其将永锡、庆寿、李英等援中都，人负粮三斗，庆寿、英亦负之以率其众。庆寿至涿州旋风寨。英至霸州青戈寨，皆为大军所败。中都援绝，人相食。

夏五月庚申，金右丞相兼都元帅承晖仰药死，众以城降。石抹明安入中都，遣使来献捷。帝驻蹕桓州之凉陉，命忽都虎等按视中都帑藏，以石抹明安为太傅，兼管蒙古、汉军都元帅。

秋八月，木华黎遣史天倪克平州，又遣史进道等克广宁府。红罗山贼帅杜秀降，以秀为锦州节度使。

冬十月，金宣抚蒲鲜万奴扰辽东，僭号大王。

十一月，耶律留哥来朝。史天祥克兴州，擒其节度使赵守

玉。

十二月，史天倪克大名府及曹州。张鲸总北京十提控兵，从木华黎南伐。鲸谋反伏诛，其弟致据锦州以叛。是年，取城邑凡八百六十有二。改中都为蓟州，改河间路之深州隶真定路，升鼓城县为晋州，改千溢县为溢阳县。

十一年丙子春，帝自鱼儿冻还卢沟河行宫，脱仑扯儿必克真定府。

夏四月，金将张开复取河间府、沧、献、邢、清等州。

六月，张致陷兴中府。

秋七月，木华黎败张致于神木县，进围锦州。

八月，木华黎克锦州，张致伏诛。进拔苏、复、海等州，获金将完颜众家奴。帝命撒木合率万骑，假途西夏，以趋关中。

冬十月，撒木合攻潼关，间道出禁坑。金兵溃走，获其将尼兰古蒲鲁虎。进略汝州，直抵南京之杏花营。金花帽军人援，撒木合战不利。引还。花帽军者，金蔚州人郭忠所将之义兵也。

十一月，撒木合败金将蒲察阿里不孙于澠池，渡河，围平阳府。金主遣使乞和，帝欲许之，诏撒木合曰：“譬围场中，獐鹿吾已尽取，只余一兔，盍舍之。”撒木合请使金主去帝号，金主不从。是冬，蒲鲜万奴遣使来降。已而复叛，自称大真国。

十二年丁丑春，木华黎觐帝于土拉河。夏，史天祥击斩武平贼祁和尚及兴州叛将重儿。察罕败金将夹谷监军于霸州。帝闻蔑儿乞余众入乃蛮境，问：“诸将谁能为我讨蔑儿乞者？”速不台请行，帝许之，命脱忽察儿率二千骑同往。速不台至垂河，大败蔑儿乞，尽歼其众。托黑托阿子忽都、赤剌温二人，奔奇卜察克。

秋八月，封木华黎为国王，赐九旂旗，诸将咸听节制。诏曰：“太行以北，朕自制之；太行以南，悉以付卿。”于是木

华黎专征河北，连拔遂城、蠡州。

冬，进克大名府金中山府、赵、邢、威、磁、洺等州守将俱以城降，遂东取淄、潍、登、莱、沂等州。

是年，秃马特叛。秃马特酋歹都秃勒死，其妻脱灰塔儿浑率部众以叛。帝遣博尔忽讨之，战没。帝怒，议亲征。博尔术等谏，乃使朵儿伯朵黑申往。朵儿伯朵黑申槎山通道，一战平之，获脱灰塔儿浑。是年，帝将征货勒自称，征兵于西夏，不应，遂伐之。

十三年戊宣春正月，围中兴府，西夏主李遵顼出走西凉，师还。遣者别讨古出鲁克。古出鲁克篡西辽王直鲁古，部众不服。者别至，远近响应，古出鲁克奔巴达克山，者别获而杀之。

三月，木华黎克新城、霸州。

秋八月，石抹明安出紫荆关，获金经略使行元帅事张柔。柔不屈，明安壮而释之。诏还柔旧职，得以便宜行事。木华黎自太和岭徇河东，克代、隰二州。

九月，进克太原府。

冬十月，克平阳府。遂定忻、泽、绛、潞、汾、霍等州。

是年，契丹人耶律喊舍等据高丽江东城，遣元帅哈真、副元帅札剌讨之。高丽王暉使其仆射赵冲等以兵来会。

十二月，克江东城，喊舍自缢死，斩其伪丞相以下百余人。高丽王暉来贡方物。

十四年己卯春，帝亲征货勒自弥，以皇弟斡赤斤留守和林。

五月，遣刘仲禄佩金虎符，征道士邱处机于登州。

六月，帝会诸皇子、大将于也儿的失河，议分兵讨货勒自弥。禡牙之日，雪深三尺。

九月，皇子察合台、窝阔台围讹剌脱儿城；术赤西北攻毡的城；诸将阿剌黑等东南攻伯讷特克城；帝与拖雷径渡锡尔河

趋布哈尔。帝至赛尔奴克城，遣丹尼世们谕降之；从间道袭努尔城，遣前锋将岱尔巴图谕降之；遂围布哈尔城。

是年，张柔克金雄、昌、保诸州，败贾瑀于孔山台，擒斩之。复败金恒山公武仙于满城，拔完城、曲阳、中山诸州县。于是，深、冀以北，镇定以东三十余城悉降。

冬十一月，木华黎克晋安府屠之。金丞相高琪用事；聚精兵于河南，而置河北不问。金主杀高琪。

十五年庚辰春，帝亲攻布哈尔。其酋率所部二万余人突围走，追及于阿母河，尽杀之，城民出降。是时，察合台、窝阔台已拔讹剌脱儿，获其守将伊那克只克，槛送行在诛之。术赤先攻下八儿真等城，阿刺黑等攻下忽毡等城。

夏五月，进至撒马尔干城，术赤等三路之师亦傅城下。货勒自称弥苏尔滩先居撒马尔干，闻大兵至，遁走，使其将阿尔泼汗婴城固守。帝遣者别、速不台各率轻骑追苏尔滩，又使脱所察儿为二将后援。帝自率诸皇子围撒马尔干，阿儿泼汗以波斯兵出战，中伏大败。康里兵开门出降。阿儿泼汗引亲兵突围走。帝恐康里兵反覆，仍尽诛之，以降将巴克曷勒蔑里克、哀密儿阿米守撒马尔干。

夏，帝避暑于渴石。帝以苏尔滩母土而堪哈敦在乌尔鞬赤，遣丹尼世们往谕之。土而堪不答，奔马三德兰，与苏尔滩妻俱为者别、速不台所获。

秋，命术赤、察合台、窝阔台攻乌尔鞬赤。帝自率大军攻忒耳迷城，克之。进至赛蛮，分军略巴达克山，以阿母河北之地悉定，遂渡河，攻克巴而黑城。见其城险固。恐为后路之患，堕之。东入塔里堪山，攻诺司雷脱柯寨。遣塔忽等使于金。

冬十月，复遣蒙古塔忽、讹里剌等使于金。十二月，苏尔滩入嘎比斯海岛，闻其母妻被获，幼子又为帝所杀，心悸而卒。

是年，木华黎略地至真定府，金恒山公武仙降，木华黎承制授史天倪河北都元帅，以仙副之。济南严实籍大名、彰德、磁、洺、恩、博、滑、浚等州户三十万来降。木华黎承制授实金紫光禄大夫、行尚书省事。木华黎留实围东平，分兵徇河北诸州。董俊判官李全以中山叛。

十六年，辛巳春，克诺司雷脱柯寨，屠之。术赤等攻乌尔鞑赤，屡失利。帝驻蹕塔里堪，术赤等以军事来告。帝廉知术赤、察合台素不合，改命窝阔台总诸军，并力急攻，克之。召察合台、窝阔台赴塔里堪，使术赤屯兵咸海、里海之间。拖雷渡阿母河，进拔安狄枯、马鲁诸域。进围你沙不儿城，三月，克之。又进拔海拉脱城，旋奉帝命，会师于塔里堪。

夏六月，宋使苟梦玉来聘。

秋七月。金主使乌库里仲端来乞和，帝门：“念汝运来，河朔既为我有，关西未下数城，宜割付于我，封汝主为河南王，勿复违也。”帝以苏尔滩子札剌勒丁据嘎自尼，与阿敏蔑里克兵合，自率三皇子讨之。

八月，逾印度固斯大山，至八米俺，命忽都虎扼喀不尔山之隘。忽都虎与札剌勒丁战于巴鲁安，失利。

九月，帝亲攻八米俺城，皇孙漠阿图堪中流矢卒。帝怒，城下之后，遇生物悉屠之，改城名曰卯库儿干。帝闻忽都虎失利，疾趋嘎自尼，军中不及爨，掬米食之。帝至巴鲁安，巡视战地，以诸将不知形势，自忽都虎以下皆受谴责。时札利勒不已遁，追及于印度河。会日暮，帝命列阵围之，又使乌克兰古儿札、古都斯古儿札濒河设伏，截其登舟之路。黎明，大战，败其右翼兵，获阿敏蔑里克。未几，其右翼亦溃，札剌勒丁以中军七百人突围走。帝欲生致札剌勒丁，令军中毋发矢。札剌勒丁以盖自蔽，策马自峭岸投于印度河，溺水而遁。帝见之，

以口齧指，谓诸皇子曰：“凡为将者，皆应如此也。”寻遣巴剌士尔台渡河追札剌勒丁，不及而还。

是月，木华黎出河西，克葭、绥德、保安、鄜、坊、丹等州，进围延安府。

十二月，宋京东安抚使张林来降，以林为沧、景、滨、棣等州行都元帅。

是年，帝遣搠儿马罕讨巴里塔部，遣朵儿伯朵黑申讨朵儿别部，遣者别、速不台讨康里、奇卜察克等十一部。者别、速不合与奇卜察克兵战于高喀斯，败之，获其部酋之弟玉儿格及其子塔阿儿。

十七年，壬午春，以札剌勒丁未获，嘎自尼诸城复叛。遣窝阔台讨平之。初，巴鲁安之败，海拉脱亦叛，至是帝遣按只吉歹讨平之。窝阔台既定嘎自尼，请进攻昔义斯单，帝曰：“隆暑将至，宜遣别将攻之，汝勿往。”

三月，封昆仑山神为元极王，大盐池神为惠济王。

夏四月，道士邱处机谒帝于行在。帝闻巴里黑复叛，自将讨平之。遂避暑于巴鲁安。以西域大定，设达鲁花赤监治之。

秋，窝阔台来觐于古南柯而干城。配克部酋萨拉尔阿黑默特来降，并献军粮，以地热，令居民每户舂黍米百斤，供士卒三人食。帝欲从印度斯单经唐古特而归，行数城，闻唐古特复叛，又以道路险恶，乃改途，渡质浑河，循故道至撒马尔干。或曰：左右见一角兽，形如鹿而马尾，作人言曰：“汝主宜早还。”帝遂决意班师。帝次布哈尔，召天方教士干曷世甫等述其教规。帝曰：“麦哈礼拜我不谓然，上帝降鉴无所不周，何为拘拘于一地科？”命自后祈祷之文，皆书御名，又命免天方教士赋役。

秋九月丙午朔，车驾渡阿母河，中途见邱处机，驻蹕于撒

马尔干。金平阳公胡天祚以青龙堡降。

冬十月丙子朔，下诏班师。

十一月，金河中府降，以石天应为兵马都元帅守之。

十二月，车驾驻忽毡河，察合台、窝阔台自布哈儿来献猎获，术赤以疾不至。

是年，者别、速不台平奇卜察克，其酋遁入斡罗斯。

十八年癸未春正月甲寅，车驾发忽毡河，驻蹕赤儿赤克河。二月庚辰，猎于东山，见大豕射之，马踣，帝易马而还。自此两月不出猎。

三月，国王木华黎卒。

夏，者别、速不台与斡罗斯战于喀勒吉河孩儿桑之地，大败之，获其计掖甫、扯而尼哥等部酋，槛送术赤诛之。诏以马十万匹犒师。

十月，金主殉卒，其太子守绪立。宋复遣苟梦玉来聘。西夏李遵顼传位于子德旺。

十九年甲申岁，帝避暑额儿的失之地。初，帝遣者别、速不台追苏尔滩，命之曰：“事定之后，由奇卜察克回至蒙兀儿斯单，与我相见，然后全师东返。”至是，者别、速不台来告捷，请遵前命，觐帝于行在。未几，者别中道卒。

秋七月，嗣国王李鲁伐西夏，克银州。

冬，皇孙忽必烈、旭烈兀来迎，忽必烈射一兔，旭烈兀射一山羊以献。帝进次布哈苏赤忽之地，大犒三军，支金帐以宴之。帝命堵将取石压行帐，以免倾覆，乌布赤不从，会猎，又不从众合围，帝怒，囚乌布赤于营中三日，既而宥之。

二十年乙酉春，帝至和林行宫，分封诸子：以和林之地与拖雷，以叶密尔河边之地与窝阔台。以锡尔河东之地与察合台，以咸海西货勒自弥之地与术赤。

二月，武仙以真定叛，袭杀史天倪。

三月，史天泽复真定，武仙败走。

夏六月，史天泽败宋将彭义斌于赞皇，获之。

秋，帝亲征西夏。初，西夏主伪降，请纳质子，且言愿助兵西讨。及征兵于西夏，其大将阿沙敢卜对使者曰：“俟大国兵败，吾师方出。”帝怒，西夏主乃阴结漠北诸部酋，为拒守之计。至是，帝自将伐之，假道于畏兀儿。

冬十月，武仙入真定，史天泽奔藁城。

十一月，帝猎于阿儿不合之地，堕马，遂不豫。驻蹕于撘斡儿合惕，遣使责西夏主拒命。

是年，皇子术赤卒。

二十一年丙戌春，帝驻蹕汪古答兰呼图克之地，感恶梦，时诸孙在侧者惟亦孙哥。遣使召窝阔台、拖雷至。次日，帝屏诸将及从官，谓窝阔台、拖雷曰：“我殆将死矣。我为汝等创业，无论东、西、南、北，皆有一岁程。我遗命无他，汝等欲御敌广土众民，必合众心为一，方能永享国祚。我死，奉窝阔台为主。”又曰：“我享此大名，死无所憾，我愿归于故土。察合台虽不在侧，当不至背我遗命。”言毕，麾二子出。

三月，自将诸军，拔西夏黑水等城。败其将阿沙敢卜于贺兰山，获之。

夏，避暑于浑垂山。诏封功臣户口食邑为十投下，以国王李鲁为首。克西夏、甘、肃等州。

秋七月，西夏主李德旺卒，从子睨立。大军克西凉府及撘罗、河源等县，遂逾沙陀，至黄河九渡，拔应昌等县。

九月，李全执张林以叛。郡王带孙围全于益都。

冬十一月庚申，帝亲攻灵州，西夏主李睨率五十营来援。丙寅，逆击之。时河冰已合，诸将从冰上渡河。西夏主败遁。

帝曰：“李睭经此败，不能复振矣。”丁丑，五星聚于西南。帝驻蹕盐川州。

十二月，国王李鲁遣李喜孙谕李全，为全部将所杀。西夏亦集乃路来降。

二十二年丁亥春，帝留兵围中兴府，自率师渡河，攻积石州。

三月，克洮、河二州及西宁县。分遣斡真那颜克信都府。是月，李全降。

夏四月，帝驻蹕隆德县，进拔德顺等州。

五月，克临洮府，遣唐庆等赍岁币于金。

闰月，避暑于六盘山。

六月，金遣完颜合周、奥屯阿虎来请和。帝谓群臣曰：“朕自去岁五星聚之时，已许不杀略，遽忘下诏耶？今可布告中外，令彼行人亦知朕意。”

是后，西夏主上表乞降，贡黄金佛及童男女、驼马、金银器，备九九之礼。帝允之，赐西夏主名失都儿忽，译言正直也。西夏主乞展期一月后入朝。帝遣脱斡朮而必慰谕之。是时，帝已不豫，密谕左右：“我死，勿发丧，俟西夏主来，即杀之。”

秋七月，帝驻蹕清水县之西江。壬午，帝疾甚。己丑，崩于灵州。帝临崩，谓左右曰：“金精兵在潼关，南据连山，北限大河，难以遽破。若假途于宋，金，宋之世仇也，必许我，则由唐、邓直捣大梁。金虽撤潼关之兵以自救，然千里赴援，士马俱疲，吾破之必矣。”言乞而崩，年七十有三。

西夏主来朝；托言帝有疾，不能见，令于帐外行礼。越三日，诸将遵遗命杀之。西夏亡。

诸皇子奉梓宫还漠北，至萨里川哈老徒之行宫，乃发丧，葬起辇谷。先是，帝道过起辇谷，见一大树，爱之，盘桓树下

良久，谓从者曰：“异日必葬我于此。至是有述前命者，遂葬树下焉。”

至元三年冬十月。追谥圣武皇帝，庙号太祖。至大二年冬十一月，加谥法天启运圣武皇帝。

史臣曰：“天下之势，由分而合，虽阻山限海、异类殊俗，终归于统一。太祖龙兴朔漠，践夏馘金，荡平西域，师行万里，犹出入户牖之内，三代而后未尝有也。天将大九州而一中外，使太祖挾其藩、躡其途，以穷其兵力之所及，虽谓华、夷之大同，肇于博尔济锦氏可也。”

卷四本纪第四

太宗

太宗英文皇帝，讳窝阔台，太祖第三子也。母曰光献翼圣皇后。太祖长子术赤，次察合台，二人素不相能。太祖十四年，亲征西征，议立嗣而行，察合台请以帝为嗣，太祖从之，事具《术赤传》。十六年，术赤、察合台攻乌尔鞑赤，屡失刊，太祖改命帝为统帅。帝调和两兄，兵复振，遂克乌尔鞑赤。十七年春，帝略地印度河下游，请进攻昔义斯单，太祖召帝还，与察合台等从太祖班师。二十一年，从太祖伐西夏。太祖崩，皇弟拖雷监国，帝分地在叶密尔河，留于霍博之地，安辑部众。

元年己丑夏，帝至忽鲁班雪不只之地，皇弟拖雷来迎。

秋八月己未，诸王百官会于怯绿连河阔迭额阿剌勒，请帝遵太祖遗诏即位，共上尊号曰木亦坚合罕。皇兄察合台持帝右手，皇叔斡赤斤持帝左手，皇弟拖雷以金杯进酒赞。帝东向拜日，察合台率皇族及群臣拜于帐下。

先是，太祖崩，金主遣其知开封府完颜麻斤来吊。至是，复遣其御史大夫完颜纳讷申来归太祖之娟。帝曰：“汝主久不降，使先帝劳于兵间，朕岂忘耶？何以娟为！”却之。

敕宿卫等依前番直，宣太祖圣训以谕之。始建仓廩，立駟传。蒙古人有马百者，输牝马一；牛百者，输粉牛一；羊百者，

输粉羊一；著为令。中原人以户计出赋调，命耶律楚材主之。西域人以丁计出赋调，命麻合没的牙刺瓦赤主之。凡诸王、驸马朝会，及使者往来，不得科敛百姓。

冬十一月，敕诸王、众官人管辖之地僉军事理有妄分彼此者，罢其达鲁花赤以下等官。

是年，始立三万户，以刘黑马、粘合重山、史天泽为之。赐撒吉思不花金符，安辑山东、河北诸州。木剌夷国王来朝。西域伊思八剌纳鲁内附。

二年庚寅春正月，诏自元年以前事勿问。定诸路课税、酒课，验实息，十取一；杂税，三十取一。帝与拖雷猎于斡儿寒河。

夏四月，帝避暑于塔密儿河。朵豁勒围庆阳，与金将完颜彝等战于大昌原，失利。东平行省严实入覲。帝遣斡骨栾使于金，北还，金陕西左副元帅卢鼓椎见使者，有不逊语。帝闻之，大怒。

六月，金主复追完颜奴申来聘，帝不受。

秋七月，帝自将伐金，命斡赤斤留守，皇弟拖雷及其子蒙哥皆从。

八月，史天泽克卫州。

冬十月，遣速哥使于金。

十一月，始置十路征收课税使：以陈时可、赵昉使燕京，刘中、刘桓使宣德，周立和、王贞使西京，吕振、刘子振使太原，杨简、高廷英使平阳，王晋、贾从使真定，张瑜、王锐使东平，王德亨、侯显使北京，夹谷永、程泰使平川，田木西、李天德使济南。大兵攻潼关、蓝田关，俱不克。

十二月，大兵拔天胜寨及韩城、蒲坂。帝至平阳，以田野不治，问都总管李守贤。对曰：“广贫民无耕具，故荒田多。”诏给牛万头，仍徙关中户口，垦河东荒地。

是年，改乾宁军为清宁军，复改隆德府为潞州。遣李邦瑞

使于宋，至宝应县不得入。诏行省李全护送邦端，宋边将又拒之。乃改道出于蕲、黄，与宋行人定约而还。遣绰儿马罕率精兵三万，讨札剌勒丁，战于合而拉耳之地，大败之。

三年辛卯春正月，李全攻扬州，为宋将赵葵所杀。

二月，大兵克凤翔府，分兵攻宋西和州，获其将强俊。金平凉、庆阳、邠原等府州皆降。速不台与金将完颜彝战于倒回谷，失利。

二五月，帝避暑于九十九泉，以李全妻杨妙真为山东淮南行省。金降人李国昌言于拖雷，请出宝鸡，自汉中达于唐、邓，从之。追搠不罕使于宋，假道且请会兵。搠不罕至沔州，宋青野原统制张宣杀之。

秋八月，帝幸西京，始立中书省，改侍从官名，以耶律楚材为中书令，粘合重山为左丞相，镇海为右丞相。耶律楚材奏请州县长吏专理民事，万户府专理军政，课税所专理钱谷，各不相统摄。从之。拖雷入大散关，拔宋凤州、洋州，进围兴元。分军为二：西军由沔州渡嘉陵江，东军趋饶风关，略地而东。初，皇叔斡赤斤遣著古与等便于高丽，高丽人杀之。至是，帝使撒里塔征高丽，对其杀使者之罪。

九月，帝自将围河中府。命平阳移粟西京，都总管李守贤言：“百姓疲敝，不任输载。”诏罢之。

冬十二月己未，克河中府。戊辰，拖雷渡汉水，与金将布哈战于禹山，布哈引兵还，逆其輜重获之。撒里塔围高丽东京，高丽王曷请降。是年，大名守将苏椿反，命杨杰只哥讨斩之。绰儿马罕追札拉勒丁至库儿忒山，札拉勒丁败死。货勒自弥亡。绰儿马罕遂取阿尼忒、爱而西楞、梅法而司三部之地。

四年壬辰春正月壬午朔，拖雷败金将完颜两娄室于襄城。丙戌，帝自河清县白坡渡河，三日军毕渡。庚寅，拖雷使者至，奏已渡汉江。诏诸军即日进发。甲午，帝至郑州，金屯军元帅

及金兵战于钧州之三峰山，大败之，获其大将布哈。自是，金兵不能复振。戊戌，帝至三峰山。壬寅，克钧州，获金大将合达及完颜彝等。辛丑，金潼关守将李平以城降。庚戌，金许州兵以城降。是月，撒里塔自高丽班师。帝遣使以玺书谕高丽王瞰。

二月戊午，帝至卢氏县，遇金将徒单兀典等，金兵不战而溃。完颜重喜来降。帝命斩重喜于马前。遂下商、鞏、嵩、汝、陕等州。乙丑，分兵攻归德府，许、郑、陈、亳、寿、颖、睢、永等州进。

三月丁亥，克中京，金将强伸复取之。命速不台等围南京。宋人以兵来会。追使谕金主降。壬寅，金主使其谏议大夫裴满阿虎带、大府监国世荣来乞和，以其弟之子曹王讹可质。癸卯，速不台攻南京不克。

夏四月丁巳，金主复使其户部侍郎杨仁奉金帛乞和，速不台城不易下，许之。戊午，金主又使仁赍珍宝来谢。己未，遣没忒入城诏谕金主。是月，车驾北还，留速不台围南京。帝由半渡至真定府。幸中都，出居庸关，避暑于官山。高丽国遣使来贡方物。

五月，敕使臣无牌面文字，始给马之县官及元差官皆罪之。若兵事及送御用物，仍验数应付车牛。帝不豫。

六月，疾甚。拖雷禱于天地请以身代之。未几，帝疾瘳。追金质子曹王讹可归。高丽复叛，徙都于江华岛。

七月，遣唐庆谕金主降。甲申，金人杀唐庆及从者三十余人。乙酉，国安用叛附于金。

八月辛亥，速不台败金将武仙等于京水。复遣撒里塔征高丽。

九月，帝次阿剌合的思之地。皇弟拖雷卒。

冬十月，高丽国遣使来谢罪。

十一月，帝猎于纳兰赤剌温之地。

十二月，驻蹕于太祖大斡尔朵。金主以汴京不能守，议渡河取卫州。撒里塔攻高丽处仁城，中流矢卒，别将铁哥引兵还。

是年，立彰德路总元帅府，改怀州为行怀、孟州事。遣王楫便于宋，议夹攻金人。宋使邹伸之采报命。帝许以成功之后，归宋河南地。

五年癸巳春正月丙午朔，金主渡河。辛亥，金将白撒攻卫州。丁巳，撒吉思不花等败白撒于白公庙。金主奔归德府。戊辰，金京城西面元帅崔立杀留守完颜奴申等，以南京降。

二月帝幸铁列都之地。命皇子贵由及诸王按赤带将左翼兵，讨蒲鲜万奴。

夏四月癸巳，崔立以金太后王氏、皇后徒单氏、梁王从恪、荆王守纯及宗室男女五百余人，至速不台军中。甲午，速不台杀从恪、守纯，送王氏、徒单氏赴行在。忒木□率诸军围归德。

五月，金将蒲察官奴乘夜来攻，撒吉思不花及郁元帅董俊等皆战没。诏谕高丽王悔过来朝，且数其五罪。

六月壬午，速不台克中京，获金中京留守强伸。辛卯，金主自归德奔蔡州。己亥，金主入于蔡州。是月，帝命以孔子五十一世孙元措袭封衍圣公。

秋八月，帝猎于兀必思之地。以阿同葛等充宣差勘事官，括中州民户。

九月，遣王楫使于宋，且征粮。辛亥，塔察儿筑长围以困蔡州。是月，皇子贵由等获万奴，辽东平。

冬十月甲申，金将麻琮以徐州降。高丽人毕贤甫与洪福源杀高丽宣谕使郑毅，以西京降。高丽将崔瑀攻贤甫斩之，福源来奔。

十一月宋遣其都统制孟珙等来会师，并输粮三十万石。

十二月己卯，拔蔡州外城。己丑，拔其西城。

是冬，帝幸阿鲁兀忽可吾行宫。敕修孔子庙及浑天仪。赵扬据兴州叛，易州达鲁花赤赵璿讨斩之。金海、沂、莱、潍等州降。

六年甲午春正月戊申，金主传位于宗室子承麟。己酉，大兵克蔡州，金主自缢死，承麟为乱兵所杀。金亡。金息州行抹撚兀典降于宋，大兵追杀之。

是春，会诸王于斡儿寒河。

夏五月，金将武仙奔泽州，为戍兵所杀。帝幸答兰答八思之地，大会诸王百官，颁大札萨克以令于众曰：

凡当会不赴而私宴者，斩。诸出入宫禁，各有从者，男女止限十人，出入毋得相杂

。军中凡十人置甲长一，听其指挥，专擅者罪之。其甲长以事来宫中，置权摄一人、甲

外一人，二人不得擅自往来，违者罪之。诸公事非当言而言者，拳其耳；再犯，笞；三

犯，杖；四犯，论死。诸千户越万户前行者，以木铍射之。百户、甲长、诸军有犯，其

罪同。诸军甲内数不足，于近翼抽补足之。诸人或居室，或在军中，毋敢喧呼。凡来会

，用善马五十匹为一羈，守者五人，饲羸马三人，守乞烈思三人。但盗马一、二者，即

论死。诸人马不应绊于乞烈思内者，辄没于畜虎豹人。诸妇人制质孙燕服不如法者，及

妒者，乘以驽牛徇部中，论罪，即敛财力更娶。

六月，宋将全子才率万余人自合肥趋汴京。崔立为部将李伯渊等所杀。

七月，子才入汴。己卯，宋制置使赵葵陷泗州。乙酉，宋监军徐敏子入洛阳，都元帅塔察儿拒战于龙门北，大败之。以忽都虎为中州断事官，野里木副之。遣大达海绀卜伐宋，取四川诸路。

八月，宋将全子才等以粮尽，引还。帝幸答八思之地，议自将伐宋，国王查剌请行，允之。

冬十二月己卯，遣王檄使于宋，责宋人败盟。襟遣邹伸之、李复礼等来报谢。帝猎于斡儿寒河。

是年，东平行省严实入觐，授实东平路行军万户，偏裨赐金符者八人。改威州为邢洛路。设国子监助教官于燕京，令大臣子弟入学。

七年乙未春，城和林，作万安宫。初，太祖居怯绿连河，又徙于卢朐河。帝即位，亦居怯绿连河及卢朐河，至是始建都于和林，国语曰喀刺科鲁木。春，帝居万安宫一月，居揭揭察哈殿二月；夏，避暑于昔刺斡儿朵；秋，居于阔阔脑儿行宫；冬，大猎于汪吉河；四时临幸，率以为常。帝以钦察、斡罗斯部未定，命诸王拔都、大将速不台讨之，皇子贵由、合丹，皇弟阔列坚及诸王鄂尔达、昔班、唐古忒、贝达尔、不里、蒙哥、拔绰皆从行。帝谕拔诸曰：“闻钦察别部酋八赤蛮有胆勇，速不台可胜之。”又以金秦、巩二十余州田守不降，命皇子阔端招谕之。又命皇子曲出十大将忽都虎伐宋，诸王唐古伐高丽。

秋七月，诸王口温不花略唐州，宋将全子才、刘子澄等皆遁。金宣德、西京、平阳、太原、陕西五路人匠充军，每二十户金一人。

冬十月，曲出拔枣阳及光化军。

十一月，略囊、邓诸州，败宋制置使赵范于郢州之上闸口。再战，大兵失利，遂引还。阔端至巩昌，承制授金便宜总帅汪世显原官。初，大兵克蔡州，世显即杀金行省粘葛，至是以巩昌来降，从阔端伐宋。

十二月，阔端克沔州，唐古克高丽凤、海、洞、慈及金山、归信等州。中书省臣请契勘《大明历》，从之。

是年，置大兴府版籍。改济宁府为山东路总管府济州，改隶东平府。安次县改隶霸州，林州改行县事。

八年丙申春正月，万安宫成，诸王来会宴，帝手觞赐中书令耶律楚材曰：“朕所以推诚委卿者，先帝之命也。非卿则中原无今日，朕之安枕皆卿力也。”诏印造交钞行之，不得过万锭。

二月，命应州万户郭胜、钧州万户李术鲁久住、邓州万户赵祥从皇子曲出伐宋。

三月，复修孔子庙及司天台。宋王旻、李伯渊等以襄阳降，命游显守之。

夏四月，曲出克随、郢二州及荆门军。复诏忽都虎括中原户口，得一百一十余万，定税每户出丝一斤，以供官用，五户出丝一斤，以赐贵戚、功臣。上田亩税三升半，中田三升，下田二升半。水田亩五升。商税三十分之一。盐价银一两四十斤，以为永额。

六月，立编修所于燕京，经籍所于平阳，编集经史，以梁陟充长官，王万庆、赵著副之。

秋七月，诏燕京路民户及真定路新籍户，每二十户佾军一人，以答不也儿领之。命陈时可阅刑名、科差、课税等案，赴和林照磨。诏以真定民户奉太后汤沐，诸王、贵戚、斡鲁朵：拔都，平阳府；茶合带，太原府；皇子古与克，大名府；李鲁

台，邢州；果鲁干，河间府；李鲁古带，广宁府；也苦，益都、济南二府户内拨赐；按赤带，滨、棣二州；斡陈，平凉州；皇子阔端、附马赤古、公主阿剌海、公主果真、国王查剌、茶合带、鍛真、蒙古寒札、按只那颜、折那颜、火斜、术思，并于东平府户内拨赐有差。耶律楚材言其不便，乃命设达花赤，朝廷别置官吏收其租赐之，非奉诏不得征调兵赋。

八月，大兵克枣阳军及德安府。

九月，阔端攻武休关，入兴元，败宋兵于阳平关，斩其将杨云、曹友闻。时金秦、巩二十余州皆降，惟会州都总管郭蝦蟆坚守不下。

冬十月，按竺迺克会州，郭蝦蟆自焚死。丙午，阔端拔文州。按竺迺招抚吐番诸部，略定龙州，与阔端合兵攻成都府，克之，会皇子曲出卒，阔端遂班师。

十一月，口温不花遣察带围真州，不克。

十二月，中书省课绩，以知济南府张荣为第一。

是年，改濠阳军为邢洺路，置邢总管府。升涿州路。速不台讨布而嘎而部，平之。

九年丁酉春，帝猎于揭揭察哈泽。蒙哥等获钦察别部酋八赤蛮，斩之，波尔塔斯、毛而杜因、萨克孙三部来降，里海以北悉定。

夏四月，筑埽邻城，作揭揭察哈殿。

六月，皇叔斡赤斤所部讹言括民女，帝怒，因括之以赐将士，自七岁以上未嫁之女得四千余人。

秋八月，命断事官术虎乃、山西中路课税所长官刘中试诸路儒士，中选者蠲其赋役，令与本处长官同署公事，得东平杨奂等四千三十人。

冬十月，猎于野马川，驻蹕行宫，口温不花等克光州，进

拔复州。攻蕲州，宋知州徐鹵固守，攻安丰军，宋知军杜杲固守，俱不下，遂引还。

是年，拔都等人斡罗斯，克其勒冶赞城，进拔克罗姆讷城，皇弟阔列坚中流矢卒，遂围物拉的迷尔都城。

十年戊戌春，国王塔斯伐宋，入北峡关，宋将汪统制降。拔都等克物拉的迷尔城，分兵拔廓在尔斯科城。

二月，追王檄便于宋。

三月己丑，宋通好使周次说来报谢。

夏四月，筑图苏湖城，作迎驾殿。襄阳神将刘义执游显等，降于宋，宋复取襄、樊。

六月，中书令耶律楚材陈时务十策：曰信赏，正名分，给俸禄，官功臣，考殿最，均利差，选工匠，务农桑，定土贡，制漕运。帝悉行之。

秋八月，征收课税使陈时可、高庆良奏诸路旱蝗，诏免今年田租，仍停旧未输纳者。以察罕为马步军都元帅。察罕克天长县及滁、泗等州。

九月，察罕围卢州，宋知州杜杲拒战，兵失利，引还。

冬十月辛未，宋人取光州。杨惟中建太极书院于燕京。

十一月，衍圣公孔元措奏礼乐散失。亡金太常官吏及礼册、乐器尚存者，请降旨收录。从之。

十二月，高丽国遣使贡方物，

是年，改平州为兴平府，立鼓城等处军民万户府。改深州隶真定路。塔海克隆庆府。宋洋州守将以城降。绰儿马罕再入义拉克阿剌伯，败哈里发于侃匿斤城，分兵取角儿只属部之地。

十一年己亥春正月，富民刘廷玉等请以银一百四十万扑买中原课税，中书令耶律楚材奏罢之。宋孟珙复取信阳军，寻又取光化军及息、蔡二州。

是春，猎于揭揭察哈泽，皇子阔端至自西川。

夏四月，赐高丽王檄玺，征其入朝。

六月，高丽国遣使奉表谢罪。塔海攻重庆府，不克。

秋七月，以山东诸路灾，免其田租。

冬十一月，蒙哥等围阿速部蔑怯思城。

十二月，塔海与宋兵战于归州大垓寨，失利。宋复取夔州。西域贾人奥都拉合蛮扑买中原银课二万二千锭，以四万四千锭为额，从之。初，奥都拉合蛮，娶人也。国法：春、夏浴水中者死。帝与皇兄察合劝出猎，见奥都拉合蛮浴，察合台欲斩之。帝曰：“彼遗金没而求之，非浴也。”乃免死，令给事左右。后日见亲信，遂恣为奸利焉。

是年，金降将王荣执怀州达鲁花赤纯只海以叛。纯只海妻善礼伯伦夺纯只海归，讨荣诛之。升顺天军为路，置总管府，以易州、祁州、定州及雄州之三县属之。立太原路总管府。绰儿马罕分兵攻角儿只诸路，角儿只大将阿拔克迎降。

十二年庚子春正月，以奥都拉合蛮充提领诸路课税所官。蒙哥等克蔑怯思城。拔都以斡罗斯诸部悉定，遣使来奏捷。命万户张柔等分道伐宋。

二月，按竺迺败宋舟师于夔门。

夏四月，始令制登歌乐，肄习于曲阜孔子庙。遣王檄使于宋。未几，檄以疾卒，宋人归其丧。

秋八月，宋将余玠以舟师入寇，溯河抵南京而返。

冬十二月，诏皇子贵由班师。敕州县失盗不获者，以官物赏之。

是年，敕代偿官民借回鹘金，计子母七万六千锭；仍敕凡借贷岁久者，惟子本相侔而止，著为令。籍诸王大臣所俘男女，放为良民。以曷思麦里为怀孟、河南二十八处都达鲁花赤。东

平行军万户严实卒。角儿只将阿拔克及凯辣脱酋阿释阿甫妻汤姆塔入朝，帝厚抚之，诏绰儿马罕尽返角儿只侵地，又谕角儿只岁贡外，不得任意苛敛。

十三年辛丑春正月，猎于揭揭察哈泽。辛酉，帝疾甚，医言脉绝，耶律楚材请大赦天下，从之，异日而廖。

三月，都总管万户刘巖入覲，命巖巡抚天下，察百姓利病。以刘敏行省事于燕京，赐敏手诏曰：“卿之所行，有司不得与闻。”拔都等败波兰兵于勒基逆赤城。

夏四月，高丽王暉以族子縉入质。

冬十月，以牙剌瓦赤同行省刘敏主管燕京公事。未几，牙剌瓦赤以流言诬敏，敏出手诏示之。帝闻之，按问得实，罢牙剌瓦赤。

十一月丁亥，帝出猎，耶律楚材谏，不听。庚寅，还至北铁鞑胡兰山，奥都剌合蛮进酒，帝饮醉。辛卯迟明，崩于行宫，年五十六。葬起辇谷。至元三年冬十月，追谥英文皇帝，庙号太宗。

初，帝爱拖雷子蒙哥。一日，召蒙哥抚其首曰：“是可以君天下。”异日，帝用特穆安豹，皇孙失烈门在侧曰：“用特穆安豹，则特将安养。”帝又曰：“是有仁心，可以君天下。”及帝崩，六皇后乃马真氏召耶律楚材问立君，楚材对曰：“此非外臣所敢与者。”后乃与诸王定议立皇子贵由为嗣。皇后临朝称制，以俟拔都等之至焉。

壬寅春，皇后乃马真氏称制元年，拔都等班师返。

夏五月，大兵攻宋遂宁、庐州，克之。

秋七月，张柔自五河口渡淮、攻扬、滁、和诸州，败宋统制王温等于天长县。

冬十月，张柔克通州。

十二月，大兵攻叙州，获宋都统制杨大全。是年，右丞相镇海罢。

癸卯春正月，高丽国遣使来贡方物。

三月，大兵克资州。汪世显卒，以其子德臣代之。

夏五月，荧惑犯房星。耶律楚材奏：“当有惊忧，然终无事。”未几，皇叔斡赤斤引兵趋和林，皇后欲西迁以避之。楚材曰：“臣观天道，无他变也。”已而，果如其言。

秋，察罕奏以张柔总诸军，屯杞县。

是年，贝住征罗马国，分兵入西里亚，罗马酋开廓苏降。

甲辰春，诸王大会于也只里河。

夏五月，中书令耶律楚材卒。察罕围宋寿春府，不克。宋寿青兵从海道寇胶、密诸州。至是，大兵突至树栅，以遏援师。宋将刘雄飞坚守，不下。

冬十月，高丽国遣使奉表来觐。

是年，并苛岚、宁化、楼烦三县入管州。

乙巳秋，察罕率步骑三万，与张柔再攻寿春，进至扬州，宋制置使赵葵请和，乃班师。

九月，宋裨将刘整陷镇平县。

是年，贝住克凯辣脱城，遵太宗遗命，以其地与汤姆塔。史臣曰：“太宗宽平仁恕，有人君之量。常谓即位之后，有四功、四过：灭金，立站赤，设诸路探马赤，无水处使百姓凿井，朕之四功；饮酒，括叔父斡赤斤部女子，筑围墙妨兄弟之射猎，以私撼杀功臣朵豁勒，朕之四过也。然信任奥都拉合蛮，始终不悟其奸，尤为帝知人之累云。”

卷五本纪第五

定宗

定宗简平皇帝，讳贵由，太宗长子也。母曰昭慈皇后，乃马真氏。生于太祖元年丙寅。

太宗五年，以皇子与诸王按赤带将左翼军讨蒲鲜万奴获之，辽东平。

七年，诸王拔都讨奇卜察克、斡罗斯诸部，太宗以敌据坚城不易下，命帝与诸王之长子贝达尔、不里、蒙哥等及皇弟阔列坚俱从行，所向克捷。

十一年，帝与蒙哥攻阿速部之蔑怯思都城。城险固，围三月不下，乃选敢死士十大，蹶云梯而上，始克之。帝又与不里等别将一军，与拔都大军会于杜恼河。

十二年冬，拔都渡河，取格兰城，帝驻河东，为拔都后援。

十三年春二月，太宗崩，昭慈皇后与诸王、大臣会议，立帝为嗣。皇后临朝称制，俟帝返然后归政。

明年壬寅，为皇后称制之元年，春三月，太宗凶问至军中，全军东返。拔都至浮而嘎河，散遣诸军。帝先归奔丧。

癸卯夏，诸王斡赤斤以大众趋和林，人心震骇。皇后遣斡赤斤之子往诘其父。斡赤斤闻大军东返，帝已至叶密尔河，乃曰：“吾来视丧，非有他也。”遂引众还。

甲辰，帝至和林，皇后屡召拔都。拔都与帝有隙，又以帝之立出皇后意，非太宗遗命，托足疾迁延不至。久之，遣其弟与子来会。

初，帝与拔都等宴军中。拔都自以年长，先饮酒，帝诟之。拔都遣使诉其事于太宗，太宗大怒，欲谪帝为探马赤，置于边远之地。诸王忙该及阿勒赤歹、晃豁儿台、掌吉等谏曰：“成吉思汗有训，内事只家中断，外事只野外断。此外事，请付拔都治之。”太宗从之。事得解，然拔都终与帝有隙焉。

乙巳，皇后以拔都不至，乃召诸王、诺延，会于答兰答八思之地，定议以帝嗣位。

元年丙午秋七月，帝即位于汪吉宿灭秃里之地。斡罗斯、罗姆、角儿只、法儿斯、克而漫、瓦夕斯诸国皆来朝。报达之哈里发、天主教之教王，及木剌夷、阿勒坡诸国，皆遣使来贺。帝锡赉优渥，凡后妃、公主、诸王、大臣及其家之子弟皆有赐，将士赐及其家，朝贺者赐及从人。以车五百乘载金帛，颁赐毕，尚有羨余，使群臣夺取以为笑乐，帝谕报达使者法克哀丁：“哈里发遇蒙古人无礼，如不悛将兴兵讨之。”本剌夷使者亦不见礼而归。

帝诘翰赤斤称兵之事，使诸王蒙哥、鄂尔达按之，诛其官属数人，宥翰赤斤不问。命中书令杨惟中宣慰平阳。断事官斜彻横恣不法，惟中按诛之。以耶律铸领中书省事。

冬，猎黄羊于野马川。皇太后乃马真氏崩。太后摄政四年，法令废弛，诸王自以敕令征西域货财，使者络绎于道。呼拉商等处长官阿儿浑入觐，尽取前后诸王敕令奏闻，帝申令禁止之。诸王由是敛戢。

奥都拉合蛮伏诛。复以镇海为中书左丞相，以牙剌瓦赤管财赋，以其子马忽惕为突而基斯单、撒马尔干等处长官，赐金狮符。

以察罕经略江淮，赐貂裘一、镔刀十。察罕使权万户史权等伐宋，克虎头关，进至黄州。军前左右司郎中李楨表言：

“襄阳乃吴、蜀之要，宋之襟喉，得之则可以为他日取宋之资。
“帝嘉纳之。

是年，拔都与大将兀良合台讨孛烈儿、乃捏迷思诸部，平之。

二年春，以忙哥撒尔为断事官。张柔败宋兵于泗州。柔帐下吏夹谷显祖上变，诬柔。逮柔至和林讯之，得实，显祖伏诛。夏，避奋于曲律律黑哈速之地。

秋七月，帝西巡。万户郝和尚朝于行宫，帝赐银万锭，和尚固辞，遂赐其将、校刘天禄等金、银符。

八月，命野里知吉带征西域。抽诸五部众十之二，使野里知吉带领之，属国如罗姆、角儿只、毛夕耳、的牙佩壳耳、阿勒坡等皆辖之，收其贡赋以充军实，帝谕野里知吉带曰：“朕将自往，以汝为先锋耳。”诏蒙古户百选一人，充拔都鲁。

九月，取太宗宿卫之半，以也曲门答儿领之。

冬十月，括诸路户口，敢隐实者诛籍之。

是年，皇弟阔端卒。西域妇法玛特以巫蛊术厌阔端，撒马尔干人希雷发其事，阔端临卒亦遣使告于帝为法玛特所害。诏丞相镇海鞠之，法玛特辞伏，处以极刑。未几，又有人告希雷厌禳皇子忽察，希雷亦伏诛。以高丽不入贡，遣兵讨之。

三年春三月，帝不豫，西巡叶密尔河。帝在潜藩，叶密尔河为汤沐地。帝尝谓此地水土宜于朕体，遂决意西巡。未至别失八里，疾大渐，崩于横相乙儿之地。年四十有三。葬起辇谷。追谥简平皇帝，庙号定宗。

帝严重有威，在位未久，不及设施。昭慈皇后称制时，君权下替。帝既立，政柄复归于上。然好酒色，手足有拘挛疾，尝以疾不视事，委镇海、喀达克二人裁决焉。

是年，大将速不台卒。蒙古诸部大旱，河水尽涸，野草自焚，牛羊十死八、九。万户郝和尚因岁饥，输谷千石以贍国用。

帝既崩，皇后斡兀立海迷失不发丧，先赴于拔部及拖雷妃客烈亦氏，请依乃马真氏故事，临朝称制，以俟立君。拔都许之。与诸王、大臣会于阿勒塔克山。

己酉，皇后称制元年，遣使者八拉等会拔都于阿勒塔克山。拔都欲立宪宗，使者还报。皇后与二子忽察、脑忽皆不悦。

庚戌春。诸王、大将再会于阔帖兀阿兰之地，定议，立宪宗。

是年，宋制置使余玠寇兴元、文州，汪德臣、郑鼎拒之。降将王德新据阶州以叛。以李楨为襄阳兵马万户。史臣曰：“定宗诛奥部拉合蛮，用镇海、耶律铸，赏罚之明，非太宗所及。又乃马真皇后之弊政，皆为帝所铲革。旧史不详考其事，谓前人之业自帝而衰，诬莫其矣。”

卷六本纪第六

宪宗

宪宗桓肃皇帝，讳蒙哥，睿宗拖雷之长子也。母曰显懿庄圣皇后，客烈亦氏。生于太祖三年戊辰十二月三日。有晃忽答部人知天象，言帝后必大贵，故以蒙哥名之。蒙哥，译义长生也。太宗在潜邸，养以为子，使昂灰二皇后抚之。睿宗卒，始命帝归藩。

太宗七年，从拔都讨奇卜察克、斡罗思诸部。九年，入奇卜察克，其别部酋八赤蛮败遁，匿于浮而嘎河林中。帝入林授捕，见空营一病姬在焉。讯之，则八赤蛮已遁于宽田吉思海岛。时北风大作，海之北岸水浅，遂渡水，出其不意擒之。帝命之跪，八赤蛮曰：“我一国之主，岂图苟活。且我非驼，何以跪为？”帝囚之。八赤蛮谓守者曰：“我窜于海岛，与鱼何异。然卒见擒，天也！今水回期将至，汝等宜早还。”守者白于帝，即日班师，而水已至，后军有浮渡者。八赤蛮请受刃于帝，帝命皇弟拔绰斩之。

与拔都等进攻斡罗斯之勒冶赞城，帝躬自搏战，克之。

十一年春，又与定宗攻拔阿速之蔑怯思城。

十二年，围斡罗斯计掖甫城。帝遣使谕降，城人杀使者，帝怒，昼夜力攻，克之，尽屠其众。

太宗崩，诸军东返。定宗即位，命帝屯六盘山，控制秦陇，为伐蜀之计。

定宗崩，皇后斡兀立海迷失临朝称制，拔都与诸王、大将会于阿勒塔克山，议立君。皇后遣使者帖木儿来会。至者西方诸王忽必烈、阿里不哥、末哥，东方诸王也孙格、塔察儿、帖木迭儿、也速不花及大将兀良合台、速你带、忙哥撒儿数人。时大将野里知吉带自西域至，建议遵太宗之命，立失烈门。皇弟忽必烈作而言曰：“太宗既欲立失烈门，而汝等辅立定宗，岂太宗命耶？阿克塔隆为太祖爱女，即有罪，宜会诸王、哈屯定讞，乃不问而杀之，又岂太祖、太宗法耶？今日之事，奈何以太宗之命为辞！”闻者语塞。初，太祖分部众于子弟，睿宗以幼子，所得独多，故诸将多睿宗旧部。睿宗卒，帝兄弟尚幼，事皆决于庄圣皇后。后有才智，能御众，又与拔都善，故众皆属意于帝。时又有建议者，谓拔都最长，当立。拔都不可。众曰：“王既不肯自立，请王审择一人，以定大计。”拔都曰：“吾国家幅员甚广。非聪明睿智、能效法太祖者，不可为主。我意在蒙哥。”众应曰：“然。”帝固让，皇弟末商曰：“众谓拔都言是听，今奈何不从。”拔都曰：“末哥言是也。”议避定。

皇后又遣使告于拔都，会议宜在东，不宜在西。且诸王未集，不能定议。拔都曰：“太祖、太宗大业未可轻授，今帝位已定，请屈意相从。明年再会于东方可也。”使其弟伯勒克、脱哈帖木儿将大军卫帝而东，拔都自驻于西，以备非常。

元年辛亥春，诸王、大将再会于阔帖兀阿兰之地。太宗、定宗诸子及察合台子也速蒙哥皆不至。拔都遣使者劝之。仍不纳。于是伯勒克等请于拔都，拔都遣乃申令于众，有梗议者以国法从事。西方诸王别儿哥、脱哈帖木儿，东方诸王也古，脱忽、也孙格、按只带、塔察儿、也速不花暨西方大将班里赤等皆至，乃即日奉帝即位焉。

夏六月，帝即位于斡难河、克鲁伦河之间。追尊皇考拖雷

为帝，尊客烈亦氏为皇太后。即位曰，诸王列于右，诸哈屯、公主列于左，皇弟七人列于前，文臣以孛尔该为班首，武臣以忙哥撒儿为班首。礼成，大宴七日。既而，御者克薛杰上变，言：骤逸，自出追之，遇车马甚众。一车折辕，误以克薛杰为同行者，使助其缚辕。见车中有藏甲，讶而问之。御者曰：“尔车亦如此，何问为。更问他车御者，乃知失烈门、忽察、脑忽三王欲乘宴会作乱。帝秘其事，命忙哥撒儿以兵逆之，止三五卫士，使各从二十人，献九白之贡。翌日，帝亲诘失烈门等，皆不承。考讯失烈门从官，始吐实，而自刭以死。复命忙哥撒儿穷治失烈门等党羽太祖功臣也孙帖额、掌吉、爪难、合答、曲怜、阿里出等及野里知吉带之二子，皆坐诛，死者七十人，诸王也速蒙哥、不里后期不至，遣大将卜怜吉□屯兵备之。

帝遂更改庶政，命皇弟忽必烈总治漠南诸路军民。开府于金莲川，以忙哥撒儿为断事官；以孛尔该为大必阁赤，掌宣发号令、朝觐贡献及内外闻奏诸事；以晃忽儿留守和林，阿兰答儿副之；以牙刺瓦赤、卜只儿、斡鲁不、睹答儿等充燕京等处行尚书省事，赛典赤、匿答马丁佐之；以讷怀、塔刺海、麻速忽等充别失八里等处行尚书省事，暗部刺兀尊，阿合马、也的沙佐之；以阿儿浑充阿母河等处行尚书省事，法合鲁丁、匿只马丁佐之。以察罕、也柳干总两淮等处蒙古、汉军，以带答儿统四川等处蒙古、汉军，以和里□统吐番等处蒙古、汉军，皆仍前征讨。封克薛杰为答剌罕。命僧海云掌释教事，道士李真常掌道教事。

颁便益事宜于国中：凡朝廷及诸王滥发牌印，诏命尽收之；诸王驰駟，许乘三马，远行亦不得过四马；诸王不得擅招民户，诸官属不得以朝觐为名赋敛民财，输粮者许于近仓输之。罢筑和林城夫役五千人。依太祖、太宗旧制，免耆民及释、道等教

之丁税，惟犹太教不预此例。改定西域税则，牛、马百税一，不及百者免。代偿定宗及皇后、皇子亏欠商货银五十万锭。

秋，察罕入觐，命以都元帅兼领尚书省事。

冬十一月，皇弟忽必烈入觐。帝闻西夏人高智耀名，召见之。从智耀言，免海内儒士徭役，无有所与。

是冬，执野里知吉带于八脱吉斯之地，命拔都诛之。以僧那摩为国师，总领天下释教。

二年春正月，帝幸失灰之地。命皇弟旭烈兀讨木剌夷，以乃蛮人怯的不花为前锋。皇太后客烈亦氏崩。置经略司于汴。以忙哥、史天泽、杨惟中、赵壁等为经略使，屯田唐、邓诸州。

二月，察罕攻宋随、郢、安、复等州，与宋将马荣战于大脊山。

三月，命东平万户严忠济立局，制冠冕、法服、钟磬、仪仗，肄习之。

夏四月。帝驻蹕和林。定宗皇后斡兀立海迷失及失烈门母以厌禳事觉，命忙歌撒儿鞠治得实，并赐死。以忽察、脑忽、失烈门三王，皆由其母煽惑，免死。谪忽察于苏里该之地，脑忽、失烈门于没脱赤之地。禁锢和只、纳忽、孙脱等于军中。定太宗子孙分地：合丹居别失八里，蔑里居也儿帖石河，海都居海押立，别里哥居曲儿只，脱脱居叶密立，蒙哥都及太宗皇后乞里吉忽帖尼居阔端太子分地之西。仍以太宗皇后、诸妃资产分赐诸王。遣贝剌至察合台藩地，逮治违命诸臣。乞儿吉思、谦谦州等处，皆追兵巡察。命察合台孙忽剌旭烈杀也速蒙可，代其位。忽剌旭烈未至而卒，其妃倭耳干纳杀也速蒙哥，自为监国。以太宗子不里付海都杀之。定宗用事大臣喀达克等并伏诛。

六月，皇弟忽必烈入觐。

秋七月，命忽必烈征大理，塔塔凡台撒里、秃儿花撒征印度。诏谕宋荆南、襄阳、樊城、均州诸守将，使来附。

八月庚申，帝始以冕服拜天于日月山。癸亥，帝用孔元措言，合祭昊天、后土，作神牌，以太祖、睿宗配。是月，忽必烈次临洮，请城利州以为取蜀根本。

冬十月，汪德臣掠宋成都，薄嘉定，为宋将余玠所却。命诸王也古讨高丽。帝猎于月帖古忽兰之地，堕马，伤臂，不视朝百余日。

十二月戊午，大赦天下。以帖哥出、阔阔术等掌帑藏，孛阑合剌孙掌斡脱，阿剌忽掌祭祀、医巫、卜筮，阿剌不花副之，只儿斡带掌驿传。徙工匠五百户修行宫。是年，籍汉地户口。印度遣使入贡。

三年春正月，汪德臣城利州、阆州，分兵屯田，宋人不敢侵軼。帝猎于怯蹇察罕之地。诸王也古以怨袭诸王塔察儿营。帝遂会诸王于斡难河北。罢也古征高丽兵，以札剌儿传为征东元帅。遣必阁赤别儿哥括斡罗思户口。帝大封同姓，命皇弟忽必烈于河南、陕西自择其一，忽必烈愿有陕西，遂受京兆分地。

三月，察罕攻宋海州，败宋将王国昌于城下，获都统一人。

六月，命兀良哈台从皇弟忽必烈征大理，皇弟旭烈兀征报达。又命撒里等征印度斯单、克什米尔，受旭烈兀节度。撒里等由克什米尔入印度斯单界，大掠而还。帝幸火儿忽纳要不儿之地，诸王拔都遣使乞买珠银万锭，帝以千锭赐之，仍谕曰：“太祖、太宗之财，费用如此，何以给诸王之赐，王宜详审之，此银就充岁赐之数。”

秋八月，帝幸军脑儿，以忙哥撒儿为万户，哈丹为札鲁花赤。

九月，忽必烈次忒刺之地。分兵三道：兀良哈台由西道，

诸王抄合、也只烈由东道，忽必烈由中道以进。

冬十月，忽必烈渡金沙江，摩挲蛮酋唆火鲁迎降。

十二月，忽必烈入大理。帝幸汪古部。命诸王也古与洪福源征高丽，攻拔禾山、东州、春州等城。

是年，怯的不花入苦亦斯单，进至塔密干，攻吉儿都苦堡，木剌夷酋遣兵援之。忙哥撒儿卒。忙可撒儿莅事严，人多怨之，帝为下诏慰谕其子。

四年春二月，宋将余晦城紫金山，汪德臣大败之，夺其城。

三月，释宋使王元善南归。帝猎于怯蹇察罕之地。

夏，帝驻蹕于月儿灭怯土。札剌儿带至军中，也古罢归。

秋七月，诏官吏赴朝廷，理算钱粮者许自首不公，仍禁以后浮费。兀良合台攻乌蛮赤押城，拔之。大理酋段智兴降。

秋八月，皇弟忽必烈至自大理，驻于桓、抚二州。

冬十一月，城光化军，帝大猎于也灭千哈理察海之地。是年，会诸王于颗颗脑儿之西，祭天于日月山。初籍新军。帝令大臣，求可以慎固封守、娴于交略者。擢史枢征行万户，配以真定、相、卫、怀、孟之兵，使屯于唐、邓二州。张柔移屯亳州，自亳筑甬道属汴堤，以通商贾之利。诏柔率山前八军城亳州。宋均州总管孙嗣宗遣人赍蜡书请降。诏权万户史权以精兵援之。宋骁将钟显、王梅、杜柔、袁师信各率所部来降。

五年春，定汉民科差包银额征四两，以半输银，半折丝绢、颜料等物。

二，帝驻蹕月儿灭怯土。

秋九月，张柔会都元帅察罕于符离，筑横江堡，兼立水栅，以通陈、蔡、颍、息之路。

是年，史枢败宋舟师于汉水之鸳鸯滩。兀良合台攻鲁鲁廐、阿伯等部，降之。改命札剌儿带、洪福源征高丽。马步军都元

帅兼领尚书省事察罕卒。权真定等路万户史天安卒。

六年春正月，帝会诸王、百官于月几灭怯土，大宴六十余日，赐金帛有差，仍定拟诸王岁赐之数。忽必烈奏请续金内地汉军，从之。

夏四月，驻蹕答密儿之地。

五月，幸昔刺斡鲁朵。

六月，大白昼见。幸□亦儿阿塔之地。诸王也孙格、附马也速儿等请伐宋，帝亦以宋人囚使者月思麻思，会议讨之。太宗末，月里麻思使于宋，宋人囚之，至是已十六年。

秋七月，诸王塔察儿、附马帖里该率所部过东平，掠民羊豕。帝闻之，遣使按问其罪。由是诸军敛戢无犯者。冬，帝驻蹕阿塔哈帖乞儿蛮之地。以阿母河回回降户分赐诸王、大将。旭烈兀率怯的不花、布帖木儿等分三道进兵，木剌夷酋兀克乃丁请降。帝以木剌夷人凶悍，命旭烈兀悉诛之。兀克乃丁入朝，亦杀之于中途。

十二月，城枣阳军。

是年，大理酋段智兴及素丹诸部长来觐。兀良合台讨乌、白蛮三十七部，悉平之，遂自昔儿八之地还重庆，败宋将张实。赐兀良合台金缕织文衣一袭、银五千两，赉军士彩帛二万四千匹。始建城郭、宫室于恒州东、冻水北之龙冈。

七年春，帝幸忽兰也儿吉之地。诏诸王出师伐宋。命阿蓝答儿行省事于京兆，刘太平佐之，钧考陕西诸路财赋。皇弟忽必烈固请率妃主入觐。董文蔚攻宋襄阳、樊城，与宋将高达战于白河。

夏六月，谒太祖行宫，祭旗鼓，复会诸王于怯绿伶之地，还幸月儿灭怯土。兀良合台奏请依汉故事，以西甫夷悉为郡县，从之。以刘时中为宣抚使，加兀良合台大元帅，还镇大理。

秋，驻蹕于军脑儿，酹马乳祭天。

九月，以驸马纳陈之子乞□为达鲁花赤，镇守斡罗斯，仍赐马三百匹、羊五千匹。回鹘献水精盆、珍珠伞等物，值三万余锭。帝曰：方今百姓疲敝，所急者钱耳。朕独有何为？”命却之。赛典赤以为言，帝稍偿其值，禁勿再献。诸王塔察儿率诸军伐宋，围樊城，会霖雨连月，遂班师。

冬十一月，兀良合台伐安南，入其都城。安南国王陈日熈遁入海岛，遂大享战士而还。

十二月，帝渡漠南，驻蹕于玉龙栈赤，皇弟忽必烈、阿里不哥及诸王八里土、玉龙塔失、昔烈吉、出木哈儿，公主脱灭干来迎。帝见忽必烈，相对泣下，不令有所白而止。

是冬，皇弟旭烈兀至报达，克其乞里茫沙杭城。

八年春正月朔，幸也里本朵哈之地，受朝贺。

二月，陈日熈传国于长子光晟，遣其陪臣阮学士来贡方物，兀良合台送诣行在。旭烈兀平报达，获哈里发木司塔辛，杀之，遣使来献捷。帝猎于也里海牙之地，遂自将伐宋，命阿里不哥留守和林，阿兰答儿辅之，命张柔从忽必烈攻鄂州，以趋临安，塔察儿攻荆山以分兵力。又命兀良合台自云南进兵，会于鄂州。纽邻败宋师于灵泉山，进攻云顶山堡，克之。成都府彭、汉、怀安、绵等州及威、茂诸蕃悉降，以纽邻为都元帅。帝自东胜渡河。命参知政事刘太平括兴元户口。高丽质子王綽谮洪福源，帝召福源杀之。

夏四月，帝驻蹕六盘山，召见诸路守令，丰州千户郭燧奏请城金州，从之。是时军四万，号十万，分三道而进：帝由陇州入大散关，诸王末哥由洋州入米仓关，孛里察万户由渔关入沔州。以明安答儿为太傅，守京兆。诏征益都行省李璫兵。璫奏益都南北要冲，兵不可撤，从之。

五月，皇子阿速带因猎伤民稼，帝责之，挾近侍数人。士卒有拔民葱者，斩以徇。由是大兵所至，秋毫无犯。

秋七月，留輜重于六盘山。帝自将大军出宝鸡，攻重贵山，所向克捷。

八月辛丑，李璿与宋人战于涟水，大败之。

九月，帝进驻汉中。纽邻率众渡马湖江，获宋将张实，遣实招谕苦竹隘。实入城，与宋将杨立坚守。行北京七路兵马都元帅府事史天祥卒。

冬十月壬午，帝次宝峰。癸未，幸利州，观其城堑浅恶，以汪德臣能守，赐卮酒奖谕之。遂渡嘉陵江，至白水江，命德臣造浮梁以济，进次剑门。戊子，遣史枢攻苦竹隘，裨将赵仲开门出降，诏赐仲衣帽，迁于重庆。己亥，获张实支解之。赐汪德臣玉带，留情兵五百守之。遣使招谕龙州。帝驻蹕高峰。庚子，围长宁山，守将王佐等出战，败之。

十一月，己酉，帝督诸军，先攻鹅顶堡。壬子，与宋师战于望春门，败之。宋知县王仲出降。是夜，克鹅顶堡，以彭天祥为达鲁花赤守之。诸王末哥、塔察儿等略地还，俱引兵来会。丙辰，进攻大获山，遣王仲招守将杨大渊，大渊杀之。帝怒，督诸军力攻，大渊遂以城降，授大渊为都元帅。庚午，帝驻蹕和溪口。是月，宋龙州降。

十二月，杨大渊与汪德臣分攻相等县。纽邻攻简州不克。乙酉，帝次于运山，宋守将张大悦降。进至青居山，其裨将刘渊等杀都统段文鉴降。丁酉，隆州降。己亥，大良山守将蒲元圭降。诏诸军毋俘掠。癸卯，克雅州。石泉山守将赵顺降。甲辰，遣降人晋国宝招谕合州守将王坚，坚固守不下。

是年，兀良合台徇宋内地，连克静江府、辰、沅等州，进围潭州。皇子辩都卒。

九年春正月乙巳朔，帝驻晔重贵山北，置酒大会，因问群臣曰：“今在敌境，天将暑，汝等谓可居否乎？”脱欢曰：“南土瘴厉，车驾宜早还，新俘户口委官吏治之可也。”八里赤曰：“脱欢怯，臣请居之。”帝称善。戊申，晋国宝还至峡口，王坚追杀之。诸王末哥进攻渠州礼义山，曳刺秃鲁雄攻巴州平梁山。丁卯，杨大渊攻合州，俘男女八万余。是月，大兵克利州。隆庆、顺庆诸府，蓬、阆、广安守将相继降。命浑都海以兵二万守六盘山，乞台不花守青居山，纽邻造浮梁于涪州之蔺市，以杜援兵之路。

二月丙子，帝自鸡爪滩渡江，直抵合州城下。辛巳，攻一字城。癸未，攻镇西门。

三月，攻东新门及奇胜门、镇西门诸堡。

夏四月丙子，大雷雨，凡二十日。乙未，攻护国门。宋将吕文德以艤千余，溯嘉陵江而上，命史天泽击败之。六月丁巳，汪德臣选敢死士夜登外城，会大雨，梯冲尽折，后军不克进而止。是日，德臣感疾卒。帝不豫。

秋七月，留兵三千围合州，余众悉攻重庆。癸亥，帝崩于的鱼山，年五十有二。史天泽等奉梓宫北还，葬起辇谷。庙号宪宗，追谥桓肃皇帝。

帝沈断寡言，不喜侈靡。太宗朝群臣擅权，政出多门。至是，凡诏令皆帝手书，更易数四，然后行之。御群臣甚严，尝谕左右曰：“汝辈得朕奖谕，即志气骄逸，灾祸有不立至者乎？汝辈其戒之。”然酷信巫覡卜筮之术，凡行事必谨叩之无虚日，终不自厌也。

史臣曰：“宪宗聪明果毅，内修政事，外辟土地，亲总六师，壁于坚城之下，虽天未厌宋，赍志而殁，抑亦不世之英主矣。然帝天资凉薄，猜嫌骨肉，失烈门诸王既宥之而复诛之。拉施

特有言：蒙古之内乱，自此而萌，隳成吉思汗睦族田本这训。
呜呼，知言哉 ！”

卷七本纪第七

世祖一

世祖圣德神功文武皇帝，讳忽必烈，睿宗第四子，宪宗同母弟也。以太祖十年乙亥秋八月乙卯生。

太祖十九年春，自西域班师，至乃蛮境阿拉马克委之地，帝与皇弟旭烈兀来迎，帝射一兔，旭烈兀射一山羊。国俗：童子初猎禽兽，以血染长者拇指。旭烈兀持太祖手，用力重。太祖曰：“尔用力如此，吾为尔耻之。”帝则捧太祖之手，轻拭之。太祖甚悦。及长，仁明英睿，事庄圣皇后以孝闻。

在潜邸，征名儒窦默、姚枢、许衡等，询以治道，思大有为于天下。蒙古兴垂六十年，至帝始延揽文学之士，待以殊礼焉。

宪宗即位，诏漠南、汉地军国之事，悉听帝裁决，开府于金莲川得专封拜。邢州为帝分地，后又分二千户为功臣食邑，民不堪命，诣王府诉之。刘秉忠、张文谦言于帝曰：“邢州户本万余，军兴以来，不满数百，得良吏抚之，责以成效，使四方取法，则天下皆受王之赐矣。”帝从之，以脱兀脱、张耕为邢州安抚使，刘肃为商榷使，轻徭薄赋，期年户增数倍。自是帝益以儒者为阿用。

二年，帝移驻桓、抚二州，时牙刺洼赤、布智儿等行燕京中书省事，一日杀二十八人。其一人，已杖而释之，有献环刀

者，复追还，折其人以试刃。帝闻其事，召布智儿责之曰，“凡死罪宜详谳而后行刑，今一日杀二十八人，必多冤滥；况既杖而后折之，此何刑世？”布智儿惶恐谢罪。帝请置经略司于汴京以图宋，置都转运司于新卫，以济军储。宪宗并从之。夏六月，觐宪宗于曲先脑儿，奉命征云南。秋七月丙午，祚开出师。

三年，宪宗大封同姓，敕帝河南、京兆自择其一，帝愿受京兆分地。奏割河东解州盐池供军饷，令民受盐入粟，转漕嘉陵。又奏置宣抚司于京兆，以李兰奚、杨惟中为使，关、陇大治。

秋八月帝自六盘山次临洮。

九月壬寅，帝次忒剌，分三追以进：大将兀良合台出西道，诸王抄合、也只烈出东道，帝自将大军出中道，留輜重于满陀城。

冬十月，经西香界至金沙江，乘革囊以济，摩娑二部酋，唆火脱因、塔里马迎降。

十一月辛卯，遣玉律术、王君侯、王鉴等谕大理。辛丑，白蛮酋阿塔刺降。

十二月丙辰，围大理城。初，大理酋段兴智微弱，国事皆决于高祥。是夜，祥率所部遁去。帝入城，谓左古曰：“城破，而玉律术等不出，其人必死矣。”诸将以大理杀使者，欲屠城。张文谦言于帝曰：“此高祥所为，非民之罪，请宥之。”帝乃使姚枢裂帛为旗，书止杀之令，由是一城获免。辛酉，分兵攻龙首关，次赵脸。癸亥，获高祥。祥不屈，折之。时白日当午，云起雷震。帝曰：“忠臣也。”命以礼葬之。帝承制以刘时中为大理金齿等处宣抚使，留兀良合台讨鲁鲁厮、阿伯诸部，自率诸将班师。

四年夏五月，帝辟署于六盘山。秋八月，驻桓、抚二州，冬，驻金莲川。

五年冬驻奉圣州。

六年春三月，命刘秉忠建城郭于桓州东、滦水北，后名为开平府。冬，移驻合剌八剌合孙之地。

七年春，宪宗命名阿蓝答儿、刘太平钓考京兆、河南财赋，推验经略，宣抚两司官吏。帝闻之，不悦，用姚枢言，率妃主以下入朝。冬十二月，觐宪宗于也可迭烈孙之地，宪宗与帝皆泣下，不令帝有所白而止。遂议分道伐宋。

八年冬十一月戊午，帝褫牙于开平。

九年春二月，会诸王于邢州。

夏五月，次小濮州，征宋子贞、李昶，访问得失。

秋七月甲寅，次汝州，以大将拔都儿为前锋，戒勿妄杀。以杨椎中、郝经宣抚江淮，乌古论贞督饷蔡州。兵有犯法者，贞缚送有司，帝即轩之。由是将士肃然，无敢违命者。

八月丙戌，渡淮。辛卯，入大胜关，分遣张柔入虎头关。壬辰，帝次黄陂。时淮民被俘者众，帝悉宥之。庚子，诸将茶忽□得宋沿江制置司榜，有云：今夏谍者闻北兵会议，取黄陂民船，由阳逻堡济江会于鄂州。帝曰：“吾前无此意，能如其言吾所愿也。”辛丑，帝次于江北。

九月壬寅，诸王穆哥自合州遣使，以宪宗凶问告，且请北归。帝曰：“吾奉命南征，岂可无功而返。”甲辰，登香炉山，俯大江，江北为阳逻堡，其南岸曰许黄洲，宋人严兵守之，列战船江中，军容甚盛。董文炳率死士鼓掉疾趋，诸将分三道继之，宋兵败遁。文炳麾众登南岸，使其弟文用轻舟报捷。帝问战胜状，因举鞭仰指曰：“天也。”丁未，帝济江，驻许黄洲。己酉，次鄂州。庚戌，围城。帝谓张柔曰：“吾犹猎者，不能禽圈中豕野猎以供汝食，汝破圈取之可也。”柔作鹅车洞火其城，别遣勇士先登，城垂克。会宋将高达来援，引兵入，复坚守不下。

冬十月辛未朔，帝驻龟山。

十一月丙辰，移驻牛头山。兀良合台至潭州，遣使来告。命也里蒙哥以兵援之，且加劳问。时宪宗用事大臣阿蓝答儿、浑都海、脱火思、脱里赤等憚帝英明，谋立皇弟阿里不哥。阿蓝答儿乘传发兵，去开平百余里，皇后遣使谓之曰：“发兵大事也，太祖皇帝曾孙真金在此。何故不令知之？”阿蓝答儿不能对。后又闻脱里赤已至燕京，乃遣脱欢爱莫干驰告于帝，请早还。丁卯，发牛头山，声言以大兵趋临安，留大将拔都儿围城。

闰月庚午朔，还驻青山矶。辛未，张文谦获降民二万北归。宋制置使贾似道遣使求和，请输岁币。帝令赵壁等语之曰：“汝以生灵之故，来求和好。其意甚善。然我奉命南征，岂能中止？果有事大之心，请命于朝廷可也。”是日，帝班师。及至襄阳，高丽世子倬来迎。帝曰：“唐太宗亲征高征，不能服。今其世子自来归我，此天意也。”己丑，车驾至燕京。脱里赤方括民兵，帝悉纵之，民大悦。

中统元年春三月戊辰朔，车驾至开平府，哈丹、阿只吉率西路诸王，塔察儿、也先哥、忽剌忽儿、爪都率东路诸王来会，偕文武大臣劝进。帝三让，诸王、大臣固请。辛卯，即皇帝位。遣高丽世子倬归，以兵送之，仍赦高丽境内。

夏四月戊戌朔，八春、廉希宪、商挺为陕西四川等路宣抚使，赵良弼参议司事，粘合南合、张启元为西京等处宣抚使。己亥，诏谕高丽国归其俘与逃户。辛丑，诏曰：

朕惟祖宗肇造区宇，奄有四方，武功迭兴，文治未洽，五十余年于此矣。盖时有先后，事有缓急，天下大业，非一圣一朝所能兼备也。先皇帝即位之初，风飞雷厉，将大有为。忧国

爱民之心虽切于己，尊贤使能之道未得其入。方董夔门之师，进遗鼎湖之泣。岂期遗根，竟弗克终。

肆予冲人，渡江之后，盖将深入焉。乃闻国中重以金军之扰，黎民惊骇，若不能一朝居者，予为此惧，驿骑驰归。目前之急虽纾，境外之兵未戢。乃会群议，以济良规。不意宗盟，辄先推戴。咸谓国家之大统不可以久旷，神人之重寄不可以暂虚。求之今日，太祖嫡孙之中，先皇母弟之列，以先以长，止予一人。虽在征伐之间，每存仁爱之念，博施济众，实可为天下主。天道助顺，人谋与能。祖训传国大典，于是乎在，孰敢不从，朕峻辞固让，至于再三，祈恳益坚，誓以死请。于是俯徇輿情，勉登大宝。自惟寡昧，属时多艰，若涉渊冰，罔知攸济。爰当临御之始，宜新宏远之规。祖述变通，正在今日，虽承平未易遽臻，而饥渴所当先务。禁约诸路管军头目人等，凡事一新，毋循旧弊。若军前立功者，速行迁赏，例从优渥。外用进奉军前克敌之物，及斡脱拜见撒花等物，并行禁绝。今后应科敛差发，斟酌民力，期于均平安静，俾吾民共享室家之乐。鳏寡孤独不能自存者，所在官司于官仓内优加赈恤。五岳四渎、名山大川、历代帝王及忠臣烈士载于祀典者，官吏岁时致祭。

呜呼，历数攸归。钦应上天之命，勋亲斯托，敢忘列祖之规？体极建元，与民更始。朕所不逮，更赖我远近宗亲、中外文武，同心协力，献可替否之助也。诞告多方，体予至意。

丁未，遣翰林侍读学士郝经、礼部郎中刘人杰使于宋。丙辰，帖木儿、李舜钦等行部考课各路诸色工匠。乙丑，征诸道兵宿卫京师。置互市于涟水军，禁私商越境；犯者死。是月，阿里不哥僭号于和林。

五月戊辰，命燕帖木儿、忙古带节度黄河以西诸军。丙戌，建元中统，诏曰：

祖宗以神武定四方，淳德御群下。朝廷草创，未遑润色之文；政事变通，渐有纲维之目。朕获纁旧服，载扩丕图，稽列圣之洪规，讲前代之定制。建元表岁，示人君万世之传，纪时书王，见天下一家之义，法《春秋》之正始，体大《易》之乾元。炳焕皇猷，权舆治道。可自庚申年五月十九日，建元为中统元年。

惟即位体元之始，以立纲陈纪为先。朕宵衣旰食，孜孜求治。然天下之大，万事之众，岂能遍知。自今凡政令之未便，人情之未达，朝廷得失，军民利害，有上书陈言者，皆得实封呈献。若言不可采，并无罪责；如其可用，朝廷优加迁赏，以旌忠直。军人临阵而亡，及被伤而死者，仰各臂头目用心照管，仍仰各路宣抚使量给衣粮优恤其家。百姓犯死刑者，州府审问狱成，便行处断，则死者不可复生，断者不可复续，万一差误，悔将何及。今后仰所在官司推问得实，具事情始末及断定招款，申宣抚司再行审复无疑，呈省闻奏，待报处决。

甲午，以阿里不哥反，赦天下，诏曰；

朕获承不祚，已降德音。不期同气之中，俄有阇墙之侮。顾其冲幼，敢启兹谋，皆被凶谗，相济以恶。朕惟父子兄弟之亲，宗庙社稷之重，遣使敦谕，至于再三。乱党执迷，曾无少革。以致宗族成怒，戈甲载兴。重念兵方弭而复征，民甫休而再扰，危疑未释，反侧不安，诬误者至及于无辜，拘囚者或生于不测，非朕本意，整然伤心。宜推旷荡之恩，普示哀矜之意。于戏，悛心或后，忍加管蔡之刑；内难既平，式续成康之治。

乙未，立十路宣抚司：赛典赤、李德辉为燕京宣抚使，徐世隆副之；宋子贞为益都济南等路宣抚使，王磐副之；河南路经略使史天泽为河南宣抚使；杨果为北京等路宣抚使，赵昉副之；张德辉为平阳太原路宣抚使，谢瑄副之；李鲁海牙、刘肃

并为真定路宣抚使；姚枢为东平路宣抚使，张肃副之；张文谦为大名彰德等路宣抚使，游显副之；粘合南合为西京路宣抚使，崔巨济副之；廉希宪为京兆等路宣抚使。汪惟正为巩昌等处便宜都总帅，虎阑箕为巩昌元帅。敕：“科放差发，分三限送纳，其三限宽期展日，务令百姓易输。”

六月，戊戌，李璫为江淮大都督。刘太平等谋反，事觉，伏诛。浑都海举兵反。壬子，诏陕西四川宣抚司入春节制诸军。乙丑，信苴段实为大理国总管。是月，召真定刘郁，邢州郝子明，彰德胡祗遹，燕京冯渭、王光益、杨恕、李彦通、赵和之，东平韩文献、张珪等，乘传至开平府。高丽王_王遣其子僖来贺即位，赐_王典国王印及虎符。

秋七月癸酉，立行中书省于燕京，行六部，_王为中书丞相，王文统、赵壁为平章政事，张易为参知政事。王鄂为翰林学士承旨兼修国史。河南路宣抚使史天泽兼江淮诸翼军马经略使。丙子，造中统元宝交钞。立互市于颖州、涟水、光化军。帝自将讨阿里不哥。

八月丁未，诏都元帅纽璘所过毋擅捶官吏。己酉，立秦蜀行中书省。廉希宪为中书右丞、行省事。

九月丁卯，帝驻蹕转都儿哥。以阿里不哥违命，诏谕中外。己巳，高丽国遣使贺改元。阿蓝答儿举兵反，与浑都海兵合。壬午，诸王合丹、合必赤与汪良臣等合兵讨阿蓝答儿、浑都海。丙戌，阿蓝答儿、浑都海伏诛，陇右悉平。

冬十月癸丑，初行中统宝钞。

十二月丙申，遣礼部郎中孟嘉、礼部员外郎李文俊使安南。乙巳，帝至自和林，驻蹕燕京近郊。赐亲王末哥等及先朝皇后帖古伦、兀鲁忽乃妃子银币有差。自是，岁以为常。

二年春正月己丑，李璫败宋兵于涟水。

二月己亥，宋兵复攻涟水，李璿失利。诏阿术等援之。丁酉，诏行中书省丞相禡禡及平章政事王文统等率各路宣抚使赴开平。丙午，车驾幸察罕脑儿。高丽王伯德遣其世子堪来朝。减民间差发。陕西借民钱，以今年税赋偿之。丁巳，李璿败宋兵于沙湖堰。己未，车驾至开平府。

三月，壬戌朔，日有食之。

夏四月己亥，祀天于旧桓州之西北郊。丙午，诏军中所俘儒士，听赎为民。金齿蛮来贡方物，遣兵部郎中刘芳赍玺书谕金齿蛮。乙卯，诏十路宣抚使量免民间课程。命宣抚司官劝农桑、抑游惰、礼高年，问民疾苦，举文学才识可以从政及茂才异等，列名上闻，以听擢用，其官职污滥及民之不孝、不悌者，量轻重议罚。丁巳，命平章政事王文统举读史一人，文统以中书详定官周止应其选。辛酉，敕大理、合剌章兵扈从北上者，还其本国。

五月乙丑，崔明道、李全义为详问官，诣宋淮东制置司访问国信使郝经等所在，仍以稽留信使、侵扰疆场诘之。丙寅，命宣抚使姚枢赴省，同议军国调度。戊辰，发浪国来贡方物，赐金币遣之。庚午，封皇弟末哥世子昌童为永宁王。乙亥，东平路管民总管严忠济罢。丙子，东平路经历邢衡坐诬告张易论死。己卯，召见前济南宣抚使宋子贞、真定宣抚使刘肃、河东宣抚使张德辉、北京宣抚使杨果。庚辰，不花、史天泽为中书右丞相，忽鲁不花、耶律铸为左丞相，塔察儿、廉希宪为平章政事，张文谦为右丞，杨果、商挺为参知政事，粘合南合为平章政事、行省北京。庚寅，李昶为翰林侍读学士。壬辰，封诸王木苑为建昌王。

六月癸巳，罢诸路拘李兰奚。禁诸王擅招民户及征民户私钱。戊戌，诏十路宣抚司并管民官定盐酒税课。己亥，高丽王

傅奏请改名植，遣其世子堪来朝。癸卯，严忠范为东平路行军万户兼管民总管，仍谕达鲁花赤等官并听节制。乙卯，诏：“宣圣庙及管内书院，有司岁时致祭，月朔释奠，禁军民侵扰、褻读，违者罪之。”丙辰，汪良臣同佺巩昌路便宜都总帅，凡军民官并听节制。戊午，诏毋收卫辉、怀孟赋税以偿官借刍粟。庚申，宋泸州安抚使刘整以城降，以整行夔府路中书省兼安抚使，佩虎符。罢金、银、铜、铁、丹粉、锡碌坑冶所役民夫及河南舞阳姜户、藤花户，还之州县。赐大理国总管段实虎符，优诏抚谕之。命李璫领益都路盐课。放工局绣女，听其婚嫁。

秋七月辛酉朔，立军储部转运使司。癸亥，立翰林国史院，王鹗为翰林学士承旨。乙丑，遣使者分祀五岳四岳及后土，凡十有九处，分五道，每岁代祀自此始。万家奴为安抚高丽军民达鲁花赤，赐虎符。丁丑，大司农左三部尚书赛典赤为中书平章政事。壬午，翰林学士阔阔为中书左丞，遣纳速剌丁、孟甲等使安南。乙酉，谕将士大戍宋。诏曰：

朕即位之后，深以戢兵为念，故遣使于宋以通和好。宋人不务远图，伺我小隙，反起边衅，东剿西掠，曾无宁日。诸大臣皆以举兵南戍为请，朕重以两国生灵之故，犹待信使北还，庶有悛心，以成和议。今留而不至者又半载矣。往来之礼遽绝，侵扰之暴不已。彼尝以衣冠礼乐之国自居，当如是乎？曲直之分，灼然可见。今遣王道贞往谕。卿等约会诸将，秋高马肥，水陆分道而进，以为问罪之举。尚赖宗庙社稷之灵，其克有勋。卿等宣布朕心，明谕将士，各当自勉，毋替朕命。

八月丁酉，命开平府官释奠于宣圣庙。庚子，封王植为高丽国王。辛丑，征李冶为翰林学士。乙巳，颁中统权定条法，诏曰：

事匪前定，无以后臣民视听不惑之心；政岂徒为，必当奉

帝王坦白可行之制。我国家开建之始，禁网疏阔，虽见施行，不免阙略。或得于此，而失于彼，或轻于昔，而重于今。以兹奸猾之徒，得以上下其手。朕惟钦恤，期底宽平，乃立九章，用颁十道。据五刑之内，流罪似可删除。除犯死罪者，依条处置外，其余递减一等。决杖不得过一百七。著为令。

初立劝农司：陈遂、崔斌、成仲宽、粘合从中为滨棣、平阳、济南、河间劝农使，李士勉、陈天锡、陈臂武、忙古带为邢洺、河南、东平、涿州劝农使。封万户张柔为安肃公，张荣为济南公。诏陕西四川行省存恤归附军民。诏：“自今使臣有矫称上命者，有司不得听受。诸王、后妃、公主、驸马非闻奏，不许擅取宫物。”颁斗斛权衡。命刘整招谕夔府、嘉定等处军民。宥宋私商七十五人，还其货，听榷场贸易。仍檄宋边将还北人留南者。

九月丙子，谕诸王、驸马：凡部民词讼，勿擅决，听朝廷处置。癸未，遣阿沙、焦端义抚恤甘肃等路军民。置诸路提举学校官，诏曰：

诸路学校久废，无以作成人才。今拟选博洽多闻之士，以教导之。据王万庆、敬铉等三十人，可充诸路提举学校官。仍选高业儒生教授，严加训诲，务使成材，以备他选擢之用。

是月，阿里不哥袭败诸王亦孙哥，遂入和林，逾沙漠而南。

冬十月庚寅朔，帝自将讨阿里不哥。庚子，张启元为中书右丞，行中书省于平阳、太原等路。命平章政事赵壁、左三部尚书怯烈门率蒙古、汉军屯燕京近效。河南屯田万户史权为江汉大都督。壬寅，亳州张柔、归德邸陕、睢州王文干、水军解成、张荣实、东平严忠嗣、济南张宏七万户，各率所部兵赴行在。乙巳，指挥使郑江率千人赴开平。指挥使董文炳率善射者千人由鱼儿泊赴行在。丙辰，平章政事塔察儿率万人由古北口

赴行在。

十一月壬戌，诸王合丹等与阿里不哥战于昔木土脑儿，大败之，阿里不哥遁。辛未，复败阿里不哥于阿儿忒之地，其将阿速等降，阿里不哥弃和林西走。癸酉，帝驻蹕帖买和来之地。尚书怯烈门、平章政事赵壁兼大都督，率诸军从塔察儿驻北边。罢十路宣抚使，惟存开元一路。丁丑，征诸路宣抚使赴中都。帝移蹕速木合打之地。鹰坊阿里沙及其弟阿散坐擅离扈从，论死。

十二月庚寅，封皇子真金为燕王，领中书省事。甲午，帝至开平，放诸路新立军，中外解严。

三年春正月庚午，罢高丽互市。癸酉，以军兴，敕停公私通赋毋征。丙戌，江汉大都督史权、鄂州万户张宏彦将兵八千人赴燕京。

二月己丑，李璫举兵反，以涟、海三城献于宋。庚寅，宋兵攻新蔡县。辛卯，始定中外官俸。甲午，李璫陷益都。乙未，诏诸道，以今岁民赋市马。辛丑，李璫寇蒲台。癸卯，平章政事赵壁兼大都督，统诸军讨李璫。甲辰，命水军万户解成、张荣实，大名万户王文干、东平万户严忠范会济南万户张宏、归德万户邱浹、武卫军炮手元帅薛胜，会滨、棣二州。张柔及其子宏范将二千人赴开平。丙午，命诸王合必赤总督诸军，阿只爱不干、赵壁行中书省事于山东，宋子贞参议行省事，中书左丞阔阔、尚书怯烈门、宣抚使游显行宣慰司事于大名。己酉，王文统坐于李璫同谋，伏诛，仍诏谕中外。辛亥，都元帅阿海分兵戍平滦、海口及东京、广宁、懿州。壬子，李璫陷济南府。癸丑，宋兵攻滕州。

三月己未，括木速蛮、畏兀儿、也里可温、答失蛮等为兵。庚申，括北京鹰房等户为兵，以赵炳将之。辛酉，郑鼎、臧思

不、答里带、三岛行宣慰司事于平阳，朮朮、廉希宪、商挺、麦肖行中书省事于陕西。壬申，撒吉思、柴桢行宣慰司事于北京。癸酉，阿术、史枢等败李璫兵于济南。乙亥，宋将夏贵寇符离。戊寅，韩世安等败李璫兵于高苑。乙酉，宋夏贵寇蕲县。

夏四月丁亥，诏博兴、高苑等处军民为李璫协从者，并释其罪。丙申，宋兵寇徐、邳二州。癸卯，宋兵寇亳州。乙巳，命诸路详谳冤狱。乙卯，诏史天泽讨李璫。诸将皆受节度。

五月戊午，宋兵陷蕲县，权万户李义、千户张好古死之。甲子，宋兵寇利津。戊辰，右丞相忽鲁不花兼中书省都断事官，赐虎符。平章政事赛典赤兼领工部及诸路工作。丁丑，徐、邳总管李景让坐宋兵前攻邳州以城降，论死。大司农姚枢与左三部尚书刘肃依前商议中书省事。

六月乙酉，宋兵寇沧州。戊子，韩世安败宋兵于滨州丁河口。丙申，高丽国进遣来贡方物。癸卯，太原总管李毅奴哥、达鲁花赤载曲薛坐受李璫伪檄，伏诛。壬子，申严军官及部卒扰民之禁。

秋七月甲戌，史天泽等克济南，获李璫诛之。戊寅，夔府行省兼安抚使刘整入觐，以整行中书省于成都、潼川两路。

八月戊申，命翰林学士王鹗纂《太祖皇帝实录》。

九月戊午，亳州万户张宏略败宋兵于蕲县，复蕲县、宿州。己未，安南国王陈光昺遣使来贡方物。壬申授陈光昺及达鲁花亦讷剌丁虎符。庚子，中翼千户久住败宋兵于虎脑山。

冬十月壬戌，以刘人杰不附李璫，擢益都路总管。乙丑，分东、西川都元帅府为二，以帖的、刘整等为都元帅。丙寅，赐高丽国新历，且责国王欺慢之罪。戊寅，诏益都路官吏军民为李璫胁从者，并赦其罪勿问。

十一月乙巳，谕左丞相史天泽：“朕或乘怒欲有诛杀。卿

等宜迟留一二日，复奏行之。”

十二月丙辰，立河南、山东统军司，塔剌浑火儿赤为河南路统军使，卢升副之。茶不花为山东路统军使，武秀副之。丁巳，立十路宣慰司。癸亥，享列祖于中书省，以大礼使摄祀事。壬申，杨大渊为东川都元帅。

四年青正月乙酉，宋贾似道遣杨琳，以蜡书诱杨大渊南归，为大渊部将所执，诏诛之。丙戌，姚枢为中书左丞，改诸路监榷课税所为转运司。甲午，立于路奥鲁总管。癸卯，召商挺、赵良弼入觐。

二月甲子，车驾幸开平，遣王德素、刘公谅便于宋，致书宋主，诸其稽留郝经等之故。

三月癸卯，初建太庙。己酉，高丽王植遣使入贡，并上表谢恩。

夏四月戊寅，召窦默、许衡赴开平，改沧、清、深三州盐提领所为转运司。

五月乙酉，初立枢密院，以皇子燕王兼判枢密院事。戊子，改开平府为上都，达鲁花赤兀良吉为上都路达鲁花赤，总管董铨为上都路总管兼开平府尹。

六月癸酉，线真为中书右丞相，塔察儿为左丞相。

秋七月乙未，以故东平权万户吕义死事，赐谥忠节。

八月辛亥，置大理金齿等路都元帅府，以淄、莱、登三州为总管府。戊午，阿脱、商挺行枢密院于成都。壬申，车驾至自上都。九月，释宋谍王立、张达等十八人，给衣服遣还。

冬十一月丙戌，享于太庙，合丹、塔察儿、王盩、张文谦为大礼使摄祀事。高丽王植遣使贡方物，命植入朝。十二月丁未，四川都元帅钦察戍虎啸山。

卷八本纪第八

世祖二

至元元年春正月丁丑朔，高丽国遣使贺正旦。戊戌，杨大渊进罗绢三百端，优诏谕之。癸卯，罢宋人互市。

二月辛亥，选儒士译写经书，并纂修国史。丙辰，罢陕西行户部。癸酉幸上都。诏总管史权等二十三人入觐。

三月己亥，命尚书宋子贞陈时务，子贞条十三策，敕中书省议行之。辛丑，立漕运司。

夏四月己卯，诏高丽国国王植入朝。丁卯，追治李璫逆党张邦直、姜郁等二十七人之罪。

五月乙亥，唆脱颜、郭守敬行视西夏河渠。己亥，中书右丞粘合南合为平章政事。

六月乙巳，召王鹗、姚枢赴上都。戊申，高丽国遣使贡方物。

秋七月甲戌，彗星出舆鬼。癸未，以西番十八族部立安西州，行安抚司事。庚子，阿里不哥与玉龙答失、阿速带、昔里给来降，诏皆有之，诛其部将不鲁花等五人。% 八月乙巳，立山东行中书省，中书左丞相耶律铸、参知政事张惠等行省事。颁新立条格：省并州县，定官吏员数，分品从，给俸禄，授公田，考殿最；均赋役，招流亡，禁擅用官物及以官物进献、借贷官钱、擅科差役；凡军马不得停住村坊，词讼不得越诉；恤鰥寡，劝农桑，恤雨泽，物价以钞为准；具贼盗囚徒起数，申

省部。又颁陕西四川、西夏中兴、北京行书中书省条格。定诸王使臣驿传、税赋、差发、不得擅招民户，及以银与非投下人赤斡赤。禁口传敕旨，及追呼行省官属。癸丑，僧子聪同议枢密院事。诏子聪复姓刘氏，赐名秉忠，拜太保，参领中书省事。乙卯，改燕京为中都。丁巳，以改元，赦天下，诏曰：

应天者惟以至诚，拯民者莫如实惠。胶以菲德，获承庆基，内难未勘，外兵弗戢，夫岂一日，于今五年。敕天地之畀矜，暨祖宗之垂裕，凡我同气，会于上都。虽此日之小康，敢联心之少肆。

比者星芒示警，雨泽愆期，皆阙政之所由，顾斯民其何罪。宣布维新之令，溥施在宥之仁。据鲁不花、忽察、脱满、阿里察、脱火思等，构祸我家，依成吉思皇帝札撒克正典刑讫。可大赦天下，改中统五年为至元元年。自至元元年八月十六日昧爽以前，除杀祖父母、父母不赦外，其优余罪无轻重，咸赦除之。敢以赦前事相告者，以其罪罪之。

九月壬申朔，立翰林国史院。辛巳，车驾至自上都。庚寅。

十月壬寅朔，高丽国王王禕来朝。庚戌，有事于太庙。丁卯，宋理宗殂。其太子祺嗣位。益都千户毛璋、刘成等谋反，伏诛。

冬十一月辛巳，讨骨嵬蛮。壬辰，罢领中书左右部阿合马为平章政事，阿里为中书右丞。十二月庚午，始罢诸万户世守，立迁转法。

二年春正月辛未朔，日有食之。己卯，邓州监战纳怀、新旧军万户董文炳并为河南副统军。甲申，申严越界贩马之禁。癸巳，八东乞儿部牙西来贡方物。丁酉，高丽国王王禕遣其弟珣来贡方物。

二月辛丑朔，都元帅按陈败宋兵于钓鱼山。戊申，封诸王兀鲁带为河间王。丁巳，车驾幸上都。癸亥，并六部为四。麦

术丁为吏礼部尚书，马亨为户部尚书，严忠范为兵刑部尚书，别鲁丁为工部尚书。甲子，以蒙古人充各路达鲁花赤，汉人充总管，回回人充同知，著为令。同知东平路宣慰使宝合丁为中书平章政事，廉访使王晋为参知政事，廉希宪、商挺罢。

三月丁亥，敕边军习水战、屯田。

夏四月庚寅，敕军中犯法者勿擅戮，轻罪断，重罪上闻。诏四川、山东等路边军屯田。

闰五月癸亥，移秦蜀行省于兴元路。丁卯，分河南属州为太宗子孙采地：郑州隶合丹，钧州隶明里，睢州隶孛罗赤，蔡州隶海都。平章政事赵璧行省事于南京、河南府、大名、顺德、洺磁、彰德、怀孟等路，平章政事廉希宪行省事于东平、济南、益都、淄莱等路，中书左丞姚枢行省事于西京、平阳、太原等路。诏诸路府州不满千户者，可并则并之。各投下并于所隶府州。散府州户少者，不更设隶事司及司侯司。附郭县以府州兼领。括诸路未占户籍任差职者以闻。

六月戊寅，移山东统军司于沂州。万户重喜城十字路及正阳，命秃剌戍之。己卯，高丽国遣使贺圣诞节。参知政事王晋罢。

秋七月癸亥，安南国王遣使贡方物。戊寅，高丽国遣使贡方物。己卯，中书省臣皆罢。安童为中书右丞相，伯颜为中书左丞相。

八月戊子，召许衡于怀孟，杨诚于益都。车驾至自上都。

九月庚子，皇孙铁木儿生。

冬十月己卯，有事于太庙，癸未，敕顺天张柔、东平严忠济、河间马总管、济南张林、太原石抹总管等户改隶民籍。

十一月丙申，召李昶于东平。

十二月癸酉，召张德辉于真定，徒单公履于卫州。丁亥，

选诸翼军万人充侍卫亲军。

三年春正月乙未，高丽国遣使贺正旦。丙午，遣朵端、赵璧扶谕四川军民。壬子，立制国用使司，以阿合马为使。

二月丙寅，廉希宪、宋子贞为中书平章政事，张文谦为中书左丞，史天泽为枢密副使。癸酉，立安抚高丽军民总管府，治沈州。壬午，中书右丞张易为同知制国用使司事，参知政事张惠为副使。癸未，车驾幸上都。甲申，罢夏行省，立慰司。立东京、广宁、懿州、开元、恤品、合懒、婆婆等路宣抚司。

三月己未，前参知政事王晋及近侍和哲斯、转运使王明坐隐匿盐课，并论死。

夏四月己卯，申严濒海私盐之禁。

五月乙未，遣使者虑囚。丙辰，罢益都行中书省。

六月丁卯，封皇子南木合为北平王。戊寅，申严陕西、河南竹禁。

秋七月丙申，罢息州安抚司。壬寅，诏上都路总管府遇车驾巡幸，行留守司事。

八月丁卯，兵部侍郎黑的、礼部侍郎殷宏使日本、赐玺书曰：

皇帝奉书日本国王：朕惟自古小国之君，境土相接，尚务讲信修睦；况我祖宗受天明命，奄有区夏，遐方异域畏威怀德者，不可悉数。朕即位之初，以高丽无辜之民，久罹锋镝，即令罢兵，还其疆场，反其旄倪。高丽君臣感戴来朝。计王君臣，亦已知之。高丽，朕之东藩也。日本密迹高丽，开国以来，时通中国。至于朕躬，而无一乘之使，以通和好。尚恐国王知之未审，故特遣使持书布告朕心。冀自今以往，通问结好，以相亲睦。且圣人以四海为家，不相通好，岂一家之理哉？以至用兵，夫谁所好？王其图之。

又赐高丽王植玺书曰：

今尔国人赵彝来告，日本与尔国为近邻，典章文物有足嘉者。汉、唐而下，亦或通使中国。故今遣黑的等往日本，欲与通和。卿其导去使，以彻彼疆，开悟东方向风慕义。兹事之责，卿宜任之。

戊子，高丽国遣使贺圣诞。

九月戊午，车驾至上都。

冬十月丁丑，徙平阳经籍所于大都。太庙城，平章政事赵璧等集群臣廷议，定太庙为八室。

十一月辛卯，初给府、州、县、司官吏俸及职田。平章政事宋子贞致仕。辛亥，忽都答儿为中书左丞相。禁天文图讖等书。

十二月，改四川行枢密院为行中书省，赛典赤、也速带儿等佥行中书省事。丁亥，张柔判行工部事，与行工部尚书段天等城大都。

四年春正月癸卯，修曲阜宣圣庙。乙巳，百济国遣使来朝。辛亥，赵璧为枢密副使。立诸路洞治都总管府。癸丑，封昔木土山为武定山，其神□武定公。泉为灵渊。其神曰灵渊侯。乙卯，高丽国遣使来朝。戊午，城大都。析上都隆兴府自为一路。立开元等路运司。

二月庚申，粘合南合复为中书平章政事，阿里复为中书右丞。丁卯，改经籍所为宏文院，以马天昭知院事。丁亥，车驾幸上都。

三月己丑，耶律铸复为中书右丞相。壬寅，右丞相忽都察儿、史天泽、耶律铸、伯颜俱罢。

五月丁亥朔，日有食之。敕上都重建宣圣庙。丙辰，析东平路博州别为一路。

六月乙丑，史天泽复为中书左丞相，忽都答儿、耶律铸为平章政事，伯颜为中书右丞，廉希宪为中书左丞，阿里、张文谦并参知政事。乙酉，罢宣徽院。黑的、殷宏奏，高丽使者不能导至日本。命仍至高丽，赍玺书，切责高丽国王，使通谕日本，期于必得要领。

秋七月戊戌，大名路达鲁、总管张宏范，坐盗用官钱，免官。

八月丙寅，复立宣徽院，以钱真为院使。丁丑，封皇子忽哥赤为云南王。壬午，命怯绵讨建都蛮。高丽国遣使贺圣诞。阿术略地襄阳，败宋兵于牛岭。九月戊申，许衡为国子祭酒。安南国王遣使贡方物。庚戌，遣云南王忽哥赤镇大理、鄯阐、察罕章、赤秃哥儿，金齿等处，立大理等处行六部，阔阔带以尚书兼云南王傅，柴禔以尚书兼府尉，宁源以侍郎兼司马。诏安南国王陈光昺入朝。癸丑，车驾至自上都。

冬十月庚申，宋复陷开州。辛酉，制国用司言：“别怯赤山石绒，火不能然。”诏采之。西番酋阿奴版的哥等率众来降，授喝吾等处总管。庚辰，定品官子孙荫叙略。

十一月乙酉，有事于太庙。甲戌，立夔府路总元帅府。

十二月庚戌，立诸位斡脱总管府。

五年春正月庚子，建上都城隍庙。辛丑，高丽国王王禕遣其弟温来贺正旦，并奏通使日本。遣北京路总管于也孙脱、礼部郎中孟甲往谕高丽。

二月辛丑，析甘州路之肃州别为一路。

三月甲寅，禁民间兵器，犯者验多寡定罪。甲子，敕怯绵招谕建都。丁丑，罢诸路女直、契丹、汉人为达鲁花赤者，回回、畏兀儿、乃蛮、唐兀特人仍旧。

夏五月癸亥，都元帅百家奴拔宋嘉定府五花、石城、白马

三寨。

六月辛巳朔，济南人王保和等妖言惑众，敕诛首恶三人，余勿论。

己酉，蔡国公张柔卒，封诸王昔里吉为河平王。

秋七月辛亥，召高鸣、刘瑜、郝谦、李天辅、韩彦文、李赴上都。壬子，罢各路奥鲁官，令管民官兼领之。癸丑，立御史台，右丞相塔察儿为御史大夫。诏曰：“召官职在直言，腾或有未当，其极言无隐，毋惮他人，联为尔主。”仍谕天下知之。戊辰，罢西夏宣抚司。庚午，遣都统领脱朵儿、统领王国昌等点阅高丽兵船。立东西二川统军司，以刘整为都元帅，与阿术同议军事。

八月庚子，忙古带讨西番及建都蛮。

九月丁巳，阿术围樊城。己丑，命黑的，殷宏复赍国书使日本，仍敕高丽人导送。车驾至睢上都。史天泽复为枢密副使。

冬十月戊寅朔，日有食之。己卯，敕中书省、枢密院：有事与御史台同奏。庚辰，御史中丞阿里为参知政事。立河南等路行中书省，参知政事阿里行省事。庚寅，敕秃忽思等译《毛诗》、《孟子》、《论语》。乙未，有事于太庙。以和礼霍孙、独胡剌充翰林待制，兼起居注官。

十一月庚申，宋兵自襄阳攻沿山城寨，阿术分遣诸军败之。

十二月戊寅，谕沿边屯戍军士，逃役者处死。

六年春正月癸丑，高丽国王王植遣使来告诛权臣金俊。立四道提刑按察司。戊午，阿术略宋复州、德安府，俘万人而还。庚申，参知政事杨果罢为怀孟路总管。诏枢密副使史天泽、驸马忽剌出至襄阳视师。

二月己丑，颁新制蒙古字于天下，诏曰：

朕惟字以书言，言以纪事，此古今之通制也。我国家创业

朔方，俗尚简古，未遑制作，凡文书皆用汉字及畏兀字，以达本朝之言。今文治寝兴，而字书方阙，其于一代制度，以达本朝之言。今文治寝兴，而字书方阙，其于一代制度，实为未备。特命国师八思巴创为蒙古新字，译写一切文字，期于顺事达言而已。自今以后，凡玺书颁发，并用蒙古新字，仍以汉字副之。其余公式文书，咸仍其旧。

三月壬子，黑的、殷宏至于马岛，为日本人所拒而还。戊午，阿术围樊城，筑堡于鹿门山。辛酉，败宋将张世杰出赤滩浦。

夏四月辛巳，制玉玺大小十纽。

六月辛巳，怯绵讨建都，失利，又擅追唆火儿玺书、金符，论死。丙申，高丽国王王植遣其世子愍来朝。癸卯，诏董文炳率兵赴襄阳。秋七月己巳，立诸路蒙古字学。癸酉，立国子学，遣使者审理诸路冤滞，诏谕宋国军民，示以不欲用兵之意，复遣脱朵儿、王昌国等至高丽，相视耽罗等处。海道万户解汝楫、李庭等败宋将夏贵于虎尾洲，又败宋将范文虎于罐子滩。

八月己卯，文金洲招讨使司。丙申，诏诸路劝课农桑，命中书省采农桑事，列为条目，相土地所宜者，颁行之。高丽权臣林衍废其王植，立植弟昌为王。高丽世子植奏其事。遣斡朵思不花、李谔等至高丽按之。

九月己未，封高丽世子愍为东安公。愍辞，授愍特进上柱国。敕率兵三千，赴其国难。辛未，敕万户宋仲义征高丽。忽剌出、史天泽并为章政事，阿里为中书右丞，行河南中书省事。赛典赤行陕西四川中书省事。车驾至自上都。斡朵思不花、李谔以高丽枢密副使金方庆至，奉王昌表，称植疾病，令昌权国事。

冬十月己卯，定朝仪服色。丁亥，遣兵部侍郎黑的、判官

徐世雄，召王植、王昌及林衍俱诣阙。命国王头辇哥率大军赴高丽，赵璧行中书省于东京，仍诏谕高丽军民。

十一月癸卯，高丽龟州都领崔坦等以西京内附。庚午，安南国王遣使贡方物。高丽国王王植遣使从黑的入朝，奏植已复位。

十二月己丑，析彰德、怀孟、卫辉为三路。

七年春正月辛丑朔，高丽国遣使贺正旦。丙午，耶律铸、廉希宪罢。立尚书省，罢制国用使司。平章政事忽都答儿为中书左丞相，国子祭酒许衡为中书左丞，制国用使司阿合马平章尚书省事，同知制国用使司事张易同平章尚书省事，制国用使司副使张惠、金制国用使司李尧咨、麦术丁并参知尚书省事。己酉，敕诸投下官隶中书省。甲寅，高丽国王王植奏请从七百人放觐，诏许从四百人。诏高丽西京内附，改为东宁府，画慈悲岭为界。丁巳，蒙哥为高丽安抚使，佩虎符。诏谕高丽臣民曰：

朕即位以来，闵尔国久罹兵乱，册定尔王，撤还兵戍。十年之间，其所以保护安全者，无所不至。不图逆臣林衍自作不靖，擅易国王植。立安庆公昌。诏衍赴阙。复稽延不至，岂可释而不诛。已遣行省率兵东下，惟衍一身是讨，昌本非得已，在所宽宥。自余胁从诬误，一无所问。

二月辛未朔，中书右丞伯颜为枢密副使。丙子，帝御行宫，观刘秉忠、许衡及太常卿徐世隆所起朝仪，大悦，举酒赐之。丁丑，以岁饥，罢筑宫城。壬辰，立司农司，参知政事张文谦为司农卿。设四道巡行劝农司，劝课农桑，兴修水利。乙未，万户张宏范败宋兵于万山堡。高丽国王王植来朝，求见皇子燕王。诏曰：“汝一国主也，见朕足矣。”植请世子堪见，从之。诏谕植曰：“卿内附在后，故班诸王下。我太祖时亦都护先附，

即令班诸王上，阿思兰后附，则班其下。卿宜知之。”未几，命蒙哥、赵良弼送植还。诏国王头辇哥率兵戍高丽王京，脱脱朵儿、焦天翼为高丽国达鲁花赤。又诏谕高丽臣民曰：

朕惟臣之事君，有死无二。不意尔国权臣，辄敢擅易国主。彼既驱率兵众，将致尔等危扰不安，以尔黎庶之故，特遣兵护送国王愍还国，奠居旧京，命达鲁花赤同往镇抚，以靖尔邦。尔东土人，咸当无畏，安堵如故。已别敕将帅，严戢兵士，勿令侵犯。尔或妄动，必致俘略，宜审思之。

三月庚子朔，日有食之。改诸路行中书省为行尚书省。甲寅，车驾幸上都。

夏四月壬午，设诸路蒙古字学教授，定达鲁花赤子弟荫叙格。癸未，定军官等级，以军多少为差。己丑，林衍死，衍党裴仲孙等复立王愍疏属承化侯温为王，窜于珍岛。

五月癸卯，也速带儿、严忠范等及宋兵战于嘉定、重庆，皆败之，获其都统牛宣。甲辰，威州番酋降。丁未，同知枢密院事合答为章政事。丙辰，括天下户口。减诸路课程十分之一，免上都粮税。管民官迁转，以六十月为一考。改宣徽为光禄司，宣徽使线真为光禄司使。庚申，命枢密院阅实军数。

六月庚戌，敕戍军还，所过州县村坊主者给饮食、医药。丁亥，罢各路洞治总管府。丙申，立籍田于中都东南郊。禁边民擅入宋境剽掠。

秋七月庚申，初给军官俸。壬戌，命诸道回回军。乙丑，阅实诸路炮手户。也速带儿败宋兵于金刚台。八月戊辰朔，筑环城以逼襄阳。庚辰，御史大夫塔察儿同知枢密院事，御史中丞帖只为御史大夫。高丽世子愍来贺圣诞。驸马斡罗陈建城于答儿海子，赐名应昌府。

九月丙寅，括河西户口。

冬十月乙亥，宋人寇莒州。乙酉，有事于太庙。己丑，车驾至自上都。

十一月丁巳，忻都、史枢并为高丽金州等处经略使，佩虎符，屯田高丽。安南国遣使贡方物。

闰月丁卯朔，高丽世子愼还。壬辰，申明劝课农桑赏罚之法。设诸路脱脱禾孙。

十二月丙申朔，改司农司为大司农司，御史中丞博罗兼大司农卿。安童奏：“博罗以台臣兼领，前无此例。”帝曰：“司农非细事，朕深谕此，其令博罗总之。”秘书监赵良弼充国信使，使日本，赐日本玺书曰：

盖闻王者无外，高丽与朕既为一家，王国实为邻境。故尝遣信使修好，为疆场之吏抑而弗通。所获二人，敕有司慰抚，赍牒以还。继欲通问，值高丽权臣林衍构乱，坐是弗果。岂王亦因此辍不遣使，或已遣而中道梗塞耶？不然，日本素号秉礼之国，王之君臣宁肯漫为不思之事乎？近已平林衍，高丽安辑，特令秘书监赵良弼充国信使，持书以往。如即发使，与之偕来，亲仁善邻，国之善事。其或犹豫，以至用兵，夫谁所乐为也？王其图之。敕岁祀大社稷、风师、雨师、雷师。丁亥，金齿、骠部酋阿匿福、勤丁、阿匿爪来降献驯象三、马十九。辛酉，诸王伯忽儿为也可札鲁忽赤。

八年春正月乙丑朔，高丽国遣使贺正旦，兼贡方物。己卯，同金河南等路行中书省事阿里海牙参知尚书省事。设枢密院断事官。丙戌，高丽安抚使阿海攻珍岛失利。壬辰，敕诸路鰥寡孤独、疾病不能自存者，官给庐舍、薪米。

二月乙未朔，定民间婚娶礼币，贵贱有差。丁酉，发中都、真定、顺天、河间、平滦五路民筑宫城。己亥，罢诸路转运司。以尚书省奏定条画颁天下。移陕西四川行中书省于兴元。癸卯，

东京等路行尚书省事赵璧为中书右丞。甲辰，命忽都答儿招论裴仲孙。忆巳，大理等处都元帅元宝合丁、云南王傅阔阔带毒杀云南王事觉，伏诛。戊申，以治事日程谕中外官事。庚戌，申严东川盐井之禁。庚申，奉御九住以梳栉侍太祖，奉所落须发之上，诏藏于太庙夹室。

三月乙丑，置河东山西道按察司，改河东陕西道为陕西四川道，山北东西道为山北辽东道。丙子，改盐课都转运司为都转运盐使司。辛巳，杀滨棣路万户韩世安，籍其家。甲申，车驾幸上都。乙酉，中书丞许衡罢为集贤大学士、国子祭酒。立国子学，置司业、博士、助教等官。己丑，立西夏中兴等路行尚书省，趁海参知行尚书省事。命尚书省阅实天下户口，颁条画谕天下。敕有司留滞狱讼，以致越诉者，官民皆罪之。忻都、史枢行经略司于凤州等处。

夏四月壬寅，忻都、忽林赤、王国昌分道讨裴仲孙。平滦路昌黎县民生子，中夜有光，诏鞠养之。或谏，帝曰：“何幸生一好人，毋嫉也。”每月命给米四斗。戊午，阿术等与宋将范文虎战于湍滩，大败之，获统制朱胜等非余人。

五月乙丑，以大兵围襄阳。敕赛典赤、郑鼎率所部水陆并进，趋嘉定，汪良臣、彭天祥趋重庆，扎刺不花趋泸州，曲立吉思趋汝州，牵制宋之援兵。金省也速带儿、郑鼎为军前行尚书省事，赛典赤行省事于兴元，转给军粮。丙寅，云南落羽蛮贡方物。辛未，分金齿、白夷为东西两路安抚使。己卯，史天泽平章军事重事。辛巳，令蒙古子弟好学者，兼习算术。癸未，史枢、沂都等讨珍岛贼，大破之，斩王温，其党金通精走死，珍岛平。高丽国遣使贡方物。

六月甲午，敕枢密院：凡军事径奏，不必由尚书省。癸卯，宋将范文虎援襄阳，阿术等大败之，己未，山东统军司塔山、

董文炳坐城五河口迟，为宋兵所据，决罚有差。

秋七月壬戌朔，金女直、水达达军。丁卯，国王头辇哥行尚书省于北京、辽东等路。辛未，立左、右十三卫亲军都指挥司。乙酉，阿术败宋将来兴国于湍滩。高丽世子愍人质。

八月壬辰朔，日有食之。己亥，诏招谕宋襄阳守臣吕文焕。壬子，车驾至自上都。迁成都统军用于眉州。己未，圣诞节，初立内外仗及云和署乐位。

九月壬戌朔，敕阿术略地汉南。癸亥，高丽世子愍归。丙寅，罢陕西四川行尚书省，也速带儿行四川尚书省事于兴元、京兆等路。甲戌，金西夏、回回军。太庙殿柱坏。丙子，敦享太庙毋用牺牛。壬午，宋兵寇胶州，千户蒋德等败之，获宋统制范广。癸未，诏四川民力困弊，免茶盐等课税，仍敕有司有盲茶盐之利者以违制论。

冬十月丁酉，有事于太庙。

十一月辛酉朔，遣阿鲁忒儿等抚治大理。壬戌，罢诸路交钞都提举司。乙亥，建国号曰大元，诏曰：诞膺景命，奄四海以宅尊；必有美名，绍百五而纪统。肇从隆古，匪独我家。唐之为言荡也，尧以之而著称；虞之为言乐也，舜因之而作号。驯至禹兴而汤造，互名夏大以殷中。世降以还，事殊非古。虽乘时而国有，不以义而制称。为秦为汉者，盖从初起之地名。日随曰唐者，又即所封之爵邑。是皆徇百姓见闻之狃习，乃一时经制之权宜，概以至公，不无少贬。

我太祖圣武皇帝握乾符而起朔土，以神武而膺帝图。四震天声，大恢土宇，輿图之广，历古所无。顷者，耆宿诣庭，奏章申请，谓既成于大业，宜早定于鸿名。在古制以当然，于朕心乎何有。可建国号曰大元，盖取《易经》乾元之义。兹大治流形于庶品，孰名资始之功，予一人底定于万邦，尤切体仁之

要。嘉与敷天，共隆大号。咨尔有众，体予至怀。

丙戌，立四川行尚书省于成都。

十二月辛卯，宣徽院请以阑遗、漏籍等户淘金，帝曰：“姑止，毋重劳吾民也。”乙巳，减百官俸。召塔出、董文炳入觐。辛亥，省太常专入翰林院。

九年春正月庚申朔，高丽国遣使贺正旦，兼贡方物。甲子，并尚书省入中书省。平章尚书省事阿合马、同平章尚书省事张易为中书平章政事，参知尚书省事张惠为中书左丞，参知尚书省事李尧咨、麦术丁为参知中书政事。省六部为四：曰吏礼部、户部、兵刑部、工部。丙寅，遣不花、马磷谕高丽具征耽罗舟粮。敕诸路金军三万人赴河南。丁丑，皇子西平王奥鲁赤及诸王也速□儿、秃鲁率所部讨建都蛮。庚辰，改北京、中兴、四川、河南四路行尚书省，复立京兆中书行省。辛巳，敕军民讼田者，民田有余分之军，军田有余亦分之民。其军驱入民籍者，还正之。壬午，改山东东路部元帅府统军司为行枢密院，也速带儿、塔出并行枢密院副使。乙酉，诏元帅府统军司、总管万户府阅实军籍。

二月庚寅朔，国信使赵良弼追书状官张铎同日本十二人至京师请觐，帝不许。辛卯，诏扎鲁忽赤乃太祖开创，所置位百司右，并立左右司。壬辰，高丽国进使贺建国号。改中都为大都。甲午，命阿术统蒙古军，刘整、阿城海牙统汉军。戊申，始祭先农于东郊。车驾幸上都。

三月甲戌，括民间四教经，焚之。阿术等克樊城外城，筑重围守之。

五月戊午朔，立和林转运司，小云失别为使，兼提举交钞使。辛酉，罢金回回军。癸亥，敕拔都军屯田于怯鹿难之地。丙寅，金徐、邳二州军，戍邳州。庚午，罢西番秃鲁千等处金

银矿户为民。乙酉，诏安集答里伯所部流民。

六月壬辰，京师大雨，坏墙屋，压死者众。己亥，塔出略地涟州，拔白头河诸堡。

秋七月丁巳朔，禁私鬻回回历。壬午，诏官府文移并用蒙古字，仍遣百官子弟入蒙古学。

八月丙戌朔，日有食之。癸卯，阿术等大败宋襄阳援兵，获其都统张顺。乙巳。车驾至自上都。

九月甲子，阿术等败宋兵于柜门关，获其都统张贵及将士二千余人。癸酉，河南行中书省阿里坐奏军数不实，免官，并杖之。甲戌，罢水军总管府。

冬十月丙戌朔，封皇子忙哥刺为安西王。遣使招谕扮卜、忻都蛮。壬辰，有事于太庙。癸巳，赵壁为平章政事。张易为枢密副使。癸卯。初立会同馆。

十一月壬戌，诸王只必帖木儿、伯待穆尔筑新城成，赐名永昌府。己巳，征高丽兵讨耽罗。辛未，召高平儒者杨恭遮諛，不至。

十二月乙酉朔，诏诸路达鲁花赤、管民长官，兼管诸军奥鲁。辛丑，诸王忽刺出括逃民高丽界。高丽达鲁花赤上其事，诏：“高丽之民犹未安集，禁之。”辛亥，宋将咎万寿寇成都，严忠范失利，遣使逮忠范至京师。癸丑，改拱卫司为拱卫直都指挥使司。

卷九本纪第九

世祖三

十年春正月乙卯朔，高丽国王王植遣其世子堪植来朝。戊午，忻都、郑温、洪茶邱讨耽罗。宿州万户也先不花请筑堡牛头山，以扼两淮粮运，不允。也先不花因言：“前宋人城五河，统军司皆得罪。今不筑，恐宋人先之。”帝曰：“汝言虽是，若坐视宋人戍之，罪亦不免也。”己未，禁阴阳图讖等书。癸亥，阿里海牙等克樊城。丁卯，立秘书监。庚午，命陕西探马赤军。己卯，宋将咎万寿寇成都，命京兆等路新军援之。命诸王阿不合市药于师子国。壬午，东川统军司合剌乞益兵戍云门山及虎头山，以京兆新军益之。

二月丙戌，皇后、皇太子受册、宝，遣太常卿合丹告太庙。丙申，云南落羽蛮酋阿旭叛。遣断事官麦肖勾校四川陕西行省钱谷。遣勘马刺失里、乞带脱因、卜云失等使缅甸，赐缅王玺书曰：间者大理鄯阐等路宣慰司都元帅府差乞带脱因导王国使诣京师，且言向至王国，但见臣下，未尝见王，又欲观吾大国舍利。朕矜闵远来，命其觐见。又使纵观舍利，询其所来，乃知王有内附之意。朕一视同仁，今再遣勘马刺失里及礼部郎中、国信使乞带脱因，工部郎中、国信副使卜云失往谕王国。诚能谨事大之礼，遣其子弟若贵臣一来，以彰我国家无外之义，用敦永好，时乃之休。至于用兵，夫谁所好？王其思之。

三月甲寅朔，敕大司农司遣使巡行劝课，令农事有成。其探马赤等户，并行入社，一体开兴水利。乙丑，罢宋京湖安抚司，立河南等路行中书省。丙寅，摄太尉、中书右丞相安童授皇后宏吉刺氏册宝、摄太尉、同知枢密院事伯颜授皇太子真金册宝。壬申，前中书左丞相耶律铸平章军国董事，中书左丞张惠为中书右丞。车驾幸上都。罢中兴等处行中书省。

夏四月癸未朔，吕文焕入觐，授文焕侍卫亲军都指挥使、襄汉大都督。罢河南等路行中书省，以平章军国重事史天泽、湖广行中书省平章政事阿术、参知行中书省事阿里海牙行荆湖等路枢密院事，镇襄阳。淮西行中书省左丞相合丹，参知行中书省事刘整，山东都元帅塔出、董文炳行淮西等路枢密院事，守正阳。丁酉，赎江南儒士为人掠卖者。辛丑，罢四川行中书省。以巩昌二十四处便宜总师江良臣行西川枢密院事，东川阆、蓬、广安、顺庆、夔府、利州等路统军使合剌行东川枢密院事，东川副统军王仲仁同金行枢密院事。

五月壬子朔，诏狱囚除杀人者待报，余一概疏放，限八月内自至大都。乙亥，免代输金军户丝银及伐木夫户税。负前朝官钱不能偿者毋征。主守失陷官钱者，杖释之。阵亡军及工匠无不产者，量加廩给。

六月丁亥，免大都、南京两路赋役。丁酉，立光州等处招讨司。戊申，耽罗平，失里伯为耽罗国招讨使，尹邦宝副之。赵良弼自日本返。

闰月己巳，罢东西两川统军司。丙子，平章政事赛典赤行省云南，统合刺章、鸭赤、赤科、金齿、茶罕章诸蛮。

秋七月戊申，高丽国遣使贺皇后、皇太子受册。国子祭酒许衡谢病归。

八月庚戌朔，前所释狱囚自至大都者二十二人，并赦之。

丁丑，高丽国遣使贺圣诞节。

九月辛巳，合伯为中书平章政事。壬午，立河南宣慰司。丙戌，立东宫宫师府。己丑，敕秋猎鹿家，先荐太庙。丙午，车驾至自上都。

冬十月乙卯，有事于太庙。庚申，有司断死罪五十人，诏审覆宥十三人，余令有司再加审覆以闻。合答带为御史大夫。也速答儿与皇子西平王合兵攻建都，获其酋卜济，建都蛮降。

十一月癸未，命布只儿修起居注。

十二月甲寅，宋夏贯寇正阳，合丹等击败之。壬戌，召阿术同吕文焕入觐。安南国遣使贡方物。

十一年青正月己卯朔，宫阙告成，帝始御正殿受皇太子、诸王、百官朝贺。高丽国遣使贺正旦，兼贡方物。庚寅，初立军官以功升散官格。忙古带等以兵戍建都，立建都宁远都护府，兼互市监，壬辰，立四川屯田经略司。丙午，彰德人赵当道等谋叛，事觉，伏诛。免于阆采玉工差役。诏中书省金军十万人伐宋。

二月壬申，廉希宪为中书右丞，北京等处行中书省事。车驾幸上都。

三月庚寅，凤州经略使忻都、高丽军民总管洪茶邱等征日本。辛卯，改荆湖、淮西行枢密院为行中书省，伯颜、史天泽并为左丞相，阿术为平章政事，阿里海牙为右丞，吕文焕为参知政事，行中书省于荆湖；合答为左丞相，刘整为左丞，塔出、董文炳为参知政事，行中书省于淮西。癸巳，获嘉县尹常惩课最诸县，优诏赏之。遣要速木、咱兴憨失招谕八鲁鲁。

夏四月辛亥，分陕西、陇右诸州置提刑按察司，治巩昌。癸丑，初建东宫。乙亥，也速带儿同撒吉思所部戍益都。

五月丙申，皇女忽都鲁揭里迷失公主下嫁高丽世子王爱。辛丑，敕新金军户银丝均配于民者，并除之。

六月癸丑，敕合答选蒙古军与汉军分成沿江堡隘，古不来拔都、翟文彬等略地荆南，以缀宋之西兵。丙辰，免上都、隆兴两路金军。庚申，大举伐宋，诏曰：自太祖皇帝以来，宋与使介交通，殆非一次。彼此曲直之事，亦所共知，不必历举。逮我宪宗之世，朕奉命南伐，师次鄂渚，贾似道复遣宋京诣我近臣博部欢、前河南路经略使赵璧请罢兵息民，愿奉岁币于我。朕以国之大事，必须入计，用报而还。即位之始，追忆是言，乃命翰林侍讲学士郝经等奉书往聘，盖为生灵计也。古者兵交，使在其间，惟和与战，宜俟报音，其何与于使哉？而乃执之，卒不复命。至如留此一介行李，于此何损，在彼何益？以致师出连年，边境之间，死伤相籍，系累相属，皆彼宋自祸其民也。襄阳被围五年，屡拒王师，义当不贷。朕先有成命，果能出降，许以不死，既降之后，朕不食言，悉全其命，冀宋悔过，或后令图。而乃执迷，罔有悛心，所以问罪之师，有不能已者。

今遣尔等水陆并进，布告遐迩，使咸知之。夫以天下为事，爰及干戈，自古有之。无事之民，初无与焉。若彼界军民官吏人等，去逆效顺，与众来附，或别立奇功者，验等第官资迁擢。其所附军民，宜严敕将士毋得妄行杀掠，杀母妻孥致分散，仍加振给，令得存济。其或固拒不从，及迎敌者，俘戮何疑！甲子，忙古带、八都、百家奴分率武卫军南征。丙寅，合剌合孙为中书左丞，崔斌参知政事，仍行河南道宣慰司。

秋七月乙亥朔，山北辽东道提刑按察使兀鲁失不花同廉希宪行省北京，国王头辇哥母署事。癸未，宋度宗殂，其太子显嗣位。癸巳，高丽国王王禕卒。同知上都留守司事张焕册世子愍为高丽国王。

八月甲辰朔，诸路立社稷坛。丁未，复改淮西行中书省为行枢密院。辛未，高丽国王王愍遣使贺圣诞节。是月，都元帅

忽敦、右副元帅洪茶邱、左副元帅刘复亨与高丽将金方庆等征日本。太保刘秉忠卒。

九月甲戌朔，伯颜、史天泽视师于襄阳，分三道伐宋。伯颜自率大军趋鄂州。癸巳，车驾至自上都。

冬十月丁未，忽敦等克日木对马岛。己酉，有事于太庙。庚申，长河西千户必刺冲反，副无帅覃澄率所部讨之。帝曰：“澄勿独往，趣益兵三千，付火你赤助澄。”壬戌，忽敦等败日本兵于博多。甲子，引兵还。乙丑，伯颜克沙洋堡。宋新城总制黄顺来降。己巳，克新城。十一月壬午，四川行枢密院也速带儿攻嘉定府。乙酉，宋复州安抚使翟贵以城降。丁亥，诏宋安抚使咎万寿，及凡守城将校纳款来降，与避罪及叛亡者，悉从原免。癸巳，东川元帅场文安等败宋兵于马湖江。召征日本诸将忽敦、刘复亨等人觐。

十二月丙辰，伯颜克阳逻堡，宋制罢使夏贵败遁。己未，宋知鄂州张晏然、权知汉阳军王仪并以城降。都统程鹏飞以本军降。阿里海牙镇鄂州，伯颜、阿木将大军水陆东下。襄阳路总官贾居贞为宣抚使、商议行中书省事。

十二年青正月癸酉朔，高丽国遣使贺正旦，兼贡方物。甲戌，宋知黄州陈奕以城降。乙亥，东川副都元帅张德润拔渠州礼义城，获宋安抚使张资。丁丑，宋蕲州安抚使管景模遣使请降。丙戌，宋知江州钱真孙及知六安军曹明俱以城降。丁亥，宋知南康军叶闾以城降。戊子，知德安府来兴国以城降。己丑，伯术、唐永坚赍玺书招谕郢州。选蒙古、畏兀、汉人十四人赴行中书省，为新附州郡民官。庚寅，左卫指挥副使郑温、唐古、帖木儿率卫军同札失的、囊力带戍黄州。诏谕宋重庆府官吏军民归附。壬辰，宣抚使贾居贞金书行中书省事，戍鄂州。乙未，兵部尚书廉希贤、工部侍郎严忠范、秘书监巫柴紫芝奉国书使

于宋。合刺章舍里威叛。己亥，大理总管信苴日刺杀其酋，合刺章平，置合刺章民官，选廉能者任之。遣诸王海都、八刺金银符。

二月癸卯，宋知安庆府范文虎以城降。甲辰，中书右丞博鲁欢为淮南都元帅，中书右丞阿里为左副都元帅，仍命阿里、撒吉思等各部蒙古、汉军会邳州。丙午，宋都统制张林以池州降。罢西夏中兴都转运司。戊申，诏谕江、黄、鄂、岳、汉阳、安庆等处门附官吏军民，令农者就耒，商者就涂，士庶缁黄各安本业，如官吏妄有骚扰，诣行中书省陈告。平章军国重亨史天泽卒。庚戌，礼部侍郎杜世忠、兵部郎中何文著、计议官撒鲁都不等使日本国。辛亥，同知济南府事张汉英赍玺书，招谕宋淮东制置使李庭芝。庚申，召降臣张晏然等赴阙，仍谕之曰：“朕省卿所奏云，宋之权臣不践旧约，拘留使者，实非宋主之罪，倘蒙圣慈，止罪擅命之臣，不令赵氏乏祀者。卿言良是。卿既不忘旧主，必能辅翼我家。比卿奏上，已遣伯颜按兵不进，仍遣兵部尚书廉希贤等特书往使，果能悔过来附，既往之愆，朕复阿究。至于权臣贾似道，尚无罪之之心，况肯令赵氏乏祀乎？若其执迷罔悛，未然之事，朕将何言，天其鉴之！”辛酉，命阔阔出安辑湖南降附州县。阿失罕、唐永坚、綦公直等赍玺书招谕郢州。伯颜等与宋都统贾似道、淮西制置使夏贵战于古港，大败之。甲子，宋知太平州孟之縉、无为军刘权俱以城降。乙丑，遣使赍玺书招谕宋江陵府官吏军民。宋福州团练使、知特摩遣事农士贵率州县三十有七、户十万，诣云南行中书省请降。戊辰，宋知和州王善、知安东州孙嗣武俱以城降。己巳，复遣拜术、唐永坚等宣谕郢州官民。庚午，宋都统权兵马司事徐玉荣等以建康府降。宋贾似道送国信使郝经、刘人杰等来归。诏安南国王陈光炳以旧制六事谕之，趣其来朝。车驾幸上都。

三月壬申朔，宋镇江府总管石祖忠以城降。甲戌，宋江阴

军金叛李世修以城降。乙亥，安西王忙兀刺、诸王只必帖不儿、附马昌吉等从西平王奥鲁赤征吐蕃。丙子，国信使廉希贤等至建康。谕诸将毋妄有侵掠。宋知滁州王文虎以城降。庚辰，宋知宁国府颜绍卿以城降。甲申，宋知西海州丁顺以城降。乙酉，知东海州施居文、知平江府潜说友并以城降。江东路得府二、州五、军二、县四十三，户八十三万一千八百五十二，口一百九十一万九千一百六。丙戌，宋常州安抚使戴之泰以城降。廉希贤、严忠范等至独松关，宋将张濡杀忠范，执希贤送临安，创甚卒。辛卯，宋将高世杰据岳州，未几复降，诛之。丙申，侧布番尊酋税昔、确州番酋庄寮男车甲等率四十三族，诣四川行枢密院降。辛丑，阿术分兵攻扬州。

夏四月乙巳，改西夏中兴道按察司为陇右河西道。丙午，宋知荆门军刘懋以城降。丁未，阿里海牙遣郎中张鼎赍玺书入江陵，宋荆湖制置使朱祀孙、副使高达等出降。知陕州赵真知、归州赵仔权、澄州毛浚、常德府新城总制鲁希文、权知府事周明等先后悉以城降。辛亥，遣使招谕宋镇抚使吕文福。甲寅，立登闻鼓。辛酉，宋郢州安抚使赵孟柱以城降。丁卯，大司农、御史中丞李罗为御史大夫。罢随路巡行劝农官，以其事隶提刑按察司。庚午，高达为行省参知政事。

五月辛未朔，中书右丞廉希宪、参知政事脱博忽鲁秃花行中书省于江陵府。丁丑，阿木立木栅于杨子桥，断淮东粮道。庚辰，谕参知政事高达曰：“昔我国家出征，所获城邑即委而去之，未尝置兵戍守，以此连年征伐不息。夫争国家者，收其土地、人民而已。得土地而无人民，其谁与居。今欲保守新附城邑，使百姓安业，蒙古人未之知也。尔熟知其事，宜加勉旃。”辛巳，宋知辰州吕文兴、知沅州文用圭、知靖州康玉、知房州李鉴等皆以城降。荆南湖北路得府三、州十一、军四、县五

十七，户八十万三千四百一十五，口一百一十四万三千八百六十。丁亥，召伯颜赴阙，蒙古万户阿剌罕权行中书省事。庚寅，宋镇抚使吕文福降。壬辰，宋都统制刘师勇复陷常州。

六月庚子朔，日有食之。宋嘉定安抚使咎万寿以城降，赐名顺。癸卯，范文虎招谕安丰、寿州等处官民。甲辰，万户阿剌罕为行中书省参知政事。敕矢里伯、史枢同范文虎招谕安丰军。乙卯，宋知叙州郭汉杰以城降。辛酉，宋潼川安抚使、知江安州梅应春以城降。丙寅，宋扬州都统姜才攻杨子桥木栅，阿术大败之。戊辰，罢山东经略司。

秋七月辛未，阿术率阿塔海、董文炳等大败宋舟师于焦山，宋将张世杰、孙虎臣等皆遁，宋人自是不复能军。壬申，阿塔海败宋将刘师勇、张彥于吕城。己卯，立燕南河北道提刑按察司。癸未，敕左丞相伯颜率诸将直趣临军，右丞阿里河牙取湖南，蒙古万户宋都带，汉军万户武秀、张荣实、李恒，兵部尚书吕师夔行都元帅府，取江西。罢淮西行枢密院，右丞阿塔海、参知政事董文炳同署行中书省事。甲午，遣使招谕宋李庭芝及夏贵。伯颜为河南行中书省右丞相，阿术为左丞相。

八月辛酉，车驾至自上都。丙寅，高丽国遣使驾圣诞节。

九月甲戌，杜世忠等为日本人所杀。壬午，阿术筑湾头堡，乙酉，罢襄阳统军司。甲午，宋扬州都统姜才攻湾头堡，阿术、阿塔海等败之。丙申，玉昔帖木儿为御史大夫。括江南诸郡书版及临安秘书省《乾坤宝典》等书。

冬十月戊戌朔，有事于太庙。

十一月丁卯，阿里海牙围潭州。乙亥，伯颜等分军趣临安。丙子，宋权融、宜钦三州总臂岑从毅，沿边巡检使李维屏等诣云南行省降。丁丑，立诸路都转运司。己卯，宋江西转运使判官刘槃以隆兴府降。江西路得府州六、军四、县五十六，户一

百五万一千八百二十九，口二百七万六千四百。壬午，伯颜克常州。改顺天路为保走路。

十二月己亥，宋主显遣柳岳奉书诣军中，请班师修好，辛丑，宋都统制祁安以许浦降。甲辰，伯颜次平江府，都统王世杰以城降。戊申，中书右丞相忽都带儿率内外文武官及缙黄耆庶，请上帝尊号曰宪天述德仁文义武大光孝皇帝，皇后曰贞懿顺圣昭天睿文光应皇后，帝不允。癸丑，宋主再使陆秀夫、夏士材、吕师孟诣军前请和。庚申，宋知随州朱端履以城降。丙寅，宋安抚使赵兴可以吉安州降。

十三年春正月丁卯朔，阿里海牙克潭州。湖南平。得府一、州六、军二、县四十，户五十六万一千一百一十二，口百五十三万七千七百四十。宋主显遣其宗正少卿陆秀夫等至军前求称侄纳币，或称侄孙，伯颜却之。己巳，宋安抚使刘汉杰以嘉兴府降。辛未，宋乍浦镇统制刘英以本军降。辛未，宋澈浦镇统制胡全、福建路马步军总管沈世隆来降。宋主显遣其监察御史刘岳奉表称臣，乞存境土以奉蒸尝。甲戌，宋都带克瑞州。乙亥，敕四川制置使赵定应入觐。甲申，宋主显遣其知临安府事贾余庆等贾传国玺及降表至伯颜军前。

乙酉，宋陈宜中、张世杰等以益、广二王遁。丁亥，云南行省赛典赤以改走云南诸路名来上。戊子，大名路达鲁花赤小钤部坐奸赃论死，没其家。己丑，伯颜遣襄嘉特贾传国玺赴阙。甲午，真定总管昔班为中书右丞。

二月戊子，宋知建德军方回、知要州刘怡、知卢州梁椅、知台州杨必大皆以城降。丁酉，诏刘颀、程德辉谕淮西制置使夏贵降。己亥，克临江军。庚子，宋主显率文武百僚诣祥曦殿望阙上表，谕各路郡县归附，遣其右丞相兼枢密使贾余庆、枢密使谢堂、端明殿学士签枢密院事家铉翁、端明殿学士同签枢

密院事早刘岳等充祈请使。辛丑，伯颜入临安，得两浙路府八、州六、军一、县八十一，户二百九十八万三千六百七十二，口五百六十九万二千六百五十。丁未，诏曰：间者，行中书省右丞相伯颜遣使来奏，宋母后、幼主暨诸大臣百官，已于正月十八日赍玺缓奉表降附。朕惟自古降王必有朝觐之礼，已遣使往迎。尔等各守职业，其勿妄生疑畏。凡旧附前犯罪，悉从原免。公私逋欠，不得征理。归附州城官吏，非奉朝廷谕敕不得擅自科取差发，骚扰百姓。应抗拒王师及逃亡啸聚者，并赦其罪。百官有司、诸王邸第、三学、寺、监、秘书省、史馆及禁卫诸司，各宜安居。所在山林河泊出产，权免征税，许贫民任便采取货卖。秘书省图书，太常司祭器、乐器、法服、乐工、鹵簿、仪卫，宗正谱牒，天文地理图册，凡典故文字，并户口版籍，尽仰收拾。前代圣贤之后。高尚儒、医、僧、道、卜筮，通晓天文历算，并山林隐逸名士，仰所在官司，具以名闻。鰥寡孤独，不能自存者，量加贍给。戊申，立浙东西宣慰司于临安，户部尚书麦归、秘书监焦友直为宣慰使，吏部侍郎杨居宽同知宣慰司事，并兼知临安府事。乙卯，谕宋淮东制置使李庭芝、淮西制置使夏贵归附。丁巳，命焦友直括宋秘书省禁书图籍。戊午，祀先农东郊。宋淮西制置夏贵降，淮西路得府二、州六、军四、县三十四，户五十一万三千八百二十七，口一百二万一千三百四十九。庚申，召伯颜以宋主显入觐。辛酉，车驾幸上都。甲子，董文炳、唆都发三学诸生赴京师，太学生徐应鑣与子琦、崧，女元娘同赴并死。

三月丁卯，伯颜籍宋太庙景灵宫礼乐器、册宝、郊天仪仗，秘书省、国子监、国史院、学士院、太常寺图书、祭器、乐器送京师。戊寅，免诸路儒户徭役。置部官万户府于廉州，中书右丞、河南等路宣使合剌合孙，襄阳管军万户邸浹并行府事。

庚辰，襄家特以宋玉玺来上。乙酉，宋赣、吉、袁三州及南安军俱来降。中书右丞音班罢为户部尚书。

闰月丙申，置宣慰司于济宁路。丁酉，诏阿里海牙、忽都帖木儿入觐，脱拔忽鲁秃儿、崔斌并留后鄂州。辛亥，枢密院副使张易以宋降臣吴坚、夏忠等赴上都。甲子，中书省左右司郎中郝禎为参知政事。

夏四月丙子，省东川行枢密院及成都经略司。庚辰，修太庙。乙酉，召昭文馆大学士姚枢、翰林学士王磐、翰林侍讲学士徒单公履赴上都。

五月乙未朔，伯颜以宋主显至上都。丙申，召见显于大安殿，授开府仪同三司、检校大司徒，封瀛国公。以宋平，告天地、祖宗于上都之近郊。己亥，以伯颜同知枢密院事。癸卯，放沂、莒、胶、密、宁海王州防军为民。丁未，宋都统姜才攻湾头堡，千户董十元死之。戊申，昔里罕、阿塔赤败宋兵于瓜州。改博州为东昌路。乙卯，宋江西制置使黄万百以所部来降。是月，宋陈宜中、张世杰等立益王□于福州，改元景炎。

六月己巳，置行户部于大名府。壬申，改两浙大部督府为安抚司。设诸路宣慰司，并带相衔。甲戌，以《大明历》浸差，命太子赞善王恂与亡宋日官更造新历，枢密副使张易领之。史弼等败姜才于丁村堡。壬辰，谕陈宜中、张世杰；刘师勇等归附。户部尚书张澍为中书参知政事，行中书省事于北京。

七月乙巳，宋制置使朱焕以扬州降。丁未，谕广西路官民归附，乙卯，宋泰州守将孙良臣以城降，获李庭芝、姜才。通、滁、高邮等州相继来降。得州十六、县三十三，户五十四万二千六百二十四，口一百人万三千二百十七。淮东行省右丞阿里海牙为行省平章政事，金书枢密院事、淮东行枢密院别乞里迷失为行省右丞，参知政事董文炳为左丞，淮东左副元帅塔失、

两浙大都督文虎、江东江西大都督吕师夔、淮东淮西左副都元帅陈岩并参知政事。

八月己巳，汉军都元帅阔阔带、李庭讨海都、笃哇，招谕庭曰：“汝从平江南，多出死力。男子立功，要在西北。今有违我太祖成宪者，汝往征之。”乙亥，杀宋淮东制置使李庭芝、都统姜才。庚辰，罢襄阳统军司。车驾至自上都。奥鲁赤为荆湖行省参知政事。

九月己亥，有亨于太庙。庚子，命姚枢、王磐选宋三学生有实学者留京师，余听还家。癸卯，以宋平，大赦天下。丙午，敕常德府岁贡包茅。丁未，谕西川行枢密院檄重庆官内附。乙卯，以吐番合答城为宁远府。辛酉，阿术入觐。

冬十月戊子，淮东左副都元帅阿里为平章政事，河南等路宣慰使合剌合孙为中书右丞，兵部尚书王仪、吏部尚书兼临安府安抚使杨镇、河南河北提刑按察使迷里忽辛并参知政事，与参知政事陈岩行中书省事于淮东。

十一月，宋知处州李钰以城降。甲辰，阿剌罕败宋秀正与闾于瑞安，获之。癸丑，宋知福州王刚中以城降。庚申，敕管民及理财官由中书省调，军官由枢密院定义。高丽国王王暉遣使来告更名曙。

十二月甲子，宋益王□奔惠州，遣使奉表请降。丁卯，置元江府，以羈縻麻阿焚诸蛮。戊辰，宋泉州提举市舶司蒲寿庚及知泉州田真子以城降。壬申，有告转运使姜毅所言悖妄，指毅妻、子为证，帝曰：“妻、子岂为证者耶！”诏勿问。庚寅，诏：“管军将校及亡宋官吏有夺民田庐产业者，俾各归其主；无主则分给附近贫民。凡亡宋繁冗科差、圣节上供、经总制钱等百有余件，翻蠲免之。”

十四年春正月，阿罕入汀关。癸巳，宋知循州刘兴以城降。

壬寅，宋知汀州黄去疾、监军吴浚以城降。癸卯，复立诸道提刑按察司。戊申，宋知潮州马友以城降，丁巳，宋权知梅州钱劳之以城降。甲寅，敕宋福王赵与芮家赀在杭州者，有司辇至京师付其家。己未，置江淮等路都转运盐使司及江淮榷茶都转运使司。

二月壬戌，宋瑞州安抚使姚文龙以城降。癸亥，彗星出东北。戊辰，祀先农于东郊。甲戌，车驾幸上都。丙戌，宋知连州过元龙已降复叛，培海将兵讨之，元龙弃城遁。丁亥，宋知南恩州陈尧道、佾判林叔虎以城降。御史大夫李罗为枢密副使兼宣徽使。

三月庚寅朔，以冬无雨雪，遣使部便民之政于耶律铸、姚枢、王磐、窦默等，对曰：“足民之道，唯节浮费。靡谷之多，无喻醪醴曲蘖。祈赛神社，费亦不貲。宜一切止。”从之。辛卯，复立行中书省于潭州，立广南西路宣抚司于静江。壬寅，宋肇庆府新封等州来降。癸卯，知寿昌府张之纲坐附叛逆伏诛。庚戌，宋建宁府通判郭纘以城降。四川都掌蛮、罗讷蛮及凤凰、中垌、罗韦、高崖等四砦，播州蛮酋场邦宪、思州蛮酋田景贤皆降。癸丑，广南西路庆远、郁林、昭、贺、藤、梧、融、宾、柳、象、邕、廉、容、贵、浔等府州皆降。浙西宣慰使阿塔海为平章政事，行中书省事于江淮。郡正合答为平章政事，行中书省于北京。是月，宋文天祥陷梅州。

夏四月癸酉，罢各路转运司。丙戌，禁江南用铜钱。宋张世杰陷潮州。

五月癸巳，淮西民张德兴起兵陷黄州及寿昌军。丁巳，宣慰使郑鼎与惩兴战于樊口，兵败，死之。癸卯，改广南路宣抚司为宣慰司。立安抚司于钦州。西番酋阿立丁宁占等来降。丙子，融州安抚使谭昌谋反，伏诛。谕泸州阿永蛮及筠连州蛮归

附。

六月辛酉，宋文天祥陷零部、兴国等县。丙寅，宋涪州安抚使杨立降。丁亥，行省参知政事、行江东道宣慰使奥鲁赤为参知政事、行湖北宣慰使。

秋七月癸卯，诸王昔里吉执北平王那木罕、右丞相安童以叛，诏伯颜讨之。诸王忽鲁带所部来归。丙午，立行御史台于扬州，都元帅相威为御史大夫。罢八道提刑按察司。戊申，立行中书省于江西，参知政事、行江两宣慰使塔出为右丞，参知政事、行江西宣慰使麦术丁为左丞，淮东宣慰使撒里帖木儿、江东宣慰使张荣实、江西宣慰使李恒、招讨使也的迷失、万户昔里门、荆湖路宣抚使程鹏飞、兵马招讨使蒲寿庚并参知政事、行江西省事。壬子，宋文天祥围赣州。丁巳，湖广行省参知政事、行江东道宣慰使吕文焕为行省左丞。

八月戊午朔，建太庙于大都。不花行西川枢密院事。辛未，常德府总管古希文谋反，伏诛。车驾猎于上都之北。己卯，昂吉儿、忻都等获张德兴。甲申，李恒败文天祥于兴国，天祥走循州。

九月丙申，广南东路广、连、韶、德庆、惠、潮、南雄、英德等州府皆降。壬子，福建路宣慰使唆都克建宁府及南剑州。冬十月丙辰朔，日有食之。己未，有事于太庙。庚寅，塔出围广州，宋制置使张镇孙以城降。壬午，立宣慰司于黄州。甲申，湖广行省参知政事忽都帖木儿、脱搏忽鲁秃花、崔斌并为中书左丞，鄂州总官府达鲁花赤张鼎、湖北道宣慰使贾居贞并参知政事。

十一月庚子，吏部尚书别都鲁丁为中书参知政事。

十二月庚午，宋梁山防御使彭世安以城降。乙亥，都元帅杨文安克咸淳府。参议中书省事耿仁为中书参知政事。

卷十本纪第十

世祖四

十五年春正月辛卯，阿老瓦丁率所部戍斡端城。己亥，以诸路州县管民官兼领收括阑遗，若官吏隐匿及擅易马匹、私配妇人者，没其家。禁买卖江南良家子女。丙午，万户秃满答儿、郝札刺不花等克泸州。庚戌，东川副都元帅张德润克涪州。

二月戊午，祀先农，蒙古胄子代耕藉田。癸亥，命淮南行省平章政事阿塔海、阿里选择江南廉能官吏，汰冗员与不胜任者。壬午，福建路宣慰使唆都克潮州。立太史院。淮南行省参知政事夏贵、范文虎、陈岩并为行省左丞，黄州路宣慰使唐兀带、史弼并行省参知政事。

三月乙酉，忙古带、唆都、蒲寿庚行中书省事于福州。合剌带以舟师讨广南。甲午，四川行枢密院招降重庆路。庚子，都元帅李庭自请讨张世杰，从之。壬寅，以诸路岁比不登，免今岁田租、丝银。癸卯，都元帅杨文安克绍庆府。乙巳，广南西道宣慰司招降雷、化、高三州。宋张世杰以宋主昀奔碇洲。参知政事密立忽辛、张守智并行大司农司事。

夏四月乙卯，都元帅刘国杰以兵戍北边。丙辰，金军讨云南蛮。戊午，江南行省左水夏贵等分道检核钱谷，察郡县被旱甚者，吏廉能者举以闻，其贫残不职者罢之。甲子，宋主昀殁于碇洲。庚午，张世杰等立其弟卫王昺。丁丑，云南临安、白

衣、和泥城寨一百九，威楚、金齿、落落军民三万二千二百，秃老蛮、高州、筠连州城寨十九俱来降。壬午，立行中书省于建康府。改北京行中书省为宣慰司。

五月癸未朔，诏翰林学士和礼霍孙今后用宰执及将兵重臣，与儒臣年老者同议。乙酉，福建宣慰使史格以兵讨张世杰。己亥，江东道按察使阿八赤诬奏宣慰使吕文焕私匿兵仗，诏行台御史大夫相成按之。事白，免阿八赤官。

六月辛酉，高丽国王王晳来朝。丙寅，进军、民官廉能者各一人，分领江南防拓关隘。甲戌，汰江南冗官，其宣慰司除额设官员外余并罢去，仍削各官旧带相衔。罢茶运司及营田司，以其事隶宣慰司。罢漕运司。以其事隶行中书省。各路总管府依验户数多寡，以上中下三等设官。亡宋官吏人仕者，付吏部录用。罢江淮行中书省参知政事史弼、唐兀带，湖广行中书省参知政事张鼎，无为军达告花赤忙古带。己未，宋张世杰等以宋主昺徙于厓山。戊寅，全州洞徭降。己卯，张宏范为蒙古、汉军都元帅，从海道攻厓山。庚辰，处州贼张三八、章焱作乱，宣慰使谒只里讨平之。辛巳，安南国遣使贡方物。

秋七月壬午朔，宋湖南制置使张烈良、提刑刘应龙等起兵，阿爪海牙讨获之。甲申，诸王爱牙赤率所部戍建都，立江南湖北道、岭南广西道、福建广东道提刑按察司。丙戌，湖广行省左丞崔斌为江淮行省左丞，参知政事张守智为湖广行省左丞。丁亥，水军万户张荣实率所部防江口。丙申，右丞塔出、吕师夔，参知政事贾居贞行中书省事于赣州。丁酉，江西行省参知政事李恒为都元帅，以蒙古、汉军攻厓山。丙午，改开元宣抚司为宣慰司。定江南官禄职田。禁江南、浙西等处非理征科扰民。

八月壬子朔，礼部尚书柴椿等使安南国，征陈光昉入朝。壬戌，漳州安抚使沈世隆斩受张世杰伪檄者，坐擅杀，籍家赀。

帝曰：“世隆何罪，其还之。”擢本路管民总管。乙丑，济南总管张宏代输民赋，贷阿里、阿塔赤等银不能偿，诏依例停征。封泉州神女为护国明著灵惠协正善庆显济天妃。己卯，初立提刑按察司于畏兀儿。辛巳，招行省唆都、蒲寿庚等曰：“诸番居东南海岛者，皆有慕义之心，可因番舶商人，宣布联意。诚能来朝，朕将宠礼之。其往来互市，各从所欲。”福州行省左丞董文炳，佥枢密院事、参知政事唆都、蒲寿庚并为左丞。

九月癸未，省东西川行枢密院，分设宣慰司。

冬十月己未，有事于太庙。庚申，车驾至自上部。丁卯，弛山场樵采之禁。

十一月丁亥，立荆湖北道宣慰司。壬辰，征宋丞相马廷鸾、章鉴赴阙，不至。丁酉，召南淮行省左丞陈岩入觐。丁未，移江南行御史台治杭州。立淮东道宣慰司于扬州。诏沿海通日本国市舶。是月，皇子西安王忙哥剌卒。

闰月庚戌朔，罗氏蛮酋阿榨、西南番酋韦昌盛并来降。甲寅，车驾幸光禄寺。甲子，都元帅张宏范克漳州。壬寅，张宏范获宋丞相文天祥于潮州五坡岭。

十二月己卯朔，大霸都掌蛮降。戊申，叙州秃老蛮杀使臣撒里蛮，四川行省以兵讨之。封伯夷为昭仪清惠公，叔齐为崇让仁惠公。罢开成路屯田总管府。

十六年青正月己酉朔，高丽国遣使贺正旦，兼贡方物。癸丑，以琼崖、儋、万诸州俱平，诏阿里海牙入觐。甲寅，移赣州行中书省于隆兴。辛酉，宋合州安抚使王立以城降，诏诛立，籍其家，既而赦之，以为潼川路安抚使、知合州事。壬戌，立成都等路四道宣慰司。丙子，叉巴、散毛等四洞蛮降。中书左丞别乞里迷失同知枢密院事。甲申，张宏范大败宋张世杰于崖山，宋丞相陆秀夫负宋主昀蹈海死，世杰夺港遁去，遇飓风溺。

死。是月，高丽国王王睿来朝。

二月戊寅朔，祭先农于籍田。壬午，访求通皇极数番阳祝泌子孙，其甥傅立以泌书来上。癸未，置五卫指挥司。甲申，放江淮、湖南、江西、福建造战船六百艘以征日本。禁诸奥各及汉人执弓矢，出征还，甲仗即输之官库。癸卯，遣嘉定新附军屯田脱里伯之地。甲辰，车驾幸上都。乙巳，立四川道提刑按察司。

三月戊申朔，诏：“大兵渡江以来，农民失业。今已安集，务宜敦本力田，各管民官以时劝课，如无成效者罪之。”壬子，囊嘉带括两淮造回回炮军匠六百人及各路军匠能造炮者俱至京师。甲戌，顺元、八番蛮降，以其酋龙方零等为安抚使。太常寺纂《至元州县社稷通礼》，上之。

夏四月己卯，立江西榷茶运司及诸路转运盐司。癸巳，以给事中兼起居注掌诸司闻奏事。扬州行省进南军二万人充侍卫军。

五月辛亥，诏漳、泉、汀、邵武等处暨八十四畬官民，若举众来降，官迁擢，军民安堵如故。癸酉。兀里养合带言：“赋北京、西京车牛俱至，可运军粮。”帝曰：“民之艰苦，汝等不问，但知役民。若今年尽取之，来岁禾稼何由得种。其止之。”甲申，宋张世杰所部将校百五十八人诣雷、琼等州降。命高丽国造战船以征日本，壬辰，参知政事、行河南等路宣慰使忽辛为中书左丞、行中书省。癸巳，不花行四川枢密院事；以兵讨未降城寨。云南都元帅爱鲁、纳速刺丁分定亦乞不薛及忙木、巨木秃等三百寨，军还，献驯象十二。

六月甲辰，免四川今年差税。参知政事、行中书省事别都鲁丁为河南等路宣慰使，忽辛为湖南行省左丞。占城、马八儿诸国遣使贡方物及犀、象各一。

秋七月戊申；宁国路新军百户詹福谋反，伏诛。罢西川行

枢密院。丁巳，安南国遣使贡驯象。癸酉，八番、罗氏诸蛮降。

八月丁丑，车驾至自上都。庚寅，沅州路蒙古军总管乞答合以兵讨桐木笼、犵狁、伯诸蛮。

九月乙巳朔，范文虎荐可为守令者三十人。诏曰：“今后所荐，朕自择之。有不勤于官守者，勿问汉人、回回皆论死，且没其家。”女直、水达达军不出征者，隶民籍输赋。戊午，遣使谕西南蛮酋，能率所部归附者，官不失职，民不失业。乙丑，忽必来、别速合为都元帅，率所部戍斡端城。己巳，麻阳县达鲁花赤武伯不花导军官唐兀带劫掠辰溪、沅等州，并伏诛。

冬十月己卯，有事于太庙。丁酉，诏皇丘太子参预朝政。

十一月壬子，礼部诗书柴椿偕安南国使杜中赞赍玺书谕安南世子陈日昝来朝。乙卯，西安正相赵炳劾运使郭琮、郎中令郭叔云盗用官钱，命尚书秃速忽、侍御史郭佑按之。

十二月庚辰，安南国遣使贡药材。甲申，诏谕占城国王来朝。

十七年青正月癸卯朔，高丽国遣使贺正旦兼贡方物。丙午，万户纂公直率所部戍别失八里。丙辰，定迁转官员法及诸路差税课程。辛酉，廉州海贼霍公明等伏诛。丁卯，畋于近效。戊辰，释宋俘三万余人为民。立行中书省于福州。都元帅张宏范卒。

二月乙亥，中书右丞张易言高初尚有秘术，能役鬼为兵；命和礼和孙与高和尚同赴北边。丁丑，答里不罕平罗罗斯，获蛮酋谷纳。诏答里不罕还，以阿答代之。纳速刺不以兵征缅甸。己丑，杀宋制置使张钰。辛丑，以广东民不聊生，召行省右丞塔出、左丞吕师夔廷诘之，也的迷失、贾居贞行宣司，往抚其民。

三月甲辰，车驾幸上都。己未，阿里海牙等以兵讨罗氏鬼

国。辛未，陕西运使郭琮等杀西安正相赵炳，诏械琮等至京师廷鞠之，并伏诛。

夏四月癸酉，南康贼杜可用伪称万乘元年，伏诛。庚子，权停百官俸。

五月甲辰，作行宫于察罕诺尔。癸丑，药刺海以四川兵与纳速刺不同征缅甸。移福州行省于泉州。甲寅，汀州贼廖得胜等作乱伏诛。

六月辛未朔，忽都带儿括兰遗户垦江北田。壬申，招谕古城国。丁丑，招谕罗氏鬼国。戊戌，高丽国遣使贡方物。敕江淮等处行钞法，废宋铜钱。《授时历》成，诏曰：

自古有国牧民之君，必以钦天授时为立治之本。黄帝、尧、舜以至三代，莫不皆然。为日官者，皆世守其业，随时考验，以与天合。故历法无数更之弊、及秦灭先圣之本，每置闰于岁终，古法盖殫废矣。由两汉两下，立积年日法以为推步之准，因仍沿袭以迄于今。夫天运流行不息，而欲以一定之法拘之，未有久而不差之理。差而必改，其势有不得不然者。太史院作灵台，制仪象，日测月验，以考其度数之真。积年日法皆所不取，庶几吻合天运，而永终无弊。乃者新历告成，赐名《授时历》，自至元十八年正月一日颁行。布告遐迩，咸使闻知。

秋七月己酉，立行中书省于安西府，李德辉为行省参知政事，兼领钱谷事。徙泉州行省于隆兴。戊午，中书参知政事郝禎、耿仁并为左丞。开胶莱河。甲子，遣安南国王子陈倪还。乙丑，罢江南财赋总管府。己巳，中使咬难至江南访求高士。

八月乙卯，改蒙古侍卫总管为亲军都指挥使司，戊寅，占城、马八儿国皆遣使奉表贡方物。唆都请招谕三佛齐等八国，不从。丁亥，集贤大学士兼国子祭酒许衡致仕。戊戌，高丽国王王睿来朝。范文虎、忻都、洪茶邱为中书右丞，李庭、张拔

突为参知政事，并行中书省事。

九月壬子，车驾至自上都。壬戌，也罕的斤率所部戍斡端。丁卯，罗氏酋阿察等降。癸酉，高丽国王王嗜加开府仪同三司、中书左丞相、行中书省事。丁丑，命湖南行省讨亦奚不薛。壬午，立陕西四川等处行中书省，不花为右丞，李德辉、汪惟正并为左丞。己丑，命招讨使都实穷河源。壬辰，亦奚不薛酋遣从子入朝，帝曰：“亦奚不薛不禀命，辄以官授其从子，无人臣礼。俟其酋出，乃罢兵。”丙申，招谕爪哇国。

十一月己亥朔，俱蓝、马人儿、阁婆等国俱遣使来朝。丁卯，复遣教化、孟庆元等赍书谕占城国。

十二月庚午，杀江淮行省平章政事阿里伯、右丞崔斌。辛未，高丽国王王嗜率所部水军征日本。谕诸将征日本取道高丽，毋扰其民。以高丽藩臣金方庆为征日本都元帅，朴球、金周鼎为管高丽国征日本军万户，并赐虎符。癸酉，高丽国王王嗜为行省中书右丞相。丁亥，复诏管民官兼管诸军奥鲁。戊子，征亦奚不薛军戍罗葡甸。壬辰，陈桂龙据漳州叛。甲午，新建太庙成，自旧庙奉迁神主于祔室，行大享礼。改畏兀儿断事官为北庭都护府。丙申，辽东路新军以妻子易马，敌以今年所输赋税赎之。安南国来贡驯象。是月，左丞相阿术卒于别失八里军中。

十八年春正月戊戌朔，颁《授时历》。高丽国遣使贺正旦兼贡方物。辛丑，召阿剌罕、范文虎、囊家带入觐。丁未，攻于近郊。敕江南州县官兼用蒙古、回回人。命忻都、洪茶邱率所部由高丽泛海至日本，范文虎率所部由庆元路泛海至日本，以张珪、李庭留后。丙辰，车驾幸鄆州。

二月辛未，车驾幸柳林。乙亥，立上都留守司。移荆湖行省于鄂州，湖南宣慰司于江州。己丑，诏谕乌琐纳等毋侵罗氏

蛮，违者许罗氏酋阿利奏闻。乙未，皇后宏吉刺氏崩。丙申，车驾至自柳林。中书右丞、行江东道宣慰使阿刺罕为中书左丞相、行中书省事，江西道宣慰使兼招讨使也的迷失为参知政事、行中书省事。

三月戊戌，国子祭酒致仕许衡卒。丙午，车驾幸上都。辛酉，立癸闻鼓院。

夏四月辛未，命云南行省讨哈喇章。癸酉，复中外官吏俸。

五月戊申，罢畏兀儿提刑按察使司。

六月丙寅，谦州织工贫、鬻妻、子，敕官与赎还，赐粟赈之。己巳，忻都、洪茶邱等与日本兵战于鹿岛，失利。庚寅，阿刺罕有疾，以阿塔海代之。中书左丞忽都帖木儿为中书右丞、行中书省事，御史中丞、行御史台事忽刺出为中书左丞、行尚书省事。

秋七月丁酉，分置安西行中书省于河西。己亥，阿刺罕卒。辛酉，赐唆部驼蓬以辟瘴毒。占城国来贡象、犀。

八月庚午，忙古带为中书右丞、行中书省事。申严大都总管府兵马司、左右警巡院敛民之禁。庚寅，高丽国遣使贺圣诞。壬辰，范文虎等遇飓风败舟，弃其全军而返，左副都元帅阿刺帖木儿等皆溺死。

闰月丙午，车驾至自上都。丁巳，改思州宣抚司为宣慰司，兼管内安抚使。汰中书省及诸司冗员。括江南户口税课。庚申，安南国遣使贡方物。

九月癸亥朔，畋于近郊。壬辰，占城国遣使贡方物。

冬十月乙未，有事于太庙，祔贞懿昭圣顺天睿文光应皇后。己亥，立陈日煊叔父遗爱为安南国王。庚子，镇安州蛮酋岑从毅杀知州李显，召从颜入朝。丁未，置安南国宣慰司，以孛颜帖木儿为参知政事，行安南国宣慰使，都元帅柴椿、忽哥儿副

之。壬子，集百官于悯忠寺，焚《道藏》伪经，有隐匿者罪之。封失里咱牙信合八刺麻合迭瓦为占城国王，立行中书省于占城，唆都为右丞，刘深为左丞，也里迷失为参知政事。庚戌，纳陈遗爱于安南。招谕干不昔国。壬子，改大郁、南阳等处屯田孛兰奚总管府为农政院。癸丑，皇太子至自北边。辛酉，邵武贼高日新降。

十一月癸亥朔，招谕探马礼蛮酋。甲子，漳州贼陈吊眼伏诛。壬午，召瓜哇国王入觐。

十二月甲午，瓮吉利岱为中书右丞相。己亥，罢日本行中书省。癸丑，免益都、淄莱等路开河夫今年租赋，仍给佣直。丙辰，福州贼林天成伏诛。

卷十一本纪第十一

世祖五

十九年春正月壬戌朔，高丽国遣使贺正旦。丙寅，罢征东行中书省。撒里蛮执叛王昔里古寺以献，皇子北平王遣诸王札刺忽奏闻。丁卯，札刺忽入觐。立太仆院。丙子，畋于近郊。丁丑，高丽国贡细布。

二月辛卯朔，车驾幸柳林。修太庙及司天台。甲午，诸王相吾答儿、行中书省右丞太卜、参知政事也罕的斤征缅甸。壬寅，命军官陈亡者其子袭职，以疾卒降一等授官，著为令。乙巳，立广东道提刑按察司。戊申，车驾至自柳林。己酉，汰省部冗官。徙浙东宣慰司于温州。金都掌、阿木等部军，征答马刺。都掌酋乞免金军，以牛马运饷，允之。庚戌，以参知政事唐兀带等分屯建康、江陵、池州等路。壬子，金亦奚不薛及播思、叙三州军征缅甸，亦奚不薛酋阿峻不从命。

三月辛酉，朔乌蒙蛮叛，那海、火鲁思迷同讨之。戊寅，益都千户王著与妖僧高和尚杀阿合马、郝禎。壬午，王著、高和尚伏诛。杀枢密副使张易。戊子，领北庭都护府阿必失哈为御史大夫、行御史台事。

夏四月辛卯，敕和礼霍孙集中书省、御史台、枢密院、翰林院等官，议阿合马所管财赋。丁酉，和礼霍孙为中书右丞相。降右丞相益吉刺带为大都留守，仍同金枢密院事。壬寅，敕滦

州造官车,勿赋于民。乙巳,汰仓库官,考核诸路平淮库。丙午,收诸王别帖木儿总军银印。庚戌,以用兵海外,供亿繁重,诏慰谕军民,应有通欠钱粮及官吏侵盗,并权停罢。括江南隐匿进军。壬子,定民间贷钱取息法,以三分为准。定内外官三年考满法。

五月己未朔,黜省、部官党附阿合马者七百十四人。泸州管军总管李从受贿,纵军士私还;致贼杀万户爪难等,伏诛。遣治阿合马罪。戮其尸于通元门外。罢南京宣慰司。戊辰,并江西、福建行中书省为一。壬申,逮参知政事耿仁至大都,命中书鞠之。中书右丞张惠罢。甘肃行省左丞麦术不为中书右丞,行御史台御史中丞张雄飞为参知政事。

六月甲午,诏阿合马滥设官府二百四,留三十三,余悉罢之。戊戌,占城复叛,行省平章政事唆都以兵讨之。己亥,管军万户阿子志使暹国。壬子,敕中外官立限决事。癸丑,罢大司徒及农政院。丁巳,亦奚不薛降。

秋七月戊午朔,日有食之。分立行枢密院于扬州、岳川。辛酉,遣治郝禎罪。戮其尸。壬申,攻百官奏事同御史台奏闻。癸酉,赐高丽王王嗜金印。丁丑,巩昌总帅汪札刺儿带罢,以别速帖木儿代之。乙酉,阁婆国献金佛塔。

八月癸巳,金罗罗斯等军征缅甸。辛亥,车驾驻龙虎台。甲寅,圣诞节,是日还宫。乙卯,御正殿受贺。

九月丁巳朔,敕中书省穷治阿合马党与。戊午,阿合马子阿散伏诛。庚申,罢涟、海州屯田。游显为平章政事,行省扬州。辛酉,耿仁、撒部鲁丁及阿合马子忻都俱伏诛。俱蓝国、苏木都速国及也里可温教主并遣使奉表贡方物。壬戌,敕:“官吏受贿及仓库官侵盗,御史知而不纠者,罪之。”乙丑,金亦奚不薛军。丁卯,安南国世子陈日烜遣使贡方物。己巳,罢云南宣慰司。壬申,蛮洞向世雄兄弟及散毛诸洞叛,敕四川行

省招抚之。辛巳，厘正选法，定诸路岁贡儒吏额。

冬十月丁亥朔，整治钞法。辛卯，平章军国重事耶律铸为中书左丞相。壬辰，有事于太庙。罢西京宣慰司。丙申，立詹事院。甲辰，占城国降。乙巳，招谕法里郎、阿鲁、乾伯等国。罢屯田总管府。丁未，女直人六十，自清造船运粮，赴鬼国赡军，从之。庚戌，移成都宣慰司于碉门。罢广无路及顺庆府宣慰司。诏两广、福建五品以下官，从行省铨注。乙卯，阿合马子忽辛，秣速忽俱伏诛于扬州。

十一月戊午，宋衍圣公孔洙为国子祭酒兼提举浙东道学校事。颁示阿合马罪状。甲戌，放天下重囚，除谋反大逆，杀祖父母、父母，妻杀夫、奴杀主外，其余犯死罪者赦之，充军征日本、占城、缅甸。丙子，大盘洞酋向臭友等来朝。戊寅，马人儿国遣使贡金叶书及方物。

十二月壬辰，昭文馆大学士张文谦为枢密副使。乙未，徙瀛国公赵显于上都。杀宋丞相文天祥。癸卯，定御史台选择台臣格。征处士刘因为右赞善大夫，因以母老辞归。中书右丞扎萨克为平章政事。罢南京屯田总管府。

二十年春正月丙辰朔，高丽国遣使贺正旦。己未，立皇后宏吉刺氏。癸亥，药刺海以兵讨亦奚不薛。乙丑，高丽国迫使贡方物。阿塔海复为征东行中书省左丞切。丙寅，发五卫军征日本，以去岁河北、山东诸路旱，权停租税勿征。仍谕管民官，水旱逾时不报，及按察司随时检察，皆罪之。壬申，移巩昌按察司治甘州。行省古丞阁里帖木儿率三十五万户征日本。丁丑，场廷璧为宣慰使，招谕俱蓝等国。壬午，畋于近郊。改广东提刑按察司为海北广东道，广西按察司为海北广西道，福建按察司为福建闽海道，巩昌按察司为河西陇北道。

二月戊子，赐俱蓝国王瓦你金符。癸巳，敕斡脱钱仍其旧。

亦奚不薛降。庚子，省西州东西北三道宣慰司及潼川等路镇守万户府，新军总管府，威、灌、茂等州安抚司。辛丑，定军官选格及官吏赃罪法。癸丑，谕中书省大事奏闻，小事便宜行之，毋稽缓。

三月丁巳，罢河西行御史台。立巩昌等处行工部。罢泉州行中书省及福建市舶总管府。己未，罢安西行中书省，立行工部。乙丑，兀奴忽鲁带鲁扬州罪囚。立云南道提刑按察司。丙寅，车驾幸上都。丁卯，新会县民林桂芳等作乱，伪号罗平国，伏诛。乙亥，阿塔海戍曲先，汉都鲁迷失戍斡端。壬午，罢福建道宣慰司，复立行中书省于漳州。中书右丞张惠为平章政事，御史中丞也先帖木儿为中书左丞，并行中书省事。

夏四月丙戌，立别失八里、和林等处宣慰司。庚寅，药刺海戍亦奚不薛。召也速答儿还成都。壬辰，都元帅张林、招讨使张珪、总管朱清等从征日本。高丽国王王晡领征东行省，规画日本事宜。癸卯，王晡为征东行中书省左丞相。庚戌，也速带讨山都掌蛮，平之，获其酋得兰纽，辛亥，麦术不等检核万亿库，请便蒙古人鞠其获罪者。诏曰：“蒙古人为利所汨，亦异往日矣。其择可任者使之。”

五月己未，罢五卫军征日本。庚申，定江南民官及转运司公田。丙寅，免江南租税三之二。辛未，唆都等人占城，其王孛由补刺者吾遁，降玺书招谕之。甲戌，并江淮、云南州县。耶律老哥为中书参知政事。颁行宋文思院小口斛。立海西辽东道提刑按察司。己卯，宣慰使朱国宝率阿里海牙旧部讨占城。

六月丙戌，甘州行省参知政事王椅为中书参知政事。己丑，增官吏棒。庚寅，定市舶抽分法。丙申，修大都城。辛亥，四川行省参知政事曲立古寺讨平龙溪十八洞，以其酋长入朝。

秋七月丙辰，免骨嵬军赋役。丙寅，立亦奚不薛宣慰司。壬申，亦奚不薛军民千户宋添富及顺元路军民总管阿里等降，

立亦奚不薛总管府，以阿里为总管。丁丑，立铺军，捕淮西盗贼。

八月癸未，以明里察平章军国重事。甲午，安南国遣使贡方物。济州新开河成。立都漕运司。戊午，象山县海贼尤宗祖降。丙寅，古答奴国因商人阿刺畏等内附。罢占城行中书省。辛未，广东盗起。

冬十月壬辰，车驾至自上都。甲午，平章政事扎散为枢密副使。乙未，有事于太庙。庚子，建宁路总管黄华叛，伪称宋祥兴五年，卜邻吉带、史弼等合讨之。耶律铸罢。癸卯，造船于新开河，以分海运。己酉，金河西质子充军。癸丑，总管陈义自备海船三十艘征日本，授义万户，佩虎符。壬戌，复立南京宣慰司。戊寅，禁云南军官没良民为奴及黥其面。

十二月壬辰，以中书参知政事温迪罕、中书参议秃鲁花廉贫，赐钞旌之。丙午，罢都云南都元帅府。敕大官质子赴京师，著为令。北胜州洞蛮叛，云南行省阿合八失讨平之。

二十一年春正月乙卯，右丞相和礼霍孙率百官上尊号曰宪天述道仁文义武大光孝皇帝，诸王百官朝贺如朔旦仪。昭曰：

惟我祖宗创业垂统，区宇之广，众所悉知。其御下也为善，而用功者必赏，为恶而罪者必罚，此我祖宗之定制也。比者。公卿耆旧诣阙拜章，谓朕寿祉方隆，请上尊号。属兹大庆；宜布宽条。兹用播告中外，凡尔有众，自今以始，各务维新，无替朕命。

己未，罢云南都元帅府。甲子，罢扬州等处理算官。丁卯，建都蛮及金齿诸蛮俱降。庚午，立江淮、荆湖、江西、四川行枢密院及耽罗国安抚司。甲戌，王积翁赍玺书使日本，未至，为舟人所杀。己卯，马八儿国遣使贡方物。

二月辛巳，管如德为行省参知政事，征缅甸。丁亥，翰林

学士承旨撒里蛮把先农于藉田。壬辰，邕、宾、梧、韶、衡等州盗并起，湖南宣慰使撒里蛮讨平之。丁未，阿塔海以水军征占城。戊申，徙江淮行省于杭州，浙西宣慰司于平江，省黄州宣慰司。漳州盗起，江浙行省讨平之。秦州总管刘发谋反，事觉伏诛。

三月丁巳，皇子北平王诺木罕及安童至自北边。唆都攻占城不克，引兵还。丙寅，车驾幸上都。丁卯，太庙正殿成。乙亥，高丽国王王晳遣使贺上尊号。

夏四月乙酉，置大都留守词及大都路总管府。戊申，高丽国王王晳及太公主以其世子源来朝。发思、播二州蛮军征缅甸。

五月癸丑，敕收集唆都及江淮、江西两省溃军，凡至者给粮、舟楫损者修之。戊午，敕中书省奏目及文书皆不用畏兀儿字，己未，占城国王请降，遣其孙路司理勒蛰等奉表来朝。庚午，鄂州达鲁花赤赵翥等赍玺书谕安南国。括天下私藏天文图讖《太乙雷公式》、《七曜历》、《推背图》、《苗太监历》，有私习及收匿者罪之。丁丑，以征占城兵溃，遣忽都虎、乌马儿、刘君庆等敕命、虎符，以孛鲁合答儿等代之，仍听阿里海牙节制。

闰月己卯，封怯里刺王为郡王，罢西南番安抚司四总管府。丙戌，迁扬州行御史台于杭州。庚寅，赐归附蛮酋十八人冠带。理算江南造船隐弊，诏按察司毋得沮挠。癸巳，改封皇子北平王那木罕为北安王。甲辰，安南国世子陈日烜使贡方物。

六月壬子，增官吏棒。甲寅，封皇子托欢为镇南王，镇扬州。庚申，改蒙古都元帅府为都万户府，炮手元帅府为万户府，炮手都元帅府为回回炮手军匠万户府。甲子，移阿剌带和林屯田军与憨答孙所部合屯五河。

秋七月丁丑朔，荆湖、四川合兵讨义巴、散毛洞蛮。诏军

官勿帶相銜。丁亥，江淮行省以占城使者大半达连扎人朝，及其地图来上。戊子，镇南王托欢以兵征占城，假道安南。安南国世子陈日烜遣使贡方物。释安南国前使黎英等还。

八月丁未，华帖、白水江、盐井三部蛮叛，云南行省讨平之。占城国王乞岁修职责，遣使献三象。庚午，车驾至自上都。甲戌。建都女子沙智有功，授建昌路总管，佩虎符。

九月甲申，京师地震。置福建盐课市舶都转运司。并福建、江淮两行省为一，中书右丞、行省事忙兀带为江淮等处行中书省平章政事，左丞呼刺出、蒲寿庚参知政事，管如德分省泉州。

冬十月丁未，有事于太庙。戊申，药刺海率探马赤订金齿蛮。己酉，敕管军万户为行省宣使者，毋兼管军事；仍为万户者，毋兼管民政。辛酉，征东招讨司征骨嵬夷。定处断军人逃亡例，为首起意者处死。张万为征缅招讨使，佩三珠虎符。戊辰，立常平仓。甲戌，诏行中书省，凡征日本船并增价募之。

十一月甲申，封南木里、忙哥赤为郡王。己丑。海盗黎德伏诛。庚寅，占城国王过使贺圣诞，献札币及二象。占城旧州酋宝嘉娄亦奉表内附。庚子，范文虎为中书左丞，商且枢密院事。辛丑，和礼霍孙、麦术丁、张雄飞、温迪罕皆罢。前右丞相安童复为右丞相，卢世荣为中书右丞，史枢为中书左丞，不鲁迷失海牙、撒的迷失并参知政事，拜降参议中书省事。壬寅，敕中书省整钞法。南巫里、别里刺、理伦、大力等国各遣使奉表贡方物。

十二月甲辰，置常平盐局。乙巳，御史中丞崔 罢。丙丈，八番酋龙昌宁、龙诞万等入朝。置八番宜慰司，招抚西南诸番。乙酉，镇南王至安南境，陈日烜拒命，分六道攻之。

二十二年春正月戊寅，进使虑诸路狱囚。壬午，置上都等路群牧都转运司、诸常平盐铁坑冶都转运司。戊子，封驸马唆

都哥为宁昌郡王。蜀人赵和尚冒称宋广王，伏诛。移五条河屯田军于兀失蛮、扎失蛮之地。乙未，罢江南行御史台。改提刑按察司为提刑转运司。立江西行枢密院。罢福建行中书省，置宣慰司。丙申，畋于近郊。阿必赤合为中书平章政事。荆湖占城行省平叛蛮百六十六洞。辛丑，扬兀鲁带为征骨嵬招讨使。丙戌，乌马儿败陈日烜于富良江，日烜遁，镇南王入安南都城。二月乙巳，帝驻蹕柳林。改江淮、江西元帅招讨司为上、中、下三万户府。辛亥，广东宣慰使月的迷失讨潮、惠二州盗郭逢贵等，平之。丙辰，罢开胶、莱新河。壬戌，诏大都旧城居民迁新坡者，以赏高及居官者为先，定制以八亩为一分，其地过八亩及贫下不能作室者，皆不得冒据。收天下铜钱。戊辰，车驾幸上都。复立江南行御史台，徙治江州。置真定、济南、太原、甘肃、江西、江淮、湖广等处宣慰司兼都转运使司。瓮吉剌带为中书左丞相。己巳，复立提刑按察使司。忽都鲁为中书平章政事。诏各道提刑按察司，能遵奉条画、莅事有成者，任满升职；赃污不称任者，除名。罢融州总管府。

三月丙子，张公礼、彭质等往占城测候日晷。癸未，罢甘州行中书省，立宣慰司。

夏四月癸卯，立行枢密院都镇抚司。庚戌。监察御史陈天祥劾中书右丞卢世荣，诏世荣、天祚俱赴上都。癸丑，诏追捕宋广王及陈宜中。中书省、枢密院、御史台官虑大都及诸路罪囚。壬戌，御史中丞阿剌帖木儿、郭佑，侍御史白秃帖木儿等似卢世荣等罪状奏，阿剌帖木儿等与世荣质于帝前，世荣款服下狱。癸亥，敕麦术丁与安童治中书省事。

五月甲戌，御史中丞郭佑为中书参知政事。壬午，忻都为踢里玉招讨使。诏近地不服者讨之，毋兴兵远攻。右巴等洞蛮平。丁亥，汰六部冗官，择廉洁有干局者存之。戊子，复徙行

御史台于杭州。戊戌，镇南王引大军北还，大将唆都、李恒俱战歿。庚戌，高丽国遣使贡方物。

秋七月戊寅，分甘州屯田新军屯于亦集乃路。壬午，陕西四川行省左丞汪惟正入觐。以降酋郭逢贯等至京师。庚寅，唐兀带复为荆湖占城行省左丞。

八月丙辰，车驾至自上都。

九月戊辰，并哈喇章、金齿二宣抚司为一，置临安广西道宣抚司。罢榷酤，听民自造。乙亥，听民自实两淮荒地，免税三年。敕贡物惟地所产，非所产者，毋辄上。丙子，真腊、占城二国遣使贡方物及乐工十人。丙戌，速木都刺、马答二国遣使贡朝。癸巳，乌蒙蛮叛，也速带儿以兵讨之。

冬十月己亥，合撒儿海牙使安南国。庚子，有事于太庙。乙巳，征东招讨使朵儿台、畅兀鲁克台征骨嵬、赐杨兀鲁克台三珠虎符，为征东宣点使都元帅。癸丑，哈塔海为征东行省左丞相，刘国杰、陈岩并为左丞，洪茶邱为右丞，同征日本。赐脱里安、答即古阿散等印，考覆中书省，其制如三品。丙辰，中书参议帖木儿为参知政事，位郭佑上，且命之曰：“自今之事，皆责于汝。”马法国遣使贡方物，戊午，江淮行省平章忙古岱为江浙行省左丞相。复置叙州宣抚司。癸亥，答即古阿散理算江南钱谷。丁卯，乌蒙宣抚司使蒙叛，云南行省以征罗必丹兵讨之。壬申，以讨日本，遣阿八剌督江淮军需，察忽督辽东军需。戊寅，征高丽兵万人、船六百五十艘征日本。癸巳，漕江淮米百万石，贮于高丽合浦。征东行省及商丽各贮米十万石，以备军需。乙未，秃鲁欢为参知政事。卢世荣伏诛。

十二月己亥，减天下罪囚。丁未，皇太子卒。己未，丹太庙楹。辛酉，立集贤院。甲子，罢哈喇章都元帅，命哈喇酋长子入质京师，千户、百户子留质云南。丙寅，停迁转工匠官。

是岁，占城行省参知政事亦里迷失等引军还。

二十三年春正月戊辰朔，以皇太子哀，罢胡贺。庚辰，马八儿国来献铜盾。丁亥，禁阴阳伪书《显明历》。丁酉，畋于近郊。

二月甲辰，雪雪的斤为缅中行省左丞相，阿台董阿参知政事，兀都迷失为行中书省事；阿海牙为安南行省左丞相，奥鲁赤平章政事，乌马儿、亦里迷失、阿里、答顺、樊辑并参知政事。乙巳，罢山北辽东道宣慰司，立东京等处行中书省，阔阔你敦为左丞相，塔出行省右丞，扬仁风、亦而撒合并参知政事。戊午，罢江南行枢密院。荆湖占城行省以兵征安南。封陈益稷为安南国王，陈秀爰为辅义公。甲子，立甘州行中书省。

三月乙亥，麦术丁复为中书右丞。立钦察卫亲军都指挥使。丙子，车驾幸上都。丁丑，徙东京行中书省于咸平府。

夏四月庚子，立燕南、河东、山东等路宣慰司。甲辰，徙江南行御史台于建康路。己未，遣要束木钩考荆湖行省钱谷。

五月己巳，以阿里海牙言，遣参知政事秃鲁欢等按治要束木赃罪。甲戌，徙江东追按察司于宣州。辛卯，安南国遣使贡方物。湖广行省左丞相阿里海涯自杀于京师。

六月乙巳，立大司农司。辛亥，亦马刺丹忒忽里使安南。丁巳，薛阁干为中书平章政事。辛酉，高丽国遣使贡方物。

秋七月丙寅朔，必速蛮等使爪哇国。己巳，罢辽阳行中书省，复置三道宣慰司。壬申，拜答儿以兵讨阿蒙，斩之。壬午，铁木儿为中书左丞。癸巳，铨定中书省、行省、枢密院、御史台、行台、六部官。诏谕中外。

八月丙申，敕枢密院进侍卫军千人扈从北征。罢淮东、蕲黄宣慰司。辛酉，永康县民陈巽四等谋反，伏诛。

九月乙丑朔，马八儿、须门那、僧急里、南巫力、马兰丹、

那旺、丁呵儿、来来、急阑亦带、苏木都刺十国，各进子弟上表贡方物。壬辰，高丽国来献日本俘。

冬十月丁酉。有事于太庙。己亥，车驾至自上都。己酉，塔塔儿、杨兀鲁带以兵征骨嵬。辛亥，河决开封路祥符、陈留等州县十五处。壬戌，马八儿国来献鞍勒、毡甲。

十一月乙丑，张珪、来阿八赤为海道运粮万户，低虎符。丁丑，塔察儿、忽难使于诸王阿儿浑。

十二月癸卯，籍阿里海牙贲产。

是岁，大都饥。

二十四年春正月癸酉，俱蓝国遣使来朝。丙戌，程鹏飞为中书右丞。阿里为中书左丞。丁亥。不颜取海牙为中书参知政事。复改江浙行省为江淮行省。辛卯，发江淮、江西、湖广三行省蒙古及汉券军、云南行省下及海外黎兵，分过讨安南。立征交趾行尚书省。

二月甲午，畋于近郊。乙未，麦术丁为中书平章政事。庚子，范文虎为中书右丞、商议枢密院事。壬子，封驸马昌吉为甯濮郡王。丙辰，马八儿国来贡方物。

闰月乙丑，畋于近效。立尚书省，桑可、铁木儿为尚书省平章政事，阿鲁浑撒里为尚书右丞。叶李为左丞，马绍为参知政事。甲申，镇南王脱欢徙镇南京。范文虎改尚书右丞、商议枢密院事。改行中书省为行尚书省。吏部尚书忻都为尚书省参知政事。庚寅，车驾幸上都。

三月甲午，造至元宝钞。乙卯，车驾驻凉陉。丙辰，马八儿国来献异兽。河决汴梁。

夏四月，诸王乃颜反。

五月庚子，高丽国王王睿授行尚书省平章政事。是月，车驾亲征乃颜。

六月，车驾次撒儿都鲁之地。前军获乃颜，诛之。乙亥，车驾驻于大利斡鲁脱之地。尽得乃颜輜重。

秋七月癸巳。皇子爱牙赤等叛王失都儿于咸平。

八月乙丑，车驾还京师。事海剌孙为征东行省参知政事。脱满答儿为都元帅，分道讨缅甸。己巳，谪从逆诸王从军自效。癸酉，朵儿朵海获叛王阿赤思，赦之。甲申。女国来贡方物。

九月辛卯，安南国遣使贡方物。壬子，高丽国王王椿来朝。

冬十月朔，日有食之。甲子，有事于太庙。丙子，杀中书参知政事郭佑、杨居宽。乙酉，罗葡萄蛮酋火者阿禾等来降。丙戌。立辽阳行尚书省，薛阁干、阁里帖木儿并为行省平章政事，洪茶邱为右丞，亦儿撒合为左丞，杨仁风、阿老瓦丁并为参知政事。

十一月壬辰，云南行省右丞爱鲁败安南兵于木兀门。桑哥为尚书省右丞相，帖木儿为左丞相，阿里浑撒里为平章政事，叶李为右丞，马绍为左丞。丙午，镇南王脱欢败安南兵于界河。己酉，封驸马帖木儿为济宁郡王。

十二月癸亥，金竹寨蛮酋搔驴等来降。乙酉，镇南王脱欢以诸军入安南。陈日烜奔敢喃堡。

卷十二 本纪第十二

世祖六

二十五年正月辛卯，忙古带为江淮行尚书省右丞相。戊戌，大赦。壬寅，高丽国进使贡方物。癸卯，海都寇北边，诸王术伯、驸马昌吉等以兵讨之。丙午，畋于近郊。癸丑，立江南行大司农司及淮东、西两道劝农营田司。

二月丁巳，改济州漕运司为都漕运司，南北漕运。戊午，诸王哈丹秃鲁干叛，李庭等以兵讨之。庚申，大司徒撒里蛮等进读祖宗《实录》，帝曰：“太宗事则然，睿宗少有可易者，定宗固日不暇给。宪宗事汝不能忆之，犹当询知者。”壬戌，罢辽东海西道提刑按察司。改南京路为汴梁路，北京路为武平路，西京路为大同路，东京路为辽阳路，中兴府为宁夏府路。己卯，高丽国王王晳为征东行尚书省左丞相。壬午，皇孙云南王也先铁木儿出镇大理。

三月丁亥，松江民曹梦炎岁以米万石输官，遥授梦炎浙东道宣慰副使。改曲靖路总督府为宣抚司。庚寅，车驾幸上都。李庭为征东行省左丞、商议枢密院事。辛卯，镇南王自安南班师。丁酉，车驾驻野狐岭。阿朮、塔不带总京师警卫诸军。己亥，陈日烜进使进金人代罪。

夏四月乙丑，循州贼钟明亮作乱，江淮行省左丞相忙古带、行枢密院副使也的迷失以兵讨之。庚辰，安南国遣使贡方物。

甲申，皇孙铁木儿率诸军讨叛王火鲁火孙、哈丹秃鲁干。

五月戊子，诸王察合子阔阔带叛应哈丹，床兀儿讨获之。己丑，河决襄邑。丁酉。改天南乌撒宣抚司为宣慰司，兼管军万户府。戊戌，汪家奴、火鲁忽带、察罕等复叛。壬寅，浑天仪成。癸丑，移四川行中书省于重庆。高丽国遣使贡方物。河决开封。

六月辛酉，定御史任满，验所言事大小、多寡为升降。乙丑，诏蒙古人总汉军，习水战。戊辰，管军元帅阿里带败海都兵于业里干脑儿。癸未，处州贼柳世英作乱，宣慰副使史耀讨平之。

秋七月戊戌，车驾幸许泥百牙之地。乙巳，保定路唐县野蚕成茧，可为帛。

八月丙辰，安童率本部怯薛蒙古军巡北边。庚辰，车驾次孛罗孩脑儿。

九月丙辰，车驾至大都。乙未，笃哇入寇。庚子，鬼国及建都蛮贡方物。癸卯，置征理司，专治合追钱谷，秃烈羊阿、吴诚并为征理使。江南行台御史中丞刘宣自杀。

冬十月己未，有事于太庙。庚申，参知政事忻都等十二人理算江淮、江西、福建、四川、甘肃、陕西六行省钱谷。丙寅，大同民李伯祥、苏永福谋反，伏诛。庚午，海都入寇。丙子，瀛国公赵显学佛法于土蕃。己卯，也不干入寇，不都马失等败之。免儒户杂徭。高丽国遣使贡方物。是日，用寿张县尹韩仲晖议。自安山开河至临清以济运。

十一月丁亥，金齿蛮来贡方物。山东东西道提刑按察使何荣祖为中书参知政事。柳州贼黄德清、潮州贼蔡猛等作乱，俱伏诛。庚寅，床哥里合寇建州。癸巳，也速带儿、牙林海刺孙执叛王捏坤、忽都答儿来降。己亥，礼部侍郎李思衍等使安南国，谕陈日烜入朝。辛丑，马八儿国遣使来明。叛王帖列涅入寇。

十二月丁巳，海都入寇，诸王阔阔出等效之。丙子，也速不花以昔烈门叛，诸王八八、拜答罕，驸马昌吉等以兵讨之。也速不花降，昔烈门遁至朵郎不带之地，获之。庚辰，高丽国遣使贡方物。

二十六年春正月丙戌，京师地震。辛卯，哈丹入寇。戊戌，蒙古部万户按的忽部合、荆湖行省左丞唐兀带与月的迷失等讨江西群盗。立武卫亲军都指挥司。癸卯，罢胶莱海运粮万户府。高丽国遣使贡方物。钟明亮寇赣州。畚民卯大老等作乱，伏诛。戊申，湖广行省参知政事张守智、翰林直士李天英征粮运于高丽。移广州按察司于韶州。

二月辛亥朔，籍江南户口。癸亥，移江淮行尚书省于杭州。改浙西道宣慰司为准东道，治扬州。丙寅，福建行省拜降、江西行院月的迷失、江淮行省忙古带合兵讨江西群盗。丁卯，车驾幸上都。伯颜知枢密院事，总北边诸军。伯答儿中书平章政事。哈丹入寇开元路，治中兀颜牙兀格败之。己巳，立左右翼屯田万户府。甲戌，巩昌总帅汪惟和率所部北征，敕入都受命。

三月庚辰朔，日有食之。台州贼杨镇龙僭称大兴国，宣慰使史弼讨斩之。癸巳，金齿蛮酋赛完降。

夏四月乙酉朔，福建行省参知政事魏天佑执宋江西提刑谢枋得送京师，枋得不食卒。戊辰，安甫国遣使贡方物。甲戌，御史大夫玉鲁吕为太傅，加开府仪同三司。召江淮行省知政事忻都至京师，户部尚书王巨济理算江淮钱谷，左丞相忙古带总之。丁丑，徙乃颜降众于江南充水军。

五月丙申，钟明亮降。复徙行御史台于杭州，浙西按察司于平江。参知政事忻都为尚书左丞，申书参知政事何荣祖为尚书参知政事，参议尚书省事张天佑为中书参知政事。己亥，置回回国子学。辛丑，青山徭降。

六月辛亥，安山渠成，赐名会通河。庚申诸王乃蛮台败哈丹于托吾儿河。丙寅，要忽儿入寇。辛巳，尚书省断事官秃烈羊阿理算云南钱谷。复立云南提刑按察司。海都寇和林，宣慰使怯伯、同知乃蛮台、副使八黑铁儿并叛降海都。宣慰使刘哈剌拔都脱归，赐名察斡脱赤。甲戌，云南中下烂土洞蛮酋忽带等降。乙亥，乃颜余常金刚奴寇折连怯儿。

秋七月戊寅朔，海都入寇，帝下诏亲征。辛卯，敕和林屯田乞儿吉思等军讨海都。戊戌，信州贼鲍惠日等作乱，伏诛。李庭等率所部北征。壬寅，试百官家，制军人衣袄。

九月丁亥，罢斡端宣慰使元帅府。

冬十月甲子，有事于太庙。

闰月戊寅，车驾至自上都。庆辰，月的迷失获贼首邱应祥、董贤举送京师。乙酉，命自今所授宣敕并付尚书省。丙戌，四川生番心□等来降。钟明亮复叛，寇梅州，月的迷失与福建、江西行省合兵讨之。丁亥，安南国遣使贡方物。己丑，籍江南、四川户口。婺州贼叶万文作乱，江淮行省平章政事不怜吉歹讨平之。庚子，取泗滨石为磬，以补官悬之乐。辛丑，罗斛国、女国俱来贡方物。乙巳，缅甸来贡方物。壬子，漳州贼陈机容、邱大老、张顺等降。癸丑，建宁贼黄福等谋反。伏诛。

十二月丁丑，诸王小薛与哈丹秃鲁干通谋，伏诛。丁亥，封皇子阔阔出为宁远王。甲午，管军万户汪惟能为征西都元帅，屯漠北。

是岁，马八儿国来献花驴。

二十七年春正月戊申，改大都路总管府为都总管府。庚戌，河东山宣慰使阿里火者为尚书右丞，宣慰使如故。癸丑，安南国遣使贡方物。乙卯，制礼天幄殿。高丽国遣使贡方物。己未，掌吉寇甘木里，诸王术伯，拜答罕、亦怜真等败之。乙丑，

伸思、八儿等谋作乱，事觉伏诛。丙寅，敕高丽国发耽罗戍兵，讨哈丹。辛未，高丽国王王晡来朝。

二月乙亥朔，立全罗道万户府。癸未，泉州地震，己丑，钟明亮降。癸巳，江西贼华大老等作乱，伏诛。

三月己未，立云南蒙怜、蒙莱二路军民总管府。放福建猎户，沙鱼皮户为民。庚申，罢行大司农司及各道劝农营田司。复移四川行中书省于成都。诏风宪之先归御史台，如旧制。癸亥，建昌县贼邱大老等作乱，伏诛。辛未，大平县贼叶大五等作乱，伏诛。

夏四月癸酉朔，车驾幸上都。癸未，罢海道运粮万户府，置临清漕河运粮上万户府。庚子，哈丹寇海田。

五月乙巳。哈丹寇开元。戊申，钟明亮叛，江西行省左丞管如德、行枢密副使也的迷失合兵讨之。罢江西行枢密院。戊午，移江西行中书省于吉州。癸亥，绩溪县贼胡发等作乱，伏诛。己巳，立云南行御史台。庚午，婺州碱吕重二、泉州贼陈七师作乱，并伏诛。

六月壬申朔，河决太康。甲戌，桑州蛮酋黄蓬等来降。庚辰，杭州碱盾珍等作乱，伏诛。丁酉。大司徒撒里蛮等进《定宗实录》。

秋七月癸丑，罢缅中行尚书省。江淮行省平章政事沙不丁以仓库吏欺盗，请依宋法黥面、断碗，帝曰：“此回回法也。”不允。商丽国遣使贺圣诞。戊午，建平贼王静照作乱，伏诛。壬午，车驾驻老鼠山西。乙丑，芜湖碱徐汝安等作乱，伏诛。丙寅，云南阁力白衣甸等蛮酋来降。

八月辛未朔，日有食之。丁亥，复移四川南道宣慰司于重庆。癸巳，武平路地大震，压死官民七千二百二十人。己亥，中书平章政事帖木儿等以兵赴武平路。

九月乙巳，辽东行省平章政事阁里帖木儿桡哈丹于瓦法。戊申，武平地复震。丙辰，大赦。

冬十月壬申，封皇孙甘剌麻为梁王，出镇云南。癸酉，有事于太庙。己卯，金甘肃民兵。乙酉，梁洞吴汤暖等二十四洞蛮来降。己丑，新作太庙登歌、官悬乐。罢成都路岁贡鸛鹑。

十一月戊申，立扬州、建康、镇江七万户府，杭州四万户府。壬戌，大司徒撒里蛮等进《太宗实录》。癸亥，河决祥符义唐湾。甲子，移河北河南道提刑按察司于许州。

十二月丙戌，兴化县贼朱三十五作乱，伏诛。乙未，诸王乃蛮台、辽阳行省平章政事薛阁干、右丞洪察忽分屯双城及婆娑府诸城，以御哈丹。己亥，青田贼刘甲乙等寇温州。

二十八年春正月癸丑，高丽国遣使贡方物。甲寅，有虎入于南城。辛酉，复行海运，置都粮运万户府，以督岁运。壬戌，尚书右丞相桑哥有罪免。

二月癸酉，罢福建行中书省，立宣慰司。丙子，罢征理司。丁丑，太子右詹事完泽为尚书右丞相，翰林学士承旨不忽木为平章政事。己卯，立金齿等处宣慰司都元帅府、曲靖等处宣慰司管军万户府。壬午，以桑哥答监察御史，命御史大夫月儿鲁与桑哥廷辩。癸未，车驾幸上都，驻大口。召御史台及中书、尚书两省官议桑哥罪。乙酉，立江淮，湖广，江西、四川等处行枢密院。丙戌，改提刑按察司为肃政廉访司。集贤大学士何荣祖为尚书右丞，集贤学士驾胜为尚书参知政事。皇五镇南王脱欢出镇扬州。丁亥，逮湖广行省平章政事要束木，籍其家。辛卯，封诸王帖木儿不花为肃远王。癸巳，籍桑哥家。

三月乙卯，乃颜余党牙儿马赤等作乱，塔海讨平之。壬戌，中书右丞崔 罢为御史中丞。南丹州蛮酋奠国麟入覲，授安抚使，赐三珠虎符。

夏四月乙未，徙湖广行枢密院于鄂州。

五月丁酉朔，薛 千等及高丽兵与哈丹战，大败之。戊戌，脱脱、塔剌海等至杭州，鞠僧官杨璉真伽赃罪。参知政事廉希恕为湖广行省右丞，与海北海南宣慰使都元帅陈仲达合讨琼州黎蛮。立左右两江宣慰司都元帅府。移江淮行枢密院于建康。甲辰，要束木伏诛。辛亥，征前太子赞善刘因为集贤学士，不至。癸丑，罢尚书省，尚书右丞相完泽为中书右丞相，平章政事麦术丁、不忽木并中书平章政事，尚书右丞何荣祖为中书右丞，左丞马绍为中书左丞，参知政事贺胜、商翥并参知中书政事。征东行尚书省左丞相，驸马高丽国王王晳为行中书省左丞相。丁巳，颁《至元新格》。己未，门答占为御史大夫，行御史台事。

六月乙酉，彬州、桂阳、宝庆、武冈盗起，江淮行枢密院以兵讨之。

七月丙申朔，高丽国遣使贺圣诞。己亥，尚州蛮降。庚子，移江西行枢密院于赣州。戊申，扬州学正李淦劾尚书右丞叶李妄举桑哥，请斩李以谢天下，驿召金淦至京师。丁巳，桑讨伏诛。

八月乙丑朔，平阳地震。丙寅，马八儿国来贡方物。己卯，谕思州溪洞官杨都要招抚叛蛮。戊子，咀喃番遣使进金书宝塔及黑狮子。

九月辛丑，平章政事麦术丁商议中书省事，咱喜鲁丁为中书平章政事。丙午，立行宣政院于杭州。辛亥，安南国世子陈日烜遣使贡方物，且谢不朝之罪。壬子，宣抚使扬样等赍玺书谕流求国。乙卯，复置四川行枢密院，治成都。庚申，礼部尚书铁里，礼部侍郎阿老瓦丁、不剌同使俱蓝，礼部侍郎别帖木儿、亦列失金同使马八儿，礼部侍郎脱西使于马都。

冬十月己巳，修真定路玉华宫孝思殿。癸酉，有事于太庙。辛巳，塔刺海、张忽辛等坐理算钱谷受赃，并伏诛。召高丽王王嗜及忽都鲁揭里迷失公主入朝。癸未，罗斛国来进金字表及方物。罢行枢密院。己丑，召诸路转运司至京师议税法。癸巳，礼部尚书张立追使安南。免卫辉路种仙茅户徭役。

十一月壬寅，左吉使新合刺的音。丁亥，耽罗国来贡方物。乙卯，新添葛蛮酋来贡方物。增中外官吏俸。戊午，金齿蛮酋阿腮入觐。

十二月己巳，立新添葛蛮安抚司。辛未，兵部尚书帖灭、兵部侍郎明思昔答思便于罗孛卜儿。壬申，立河南江北行中书省。甲戌，罗钩考钱谷。庚辰，改江淮行中书省为江浙行中书省。癸未，别都儿丁为中书左丞。丙戌，八番洞蛮来贡方物。戊子，敕罪囚非杀人抵死者，悉释之。

二十九年春正月甲午朔，日有食之。免朝驾。己亥，太史令郭守敬兼领都水监事。丙午，敕用蒙古语谕河南官吏，用汉语谕江浙官吏，著为令。罢河南道宣慰司。谕平伐、木瓮眼等蛮酋归附。癸丑，立陈蒙、烂土军民安抚司。

二月甲子朔，金竹蛮来贡方物，减所部贡马，赐衣袄遣还。丁卯，败于近郊。己巳，改罪人勿鞭背。庚午，谕百眼、左阿、吉谷、各当、各迪等蛮酋归附。壬申，遣使分行诸路，释死罪以下囚。乙亥，复立福建行中书省，亦黑谜失，史弼、高兴并为福建行省平章政事，征爪哇。戊寅，立征行左右军都元帅府。加高丽王嗜太保。赐号推忠宣力定远功臣。诏诸王叛附合丹者纳答儿从镇南王，聂怯来从合刺合孙，阿秃从云南王，朵列秃从阿里，八里带从月的迷失自效。丁亥，乞台不花等使缅甸。

三月甲午，脱忽思等至合敦奴孙之地，与驸马阔里吉思议屯田。己亥，以讨女直纳里哥，立征东招讨司。丁未，桑哥党

纳速刺丁灭里、忻都、王巨济并伏诛。定赃罪十三等，枉法者五、不枉者七、罪人死者以闻。己酉，同知宣徽院事帖哥、通政院使刺真并为中书平章政事，兼领旧职。阿里为中书右丞，梁谙都剌为参知政事，麦术丁、何荣祖并参议中书省事。罢八番、罗甸宣慰司，改顺元等处宣慰司为八蕃、顺元等宣慰司，兼都元帅府。遥授安南国王陈益稷湖广行省平章政事，居鄂州。庚戌，车驾幸上都。赐蛮酋五十六人绫绢及鞍辔弓矢。

夏四月辛卯，立云南诸路庙学。

五月丁未。雪杨居宽、郭佑冤，给还家赀。

六月己巳，察昔折乙烈番酋率其部众来降。

闰月壬寅，罢福建岁造象齿繫带。回回人献大珠，却之。

辛亥，上思州蛮酋黄胜许作乱，行枢密副使刘田杰以兵讨之。高丽饥，来请粟，赐米十万石以赈之。戊寅，岑从毅降。乙卯，张立道以安南使者入觐，奉陈日烜表贡方物。

秋七月庚申朔，高丽国王进其世子源来贺圣诞。辛酉，移河北河南追廉访司于汴梁。壬申，建社稷坛。戊寅，黎兵百户邓志愿谋反，伏诛。

八月壬寅，括唐兀秃鲁花所部阔象赤及河西逃户。甲辰，车驾幸上都。丙午，开新河，自通州至大都，以郭守敬董其役。诏丞相以下皆操畚耜，听守敬指撝。壬子，都元帅塔剌赤、行枢密列使程鹏飞以兵讨黄胜许，胜许遁入安南。戊午，移燕南河北廉访司于真定。不敦、忙兀鲁迷失以兵征八百媳妇蛮。

九月辛酉，史部尚书梁曾、礼部郎中陈孚使安南，谕陈日烜入朝。丁丑，罢云南行御史台。丁亥，立乌斯藏纳里速古儿孙三路宣慰使司。

冬十月戊子朔，日本人至四明、求互市。丙申，四川行省以蛮酋向思聪等入觐。甲辰，信合纳帖音国遣使来朝。广东道

宣使进暹国所上金字表。乙卯，诸王明里帖木儿叛附海都。

十一月丙子，思州蛮酋杨秀朝等来贡方物。

十二月庚寅。改封皇孙梁王甘刺麻为晋王，镇北边。己酉，金齿蛮酋忽鲁马使其子阿鲁来贡方物。

三十年春正月壬戌，谕漆头、金齿蛮归附。乙丑，省内外官司二百五十五，汰冗官六百六十九员。庚午，验洞蛮酋杨总国等来朝。乙亥，谥皇太子真金曰明孝太子。丙子，西香一甸酉来朝。是后，前右丞相安童卒。

二月己丑，高丽王王曙奏易名曰昪。丙申，江淮行枢密院不怜吉歹进鹰，却之。敕军官勿从禽扰民。丁酉，回鹘人献答纳珠，直钞数万锭，帝曰：“珠何有，宜留吾钞以周贫者。”却之。丁未，车驾幸上都。辛亥，敕巩昌便宜总帅汪惟和以兵讨土番，行枢密院明安答儿以兵讨西番。复立云南行御史台。

三月庚申，同知枢密院事札散知枢密院事。己巳，复立行大司农司。

夏四月己亥，移江商行大司农司于扬州。甲寅。授光州，邦厓、金竹府，大龙番、师壁散毛洞诸酋军民长官。赐以玺书。

五月壬戌，定云洞蛮酋来降。以江南民怨杨璉真珈，罢其子江浙行省左丞暗普。

六月丙戌。选河西质子军从皇孙阿南达讨西番。乙巳，授皇孙帖木儿皇太子宝，抚军北边。

秋七月，免福建贡沙鱼皮及泉州织作纁丝。壬申，月失察儿知枢密院事。丁丑，新河成，赐名通惠河。庚寅，梁曾、陈孚以安南使者陶子奇、梁文藻入觐。

九月癸丑朔，车驾至自上都。

冬十月癸未朔，祔明孝太子太庙。安置陶子奇等江陵，赐以冬衣。己丑，兵部侍郎秃鲁秃花等使阁蓝、可儿纳答、信

合纳帖音三国。庚寅，有事于太庙。慧星见。甲辰，大赦天下。

十一月丁巳，立海北海南道肃政廉访司。己卯，河南行省平章政事伯颜为中书平章政事，位帖哥、刺真、不忽木上。

十二月壬辰。中书左丞马绍以病免，詹事丞张九思为中书左丞。庚子，亦里迷失、史弼坐纵爪哇酋，师还，各杖七十。没家资三之一。辛丑，高丽国王王暉及信国公主来朝。

三十一年春正月壬子朔，帝不豫，免朝贺。癸亥，知枢密院事伯颜至自北边。庚午，帝大渐。癸酉，崩于紫檀殿。在位三十五年。年八十。乙亥，葬起辇谷。

夏五月戊午，上尊谥曰圣德神功文武皇帝，庙号世祖，国语曰薛禅皇帝。

史臣曰：“庙太宗承隋季之乱，魏徵劝以行王道、敦教化。封德彝驳之曰：‘书生不知时务，听其虚论，必误国家。’太宗黜德彝而用徵，卒致贞观之治。蒙古之兴，无异于匈奴、突厥。至世祖独崇儒向学，召姚枢、许衡、窦默等敷陈仁义道德之说，岂非所谓书生之虚论者哉？然践阼之后，混壹南北，纪纲法度灿然明备，致治之隆，庶几贞观。由此言之，时儿今古，治无夷夏，未有舍先王之道，而能保世长民者也。至于日本之役，弃师十万犹图再举；阿合马已败，复用桑哥；以世祖之仁明，而吝于改过。如此，不能不为之叹息焉。”

卷十三 本纪第十三

成宗上

成宗钦明广孝皇帝，讳铁木耳，是孝太子真金第三子也。母为太子元妃宏吉剌氏。至元二年九月庚子生。二十五年。诸王哈丹等叛，世祖遣帝率诸将讨平之。命帝抚军北边。三十年六月乙巳，受皇太子宝。

三十一年春正月癸酉，世祖崩，诸王大臣遣使赴于北边。

夏四月壬午，帝至上都。先是，御史中丞崔 得传国玉玺上之。元妃遣中书右丞张九思赍至上都授于帝。晋王甘剌麻率诸王劝进。甲午。即皇帝位于上都之大安阁。知枢密院事伯颜宜扬顾命诏曰：朕惟太祖圣武皇帝受天明命，肇造区夏，圣圣相承，光昭兹绪。迨我先皇帝体元居正以来，然后典章文物大备。临御三十五年，薄海内外，罔不臣属。宏规远略，厚泽深仁，有以衍皇元万世无弘之祚。

我昭考早正储位，德盛功隆。天不假年，四海缺望。顾唯眇质，仰荷先皇帝殊眷。亲授皇太子宝，副以抚军之任。今春宫车远驭，奄弃臣民，乃有宗藩昆弟之贤，戚畹官僚之旧，谓祖训不可以违，神器不可以旷，合词推戴，诚切意坚。朕勉徇所请，于四月十四日即皇帝位。

可大赦天下。除杀祖父母、父母，妻妾杀夫，奴杀主，不赦外，其余一切罪犯，咸赦除之。议行贡举法，无学田处量拔

闲田以贍生徒。劝课农桑，件罢一切不急之役。军官奥鲁官抚养军人，不得妄行科配，阵亡及病死者依例优恤。江淮以南夏税特史一年，已纳者准充来年数目。各处酒税等课，定额三十分取一，若额外办出增余，额自作额，增自作增。禁诸人扑买。名山大川、圣帝明王、贤臣烈士载于祀典者，除常礼外，择日遣官致接。其不尽事件，仰中书省续议奏闻。

是日，追尊皇考明孝太子曰皇帝，尊太子元妃曰皇太后。庚子，忽笃海、明哥颁即位诏于高丽，李衍、萧泰登颁即位诏呈安南。丁未，湖广盗起，刘国杰等以兵讨之。己酉，金齿蛮西阿鲁为孟定路总管，赐虎符。

五月戊午，上大行皇帝尊谥曰圣德神功文武后皇帝，庙号世祖，皇后尊谥曰睿顺圣皇后，皇考尊谥曰文惠明孝皇帝，庙号裕宗。庚申，云南蛮酋适习、四川散毛涡蛮酋覃顺等来献方物。壬申，议增官吏俸。乙亥，札珊知枢密院事。戊寅，封皇姑高丽王妃为安平公主。加御史大夫月鲁吕太师，知枢密院事伯颜太傅，月赤察儿太保。赐月鲁吕上方玉带宝服，还镇北边。

六月庚辰朔，日有食之。壬辰，帖木儿复为中书平章政事。乙未，以上世祖、裕宗尊谥，诏天下，免本年包银、俸钞及中原地税、江淮以南夏税之半。辛丑，赐宋使签书枢密院事家铉翁号处士，放还田里。癸卯，封驸马阔里吉思为高唐王。甲辰，修《世祖实录》。

秋七月壬子，诏御史大夫月鲁吕振台纲。壬戌，诏曰：

孔子之道，垂宪万世。有国家者，所当崇奉。诸路应设庙学、书院，禁官民亵渎。学田勿得侵夺。作养后进，严加训诲。若文行可观者，有司保举，肃政廉访司体覆，以备擢用。

癸亥，省肇州宣慰司入辽东道。癸酉，陕西行省平章政事不忽木为中书平章政事。甲戌，诏谕暹国王敢木丁来朝。

八月戊子，初祀社稷，用堂上乐。己丑，大都留守段贞、平章政事范文虎监浚通惠河。

九月壬子，驻蹕三部落，受诸王百官贺圣诞。辛未，秃古帖木耳使阁蓝国。

冬十月戊寅，车驾至自上都。乙未，金齿孟爱甸蛮酋遣其子来朝，立孟爱甸军民总管府。壬寅，缅甸来贡驯象。乙巳，遣南巫里、速木答刺等国使者还，赐三珠虎符及金币有差。

十一月丁未朔，朝皇太后于隆福宫。上玉册、玉宝。壬子，罢湖广、江西行枢密院。丁巳，伯颜察儿参议中书省书，其兄平章政事伯颜奏曰：“兄弟宜相嫌避。”辞职。帝曰：“兄平章于上，弟参议于下，何所嫌耶？”不允。甲子，湖南道宣慰使何玮为中书参知政事。癸酉诏改明年为元贞元年。

十二月庚子，孛罗曷答儿椅禁卫兵戍和林。从帝师请，释京师死囚三十人、杖以下百人。曲靖、澄江等路蛮酋来献方物。太傅、知枢密院事伯颜卒。

元贞元年春正月戊申，诸王阿失罕来朝。癸丑，太仆卿只而合朗为御史大夫。癸亥，云南行省左丞杨炎龙为中书左丞。庚午，江浙行省平章政事阿老瓦丁为中书参知政事。壬申，立北庭都元帅府。中书平章政事合伯为都元帅，江浙行省右丞撒里蛮副之，皆佩虎符。立曲先塔林都元帅府，岷都察为都元帅，佩虎符。甲戌，有飞书告朱清、张珪谋反，诏慰勉之。乙亥，封皇姑囊家真公主为鲁国大长公主，驸马蛮子台为济宁王。

二月丁丑，合伯、撒里蛮、孛来将探马赤军万人戍北边。壬午，罢江南茶税。戊子，思州蛮酋田哈刺不花等来朝。缅甸阿剌札高微班的来献舍利。丁酉，车驾幸上都。癸卯，工部尚书吕天麟为中书参知政事。罢河西军，听各还所居。

三月己巳朔，安南国世子陈日烜遣使来慰国哀，并谢罪。

丙辰，金齿蛮酋来朝。

夏四月辛巳，妖人蒙虫僭似乘舆，伏诛。癸巳，牙那木假兵部尚书，佩虎符，使马答儿的音国。敕官吏不得拉离职任。

闰月甲寅，立梭厘招讨使司，塔儿忽带为招讨使，佩虎符。壬戌，塔即古阿散坐不法伏诛。戊辰。遣爱牙赤核实高丽储粮，是月，兰州上下三百余里河清三日。

五月戊寅，命麦术丁、何荣祖厘正选法。己卯，流别阁于江西，从月的迷失讨贼自效，辛巳，罢行大司农司。平章政事麦术丁加平章军国重事。中书丞、商议中书省事何荣祖罢为昭文馆大学士。与中书省事。丙申，前太傅伯颜子买的为金书枢密院事。

六月甲寅，翰林学士承旨董文用等进《世祖实录》。乙卯，省左右两江宣司都元帅府、宣抚司为广西两江道宣慰司都元帅府。敕上封事者，命中书省检视再闻奏。癸亥，立蒙古都元帅府于西川。阿拉帖木儿、岳乐罕并为都元帅，佩虎符。

秋七月己卯，诏诸路有儒知吏事、吏通经术者，廉访使岁贡二人，委省台官考试，中程者用之，所举非人，罪坐选举官。壬午，立肇州屯田万户府，以辽阳行省左丞阿散领之。戊戌，管军万户朱永福、边珍裕坐妖言惑从伏诛。

八月辛酉，缅甸进驯象。己巳，驸马阿海知枢密院事。

九月甲戌，帝至自上都。乙亥，从帝师请，释死罪三人、杖以下四十七人。己卯，罢四川淘金户。还其原籍，追论建言者之罪。庚辰，罢宁夏路行中书省。丁亥，爪哇国来贡方物。

冬十月癸卯，有事于大庙。帝曰：“亲享之礼，祖宗未行，今玉册、玉宝成，朕其躬莅之。”癸丑，平章军国重事答失蛮以兵讨西北叛王。戊辰，遣安南贡使还，仍诏谕陈曰烜来朝。

十一月丙戌，毡阳佐、法儿刺、阿鲁等国，各遣使奉金字表来朝。戊戌，诏江浙行省括隐漏官田及检劾避役户。是月，

戒饬御史台、廉访司，凡纠察官吏不公，及不知百姓疾苦者，罪之。敕各投下及影占户计者，均当杂泛差徭。

十二月甲子，徙缙山乞里乞思等部众于山东。

二年春正月丙子，蠲两都站户和雇、和市。己丑，御史中丞秃赤为御史大夫。乙未，禁诸王、公主、驸马擅罪官吏。

二月丙午，禁军官擅以家奴代役。括蒙古渐丁充行伍。庚戌，诏军人擅更代，及逃归者死。庚申，自六盘山至黄河置屯田。丙寅，大都留守司达鲁花赤段贞为中书平章政事。

三月壬申，中书平章政事不忽木罢为昭文馆大学士、平章军国事。癸酉，忻都劾晋王甘剌麻，朵罗台劾太师月鲁吕，皆有异志。诏枢密院鞠之，事不实。忻都论死，朵罗台谪从军自效。丙子，车驾幸上都。

夏四月己亥朔，命撒的迷失招集忙古歹部流民。

五月戊辰朔，免两都徭役。甲戌，诏蒙古马牛羊百取一，羊不满百者亦承之，色目人羊满百，乃取其一，著为令。庚辰，土番寇阶州，诸王帖木儿不花、只列等以兵讨之。庚寅，罢四川马湖进独本葱。是月，野蚕成茧。

六月丙午，上思州叛蛮黄胜许遁入安南。

秋七月庚午，肇州万户府置屯田。壬午，括伯颜、阿术、阿里海牙等占江南民田，及权市隐匿者，令输租增江西、河南行省参知政事各一员，朱清为河南行省参知政事，张珪为江西行省参知政事。授高丽世子王禕为仪同三司，领都金议司事。丙戌，岳乐也奴等使马八儿国。己丑，广西贼陈飞等寇昭、梧、藤、容等州，湖广行省左丞八都马辛讨平之。

八月丁酉朔，禁舶商以金银渡海。

九月辛未，车驾幸安同泊，受诸王、百官贺圣诞。戊寅，临安路舍资蛮叛。梁王松山讨降之。甲申，也先不花讨乞蓝蛮，

其别部酋符刺率诸蛮降，以其地为云远路军民总管府。是月，河决杞、封邱、祥符、宁陵、襄邑五县。

冬十月丁酉，有事于太庙。壬子，车驾至自上都。钹州喊刘六十作乱，江西行省左丞重土选讨平之。

十一月丁卯，答马刺国来进驯象。己巳，兀都带等所译太宗、宪宗、世祖《实录》，帝曰：“忽都鲁迷失非昭睿顺圣皇后所生，何为称公主？顺圣太后崩时，裕宗已还自军中，所纪日月先后差错。又别马思丹炮手亦思马音及泉府司皆小事，不足书也。”辛未，遣枢密院官整饬江南镇戍诸军，列将校勤惰以闻。壬辰，缅王遣其子僧伽巴叔撒邦巴来贡方物。

十二月戊戌，立彻里军民总管府。癸亥，释大都狱囚百人。金齿、罗斛蛮酋来朝。

大德元年春正月辛未，诸王亦怜真来朝，卒于道，赐币、帛五百匹。己丑，分和林汉军屯田于五条河。辛卯，张斯立为中书参知政事。

二月丙申，蒙阳甸蛮酋缅吉遣其弟阿不刺等来献方物，以其地立通西军民总管府。戊午，罗罗斯蛮酋来朝。己未，改福建行省为福建平海等处行中书省，徙治泉州。封的立普哇拿阿迪提牙为缅国王。庚申，行徵政院副使王庆端为中书右丞。改元贞三年为大德元年，赦天下，免上都、隆兴差税三年，诏曰：朕荷天地之洪禧，承祖宗之丕祚，仰进成宪，庶务和平。比者，药木忽儿、兀鲁速不花、朵儿朵怀等去逆效顺，率众来附。毕会宗亲，释其罪戾。适星芒之垂象，岂天意之徼予。宜推一视之仁，诞布更新之化。可改元贞三年为大德元年。

于戏！侧身修行，咸摅奉若之诚，革故鼎新，幸底雍熙之治。咨尔臣庶，体予至怀。

是月，敕自正月一日至七月二十日，禁捕打禽兽，著为令。

三月庚午，陕西行省平章政事也先帖木儿为中书平章政事，中书左丞梁德郭为中书右丞。癸酉，畋于柳林。甲戌，酉番寇阶州，陕西行省平章政事脱列伯讨平之。丙子，车驾幸上都。丁丑，封诸王帖木儿不花为镇西武靖王，江西行省左丞八都马辛为中书左丞。庚辰，札忽鲁赤脱而速坐受贿，为奴所告，毒杀其奴，论死。庚交，立江淮等处财赋总管府。

夏四月安巳朔，日有食之。壬寅，赐暹国及罗斛蛮来朝者，衣帛有差。诏佐恤江南茶户。

五月丙甫，河决开封。戊辰，安南国遣使来朝。庚寅，平伐蛮酋来降，乞隶于亦奚不薛，从之。上思州叛蛮黄胜许进其子来降。

六月甲午。湖广行省参知政事崔良知廉贫，赐盐课钞千錠旌之。戊戌，平伐九寨蛮来降。甲寅，罢亦奚不薛岁贡马及毡衣。是月，和州历阳县江涨，漂没民居一万八千余家。诏江浙、湖广、江西秋粮折轻赏钞。

秋七月辛未，省蒙古军万户府入曲先塔林都元帅府。丁亥，河决杞县蒲口。衡州路酃县大水山崩。

八月丁巳，妖星出于奎。

九月甲子，八百媳妇蛮寇彻里，也先不花以兵讨之。丙寅，罢括两淮民田。壬午，车驾至自上都。己丑，罢南丹州安抚司，立庆远南丹溪洞等处军民安抚司。平珠六洞蛮及十部蛮皆来降。

冬十月丁酉，有事于太庙。辛丑，温州妖人陈空崖伪称罗平国正治元年，伏诛。乙卯，爪哇国遣使奉表来降。

十一月癸亥，高丽国王王晔告老，乞以爵传其子諱。丁丑，以諱为征东行中书省左丞相、高丽国王，仍封晔逸寿王，赐号推忠宣力定远保节功臣。

十二月戊戌，禁诸王、驸马夺民田，其献田者罪之。壬贯，朝洞蛮来降。丁未，旌表烈妇漳州万户府知事阚文兴妻王氏。

闰月甲子，福建行省平章政事高兴奏，漳浦县产水晶，乞采之。帝曰：“不劳民，则可；劳民勿取。”己卯，播州宣抚使杨汉英请讨平伐叛蛮，命湖广行省平章政事哈剌哈孙从宜收抚。

二年癸丑正月壬辰，以水旱。免郡县田粮十之三，灾甚者尽免之。老病单弱免差税三年。己酉，释流求俘归。谕其国王效顺。省土番碉门安抚司、运司、立碉门、鱼通、黎、雅、长河西、宁远安抚司。

二月壬戌，徙重庆宣慰司都元帅府于成都。立福建军民宣慰司都元帅府。乙丑，中书右丞张九思为平章政事，与中书省事，己巳，改于汴州。丙子，罢中外土木之役。乙酉，车驾幸上都。诏民播种。怠惰及有司劝课不至者，各过廉访司治之。丙戌，梁德珪为中书平章政事。

三月戊子，诏僧人犯罪，听有司专决，轻者与僧官约断，不至者罪之。壬子，封东镇沂山为元德东安王，南镇会稽山为昭德顺应王，西镇吴山为成德永靖王，北镇医巫闾山为贞德广宁王，与岳渎同祀，著为令。

夏四月庚申。也速带儿擅调甘州戍军。遣伯颜等讨之。

五月辛卯。罢海南黎兵万户府及屯田万户府。壬辰，昭文馆大学士何荣祖加平章政事，与中书省事。中书左丞八都马辛为中书右丞。己酉，耽罗国来贡方物。

六月庚申，罢江南门摊，复行两税法。

秋七月癸巳，河复决蒲口，遣尚书阿海、御史刘赓等塞之。壬寅，诏高丽国王王禕入侍，复以其父暉为国王。

九月己丑，车驾幸阻奶之地，受诸王、百官贺圣诞。安南、爪哇及金齿蛮各来贡方物。丙申，帝至自上都。癸卯，命御史台鞠枢密副使塔剌忽带赃罪。庚戌，汰中外冗员。

冬十月壬戌，立蒙古万户府于凤翔路。

十一月庚寅，安南国来贡方物。丙申，罢云南行御史台，置肃政廉访司。壬寅，中书右丞王庆瑞为中书平章政事。

十二月庚午，湖广行省平章政事哈剌合孙为江浙行省左丞相。甲戌，彗星见。

卷十四本纪第十四

成宗下

三年春正月癸未朔，暹国、罗斛国及没刺由诸番来贡方物。赐暹世子虎符。庚寅，遣使问民疾苦。除本年内郡包银、俸钞。免江南夏税十之三。增小吏俸。置各路惠民局。封药木忽儿为定远王。辛卯，命御史台鞠浙西廉访使王遇赃罪。壬辰，杖流商丽藩臣赵仁规于安西，崔冲绍于巩昌。工部尚书也先帖木儿、翰林待制货汝舟赍诏谕商丽王王旺，自今命官有罪，毋辄行杀戮。癸巳，哈刺哈孙为中央左丞相。是月，诏中外军官奥鲁官抚养军人，不得妄有科配。置各路管民官。招诱新附军人逃窜者，限百日内出首免罪。

二月癸丑朔，车驾幸柳林。丁巳，罢四川、福建等处行中书省，陕西行御史台，江东、荆南、淮西三道宣慰司，立四川、福建宣慰司都元帅府，陕西汉中追肃政廉访司。壬申，加号解州盐池神惠康王曰广济，资宝王曰永泽，泉州海神曰护国民明著天妃，盐官州海神曰灵感宏祐公，吴大夫伍员曰忠孝威惠显圣王。金齿蛮来贡方物。庚辰，车驾幸上都。

三月癸巳，缅甸世子信合八的奉表来谢，赐衣遣之。补陀僧一山赍诏使日本，谕以通好息民之蠹。日本人不报。甲午，命何荣祖等更定律令。

夏四月庚午，申严江浙、两淮私盐之禁。己卯，礼部尚书

月古不花为中书左丞。

五月丙申，海南速古台诸番来贡方物。庚子，复立征东行中书省，阔里吉思为平章政事，耶律希逸为左丞。

六月癸丑，罢大名路黄河故追田租。

秋七月丙申，淮安等县蝗，在地者为鹞啄食，飞者鹞击杀之。诏禁辅鹞，著为令。

八月己酉朔，日应食，不食。

九月癸未，车驾幸古柵，受诸王、百官贺圣诞。癸巳，罢括江南手号军。己亥，车驾至自上都。

冬十月戊申朔，有事于太庙。壬子，册立伯牙吾氏为皇后。甲寅，复立海北海南道肃政廉访司。

十一月戊子，释罪囚二十人。

十二月癸酉，禁辄天鹅、此鸟老鸟。

四年春正月辛丑，诏蒙古都元帅也速带儿勿擅决重刑。癸卯，复淮东漕渠。

二月丁未朔，日有食之。丙辰，皇太后崩。甲戌，罢称海屯田，改置于阿札之地。乙亥，车驾幸上都。置西京太和岭屯田。丙子，命李庭提调诸卫屯田。

夏四月丙辰，置五条河屯阳。丁巳。缅甸遣使进白象。戊午，中书省断事官不兰奚为中书平章政事。

五月癸未，谕集贤大学士阿鲁浑撒里等曰：“集贤、翰林乃养老之地，自今满秩者迁官，勿令辄去。”

六月己酉，立缅甸王子窟麻剌哥撒八为缅甸国王。壬子，高丽国王王晁来朝。丙辰，太傅月赤察儿为太师，中书右丞相完泽为太傅。丁巳，御史中丞不忽木卒，贫无以葬。赐银五百锭。甲子，立耽罗总管府。暹、爪哇、吊吉而、蘸八等国遣使来朝。

秋七月甲戌朔，上皇太后尊谥曰徽仁裕圣皇后。乙酉，缅

国阿散可也遣其弟者苏等九十一人来贡方物。诏者苏赴上都，余留安庆。

八月癸卯朔，阿鲁浑萨里为中书平章政事。

闰月庚子，车驾至自上都，中书右丞驾仁杰为平章政事。

九月甲子，改中御府为中政院。

冬十月癸酉朔。有事于太庙。

十一月壬寅朔，诏免两都、隆兴路大德五年丝银、税粮，附近养驼马诸郡免税粮十之三，其余免十之二，徒罪减半，杖以下释之。江北荒用，耕种者收税展限一年，著为令。敕中书省定盐法条画。

十二月癸巳，刘深、合剌带等将兵三万讨八百媳妇蛮。

五年春正月壬子，罢檀、景两川探金铁冶捉举司。

二月己卯，刘深、合剌带并为湖广行省中书右丞，郑为参知政事，皆佩虎符。丁亥，立征八百媳妇二万户符。丁酉，车驾幸上都。敕云南行省汰冗官千五百一十四员。己亥，永宁路阿永蛮酋雄挫来朝。赐币帛有差。

三月戊进午，马来忽等国过使来朝。己巳，戒飭中外官吏。己未。也速忽都为湖广行省参知政事，与刘国杰等讨四川叛蛮。是月，征东行省平章政事阔里吉思以不能和辑高丽，召还。薛超兀儿、忙兀都鲁迷失等自缅甸阿占城班师。

夏四月壬午，调云南军讨八百媳妇。癸巳，宣慰使塔察儿、刑部尚书王为亨使高丽，诏谕高丽王曰：向以尔国自作不靖，遣平章政事阔里吉思等与王镇抚之，非欲久任于彼。今已召远。然闻尔国越礼滥罚、官冗民弊。王其勉思累朝覆育之恩，以本国生灵为念。威福予夺，当自己出。事体有未便，民情有未安者，其审图之。

五月辛亥，怯烈亦带脱脱以兵讨土番。丙辰，曲靖等路宣

慰使忽林失入覲。壬戌，雍真葛蛮宋隆济叛。

六月丙戌，朱隆济陷杨黄寨，雍真总管府连鲁花赤也里干遁。己丑，缅甸遣使贡驯象九。壬辰，宋隆济寇贵州，知州张怀德战败，死之。

秋七月丁未，命御史大夫秃忽赤整饬台纲。军官受赃者，与民官同例，量罪殿黜。戊申，立耽罢军民万户府，癸亥，叛王哈丹孙脱欢来降，暗伯、阿忽台并知枢密院事。河南妖人段丑厮等诈称神异诳众，伏诛。

八月甲戌，云南行省平章政事薛超兀儿等以兵讨金齿蛮。水西土官妻蛇节叛应宋隆济。

九月庚辰，彗星出东井。征缅甸万户曳刺福山等进驯象六。河南行省平章政事二哥等赴云南讯诸王阔阔，平章政事薛超兀儿、忙兀都各迷失，左丞刘得禄，参知政事高阿康受贿旋师之罪。

冬十月丙寅朔，以畿内饥。增明年海运粮为百二十万石。己巳，缅甸遣使来贡方物，戊寅，云南武定路蛮酋群则来贡方物。壬午，车驾至自上都。丙戌，以岁饥禁酿酒。弛山泽之禁。

十一月丁未，刘国杰、也先忽都将万人，八刺、阿塔赤将五千人，讨宋国济、蛇节、罗儿酋阿女等。戊申，徭人蓝赖率丹阳三十六洞来降。

十二月甲戌，定强窃盗条格。

六年春正月乙巳，晋王甘刺麻卒。丁未，命江浙行省平章政事阿里专领江浙财赋。庚戌，江南僧石祖进告朱清、张瑄不法十事，命御史台鞠之。帝问台臣曰：“朕闻江南富民侵占民田，致贫者流高转徙，卿等闻之否？”对曰：“富民乞护持玺书，依倚以欺贫民，官府不能诘治，宜悉追之。”帝即命行之，毋越三日。己未，诸王真童坐诬告济南王也里只，谪刘国杰军中自效。

二月庚午，谪诸王李罗于四川从军自效。丙戌，陕西行省

平章政事也速带而、参知政事汪维勤，湖广行省平章政事刘国杰同讨亦奚不薛，一切听也速带而、刘国杰节制。罢讨八百媳妇，免右丞刘深等官。癸巳，帝不豫，释京师重囚三十八人。是月，遣乾讨虏军征亦奚不薛，依例给军械粮饷。

三月丁酉，以水旱灾，大赦天下。甲寅，合祭昊天上帝、皇地祇于南郊，中书左丞相哈刺哈孙摄祭事事。

夏四月丁卯，曲赦云南诸部蛮吏。释大都轻重囚三十八人。庚辰，上都大水。戊子，车驾幸上都。

五月戊申，太庙寝殿灾。

六月癸亥朔，日有食之，太史院失于推验，诏中书省议罪以闻。甲子，建孔子庙于京师。辛未，有事于太庙。乙亥，安南国遣使贡方物及驯象二。

秋七月辛酉，江浙行省参知政事忽都不丁为中书右丞。

九月己酉，龙兴路讹言括民间童男女，至有杀其子者，命诛为首者三人。

冬十月甲子，改浙东宣慰司为宣慰司都元帅府，徙治庆元。罢军储所，立屯储军民总管万户府。浙西人林都邻告廉访使张珪藏禁书及推算帝五行，运使合只亦劾珪沮挠盐法，敕台省官同鞠之。丙子，车驾至自上都。

十一月甲午，刘国杰裨将宋光与蛇节等战，大败之。辛亥，同知枢密院事合答知枢密院事。

十二月庚申朔，云南地震。戊辰，又震。甲子，衡州贼袁舜一等伏诛。高丽国王王晔来朝。

七年春正月乙卯，籍朱清，张珪家资。戊午，定民官阵亡子孙，降祖父秩二等荫叙格。

二月壬戌，诏中书省汰诸司冗员。辛未，平章政事、行上都留守木八刺沙，陕西行省平章政事阿老瓦丁并为中书平章政

事；江南行台御史中丞尚文为中书左丞；江浙行省参知政事董士珍为中书参知政事。丁丑，定中书省自左、右丞相以下，平章政事二员，左、右丞各一员，参知政事二员，为八府。己卯，侍御史朵台为中书参知政事。庚辰，监察御史杜肯构等劾太傅完泽受朱清、张珪贿，不报。壬午，谕中书省曰：“比有以岁课增羨希求爵赏者，此非掊克于民，何从而出？自今除元额外，勿以增羨为正数。”江南财赋总筹府及都水庸田司、行通政院。

三月庚寅，遣郝天挺、塔出等十四人宣抚循行诸道，仍下诏戒饬之。都城火。徙甘肃肃政廉访司治甘州。乙未，中书平章政事伯颜、梁德珪、段贞、阿里浑萨里，右丞八都马辛，左丞月古不花，参知政事迷而火者、张斯立并坐受朱清、张珪贿免官，洪君祥为中书右丞。甲辰，诏曰：

庆赏刑罚，国之大柄，二者不可偏废。朕自即位以来，恪尊圣祖成宪，优遇臣下。品爵以荣其身，禄赐以厚其家。期于履正奉公，有裨国政，百姓又安，以称朕怀，不务出此。若平章伯颜、暗都刺，右丞八都马辛等，营弘网贿，蒙蔽上下，以致政失其平，民受其弊。今已籍没家资，投戍边远，明正其罪。用是更张，以清庶务。遣使巡行郡邑，问民疾苦，分别淑慝。以近年所定赃罪条例，互有轻重，特敕中书集议，酌古准今为十二章。又以官吏俸薄，不能养廉，京朝百司，月俸之外，增给禄米；外任官无公田，官标拨公田，无田则量支禄米。自今已始，凡在内外有官守者，洗心涤虑，公勤奉职，治民均平，无俾吾民重困，式符委任责成之意。

乙巳，杀前云南行省右丞刘深。罢云南征缅分省。戊申，卜兰奚、岳铉等进《大一统志》，赐赉有差。己酉，诸王脱欢坐诬告诸王脱脱，谪湖广军前自效。甲寅，车驾幸上都。

夏四月癸亥，征陈天祥、张孔孙、郭筠至京师，天祥、孔

孙为集贤大学士，筠为昭文馆大学士，皆商议中书省事。庚辰，蛇节降。丁亥，蛇节伏诛。禁管民官打量军人地亩。

五月丁未，诸王床兀儿入觐。乙卯，立和林宣司都元帅府，忽刺出遥授中书左丞，为宣慰使都元帅。

闰月戊午朔。日有食之。壬戌，禁军民犯曲阜林庙。己巳。征诸王孛罗、真童入觐。右丞相完泽卒。庚辰，云南行省平章也速带而入觐，献金五百两。帝曰：“此卿等效死所获者。”赐钞偿之。

六月癸巳，叛蛮雄挫降。乙未，命可伯、阿忽台等整饬河西军事。

秋七月丙寅，哈刺哈孙为中书右丞相、知枢密院事。丙子，敕集贤、翰林院老臣预议朝政，其余三品以下年七十者，皆升散官一等致仕。罢辽东宣慰司。丁丑，叛王笃哇、察八而、来里帖木儿等皆请降，诏安西王置駟传以俟其来。戊寅，叛蛮麻剌降，献童男女二百人，金五百两，及马牛羊，却之。是月。断事官帖木儿不花等使高丽，执其蕃臣石冑及冑子天补赴京师。

八月辛卯，地震，平阳、太原尤甚。庚戌，缅甸献驯象四。

九月戊午，车驾至自上都。兵部尚书脱脱帖木儿使高丽，执其国相吴析赴京师。是月，高丽国王王晁入朝，诏止之。

冬十月辛卯，复立陕西行御史台。刑部尚书塔察儿、翰林直学士王约使高丽。癸巳，只而合忽知枢密院事。庚子，改普定府为普定路，以蛮酋容苴妻适姑为总管，佩虎符。改叙州路为叙南等处诸部蛮夷宣抚司。庚戌，翰林国史院进太祖、太宗、定宗、睿宗、宪宗五朝《实录》。

十一月甲寅，并海道运粮万户府为海道都漕运万户府。亦乞不薛贼党魏杰等降十二月甲申朔，诏内郡岁比不登，其民已免差徭者，并免其田租。乙酉，弛京师酒课。辛丑，免顺元等

路本年逋税。丁未，以转运劳，免思、播二州，辰、沅等路税粮一年，常、澧三分之一，淘金站户无种佃者免其杂役。

是年，诸道奉使宣抚，罢赃吏一万八千四百七十三人，征赃四万五千人百六十五锭，审冤狱五千一百七十六事。

八年春正月甲寅，彗星出于奎。己未，以灾异迭见，诏恤民隐，省刑罚。除色目人外，原为僧道者，若平户丁多差役不缺，及有昆仲侍养父母者，方许簪剃。凡妄献田土、山场、窑冶、希图微名贪利者，悉禁之。平阳、太原两路免差税三年，上都、隆兴、延安、大同、怀孟、卫辉、彰德、真定、河南、安西等路免二年，保定、河间两路免一年。江南佃户私租太重，以十分为率，减二分，著为令。仍弛山场、河泊之禁。其田宅之讼，除契约分明，依例赐给外，其余尽行革拨诸路。罪囚廉访司分别审录，轻者决之，有疑者分具始事，申台详谳。庚申，云南顺元同知宜抚事宋阿重执其叔父隆济来献。癸亥，禁锢朱清、张瑄族属。丙寅，御史中丞、太仆卿塔思不花为中书右丞，江南行台御史中丞赵仁荣为中书参知政事。是月，平阳地震。

二月甲午，徙建康追廉访司治宁国。甲辰，翰林学士承旨撒里蛮进金书《世祖实录节文》一册，汉文《宝录》八十册。丙午，车驾幸上都。

三月戊辰，中书左丞尚文乞致仕，不允。诏受宣敕不赴任者，永不叙用。

夏四月丁未，分教国子生于上都。丙寅，禁纳鹰鹞人滥给铺马。

五月癸未朔，日有食之。壬申，罢福建都转运盐使司。是月，霖雨，河决祥符、太康、获嘉、阳武等县。

六月丁酉，汝宁县妖人李曹驴等妄言得天书惑众，伏诛。

秋七月辛酉，罢江淮等处财赋总管。癸亥，诸王合赞遣使

入贡。

八月，抗州火。

九月癸丑，车驾至自上都。庚申，伯颜、梁德珪复为中书平章政事，八都马辛为中书右丞，迷而火者为中书参各政事，江浙行省平章阿里为中书平章政事。庚午，户部尚书张 为中书参知政事。癸酉，叛王察八而、朵瓦等来降。

冬十月辛卯，有事于太庙。辛巳，宣徽使、大都护长寿为中书右丞，陕西行省右丞脱欢为中书参知政事。丁亥，安南国遣使入贡。庚寅，封皇侄海山为怀宁王。戊戌，杖流吴祈、石天补等于安西。

十一月壬子，制用院使忽邻、翰林直学士林元抚慰高丽。戊辰，武备卿铁古迭而为御史大夫。

十二月辛丑，封诸王出伯为威武西宁王。

九年春正月壬申，弛京师酒禁。

二月丁酉，封诸王完泽为卫安王，定远王岳木忽而为威定王。辛丑，大赦天下。诏御史台、翰林院、国史院、集贤院、六部举五品以上廉能识治体者三人，行省、行台、各路宣慰司举五人。大都、上都、隆兴三路免本年差发、税粮，腹里各路免包银俸钞，江南佃种官田免租税三分，前年拖欠差税课程并行蠲免。敕有司非急之务，毋生事烦扰，小罪即与疏决，勿禁系。鳏寡孤独常年养济外，每人赐中钞十两，官司常加存问，年八十以上存侍丁一名，九十以上存一名，免其差役。流民不能复业者，官司常加优恤，愿种官田者，免差税五年。是月，忽邻卒于高丽。

三月丁未朔，车驾幸上都。戊午，枢密副使高兴为中书平亡政事，仍枢密院副使。

夏四月乙酉，大同路地震，壤庐舍无算，压死二千余人。

怀仁县地裂，涌黑水。己丑，东川路蛮酋阿葵来献方物。

五月戊申，征陕西儒提举萧鄴、赴阙，命有司给以安车。戊午，改各道肃政廉访司为详刑观察司。以地震，改平阳为晋宁路，太原为冀宁路。

六月丙子朔，以立皇太子。遣中书右丞相哈刺哈孙告昊天上帝，御史铁古迭而告太庙。庚辰，立皇子德寿为太子。赐高年帛有差。孝子、顺孙量材任用。亲年七十别无侍丁者，从近迁除。外任五品官以下，并减一资致仕。官止一子承荫者，免掣使。家贫给终身半俸，其精力未衰者录用之。罪囚五年以上，除恶逆外，疑不能决者释之。流入量移内地。

秋七月辛亥，始立郊坛。丁卯，大司徒段贞、中书右丞八都马辛并为中书平章政事，参知政事合剌蛮子为右丞，参知政事迷而火者为中书左丞，参议中书省事也先伯忽为参知政事。

八月丁丑，给曲阜庙洒扫户。以尚珍署出五千顷供祭祀。是月，归钵、陈州河决。

九月戊申，帝御寿宁宫，受诸王、百官贺圣诞。庚申，车驾至自上都。

冬十月辛巳，有事于太庙。庚寅，驸马按替不花自笃哇来归。乙未，谕中书省、枢密院、御史台曰：“省中事听右丞相哈刺哈孙总裁，自后用人，非与哈刺哈孙共议者，悉罢之。”辛丑，复以详刑观察司为廉访司。

十一月丁未，罢南城警巡院。庚午，祀昊天上帝于南郊，摄太尉右丞相哈刺哈孙，左丞相呵忽台，御史大夫铁古迭而为三献官。

十二月丙子，京师地震。庆寅，皇太子卒。

十年春正月壬寅朔，商丽国遣使贡方物。甲辰，诏访庄圣皇后、昭睿顺圣皇后、徵仁裕圣皇后仪范中外之政，以备纪录。

丁卯，封驸马合伯为昭武郡王。营国子学。

闰月甲午，前中书平章政事铁哥、江浙行省平章政事阁里、河南行省平章政事阿散并为中书平章政事，行宜政院使张闾、四川行省左丞杜思敬并为中书左丞，参议中书省事刘源为中书参知政事。

二月丙辰，封孛罗为镇宁王。是月晋宁、冀宁二路地震。笃哇遣使来期。丁卯，月古不花为中书左丞。戊辰，车驾幸上都。三月己卯，崆古国遣使来贡方物。乙未，虑大都囚释上都死罪三人。

夏四月庚子朔，诏匡鹰犬者设家赏之半。壬戌，云南行省平章政事也速带而讨罗雄州叛蛮，获其首阿邦龙，斩之。癸亥，立昆山、嘉定等处水军上万户府。

五月辛未，京师旱。乙酉，同知枢密院事塔哥忽台、塔刺海并知枢密院事。封驸马铁木而为濮阳王，公主忙哥台为鄯国大长公主。丁亥，诏右丞相哈剌哈孙、左丞相阿忽台等整饬庶政百司勤惰，悉以名闻。

六月壬戌，来安路总管岑雄叛，未几遣其子来降。复立淮西道肃政廉访司。

秋七月辛巳，释诸路罪囚，凡常赦所不原者皆赦之。

八月壬寅，开成路地震，坏官民庐舍无算，压死故秦王妃也里完等五千余人。丁巳，重修文宣王庙成，行释奠礼。

九月壬申，诸王笃哇遣使贺圣诞。是月，高丽国王王暉入朝。

冬十月丁未，有事于太庙。丁卯，安南国遣使贡方物。

十一月己巳，车驾至自上都。丁亥，武昌路火。

十二月乙卯，帝不豫。丙寅，宣政使沙的等祷下太庙。癸亥，琼州那蓬洞蛮酋王文何等作乱，伏诛。

十一年春正月丙寅朔，帝大渐。癸酉，崩于玉德默。在位十有三年，年四十有二。乙亥，葬起辇谷。九月壬申，上尊谥曰钦明广孝皇帝，庙号成宗，国语曰完泽笃皇帝。

史臣曰：“成宗席前人之业，因其成法而损益之，析薪克荷，帝无使焉。晚年寝疾，不早决计传位武宗，使易世之后，亲贵相夷，祸延母后。悲夫！以天子之尊，而不能保其妃匹，岂非后世之殷鉴哉。”

卷十五 本纪第十五

武宗

武宗仁惠宣孝皇帝，讳海山，顺宗答剌麻八拉第二子也。顺宗三子：长曰魏王阿木哥，其母微；帝与仁宗皆昭献元圣皇后宏吉刺氏所出，所谓兴圣皇太后也。帝以至元十八年七月十九日生。

成宗大德三年，命帝代宁远王阔阔出镇北边，御叛王海都。四年八月，效海都于阔别列之地。五年，海都率笃哇等大举入寇。八月朔，与海都战于铁坚古山，败之。越二日，海都悉众来攻，大战于合刺合塔。王师失利，帝亲昌矢石，投诸王、驸马以出。明日复战，王师分五队，为海都所乘，帝突出敌阵之后，全师而返。海都遁去，旋病死。

八年十月，封怀宁王，赐金印，食瑞州六万五千户，岁给五户丝及币帛千匹。九年七月，置王府官。时海都子察八儿拥其父众，虽纳款，不甘入朝。十年七月，帝自脱忽思圈之地追察八儿弟斡罗思，获其妻孥輜重。八月，袭察八儿于也儿的百河，尽俘其众。察八儿奔于笃哇。诸王明里铁木儿、阿鲁灰等悉降。冬，驻于按台山，击察八儿弟秃曲灭，走之，北边悉平。

十一年春正月，成宗崩，左丞相阿忽台等潜谋推成宗皇后伯牙吾氏称制，以安西王阿难答辅之。皇弟爱育黎拔力八达奉兴圣太后入定内难，执阿忽台等杀之，遣使迎帝于北边。既而太后意犹豫，使日者推帝及皇弟之星命，问所宜立。曰：“重

光大荒落有灾，旃蒙作噩祚久。”重光，帝年干；旃蒙，皇弟年干也。太后惑其言，遣近侍托尔谕帝：日者所言运祚修短，不可不思。是时，帝已至和林，谓康里脱脱曰：“我捍御边陲，勤劳十年，又位居嫡长，神器应归于我。今太后以星命休咎为言，天道茫昧，安能豫知此。殆任事之臣，造奸谋以惑圣听耳。汝为我往察之。”康里脱脱既行，帝率大军由西道，使诸王昂哈由中道，床兀儿由东道，分趋上都。康里脱脱入见太后，述帝意。太后愕然曰：“此我为太子远虑耳。今诸王、大臣议已定太子，不速来何为？”

五月，帝至上都。皇弟奉太后来会，左右部诸王毕至。乃废成宗皇后伯牙吾氏出居东安州，执安西王阿难答至上都，俱赐死。甲申，帝即位，受诸王百官朝贺于大安阁。诏曰：

昔我太祖皇帝以武功定天下，世祖皇帝以文德洽海内，列圣相承，丕衍无疆之祚。朕自先胡，抚军朔方，殆将十年，亲御甲冑，力战却敌者屡矣。方诸藩内附，边事以宁，遽闻宫车宴驾，乃有宗室诸王、贯戚元勋，相与定策于和怵，咸以朕为世祖曹孙之嫡，以功以贤，宜登太宝。朕廉让未遑，至于再三。还至上都，宗王、大臣复请于朕。间者，奸臣乘隙，谋为不轨，赖祖宗之灵，母弟爱育黎拔力八达禀命太后，恭行天罚。内难既平，神器不可久虚，合词劝进，试意益坚。朕勉徇輿情，于五月二十一日即皇帝位。任大守重，若涉渊冰。属嗣服之云初，其与民而更始，可大赦天下。

教育学校人才，以备擢用，系籍儒户蠲免杂徭差役。忧恤北庭战士，仍禁管军官、奥鲁官非理科扰。经过军马，牧养驼马人等，毋得扰民。诸色人等勿得别投户名，影避差徭，亦不得将土地妄词呈献。忧恤蒙古站赤，仍禁各投下滥给铺马。义夫节妇、孝子顺孙，具实以闻，别加恩赐。上都、大都、隆兴

三路免差税三年。其余路分，量轻重蠲免，云南八番田场地而，免差发一年，并免积年逋欠。鳏寡孤独不能自存者，常加存问。进户复业者，免差税三年。被灾之处，山场湖泊课税权行停罢，听贫民采取。各处铁冶。听人煽办。名山大川、圣帝明王、忠巨烈士载在祀典者，官吏择日致祭。其余民间利害，有合兴修者，中书省核议奏闻。是日，追尊皇考答剌麻八拉为皇帝，尊皇考元妃宏吉刺氏为皇太后。诏曰：盖闻孝治天下者，王政所选，养以天下者，尊称为大。帝承先德，寅绍丕基；愴昭考之长违，赖慈闈之笃祐；方衍无疆之庆，曷胜报本之情。谨依先朝成宪，追尊皇考曰皇帝，尊太母元妃曰皇太后，其应行典礼，以次举行。

壬辰，加知枢密院事朵儿朵海太傅，中书右丞相哈剌哈孙答剌罕太保，并录军国重事。知枢密院事塔剌海为中书左丞相，预枢密院、宣徽院事。同知徽政院事床兀儿、也可札鲁忽赤阿沙不花、江浙行省平章政事明里不花并为中书平章政事。江浙行省左丞刘正为中书左丞，遥授中书左丞钦察、福建道宣慰使也先帖木儿并为中书参知政事。中书右丞、行御史中丞塔思不花为御史大夫。平章政事床兀儿旋改知枢密院院事。特授乞台普济中书平章政事。延废使抄儿赤、同知和林等处宣慰司事塔海并为中书右丞。阿里为中书左丞。脱脱为御史大夫。是月，敕高丽王王暉归国。平章政事撒勤帖木儿，翰林学士郭贯镇抚高丽。中书平章政事合散出为辽阳行省平章政事。

六月癸巳朔，立皇弟爱育黎拔力八达为皇太子，受金宝，诏曰：朕承列圣之贻谋，协宗王之翌戴，必谨亲贤之托，共成继述之功。母弟爱育黎拔力八达性稟温文，行全孝敬，夙著忠勤之节，素明治理之方，载惟靖乱之殊勋，式符元良之渥命，乃遵裕皇居东宫旧制，于六月朔旦授以皇太子宝，俾领中书之务，仍兼宥密之司，匪特笃兄弟友爱之情。实以衍宗杜隆昌之

福。

甲午，建行宫于旺兀察都之地，立为中都。丁酉，上皇考尊谥曰昭圣衍孝皇帝，庙号顺宗，大行皇帝尊谥曰钦明广孝皇帝，庙号成宗，元妃宏吉剌氏失怜答里尊谥曰贞慈静懿皇后。祔觚庙跻顺宗于成宗之上。己亥，罗罗斯宣慰使斡罗思为中书左丞。诸司听皇太子各置一人。拱卫直都指挥使马谋沙角觚屡胜，遥授平章政事。壬寅，左丞相塔刺海加太保、录军国重事，兼太子太师。癸卯，立詹事院。甲辰，平章政事、行和林宣慰使都元帅憨剌合儿，通政使、武备院卿帖木儿不花，并知枢密院事。戊申，特授尚乘卿索兰奚、床兀儿并为平章政事。大同屯储军民总管府达鲁花赤怯里术丁为中书右丞。辛卯，中书平章政事脱虎脱出为江西行省平章政事。壬子，封皇妹祥剌吉为鲁国大长公主，驸马潼阿不剌为鲁王。敕枢密院铨调军官遵世祖定制。近侍勿辄有请。军官许父子兄弟袭职，近侍不得援以为例。丙辰，御史大夫塔思不花、脱脱并遥授左丞相。戊午，高丽前王王珙进封沈阳王，加开府仪同三司、太子太傅、上柱国、驸马都尉，入中书省参议政事。己未，宁远王阔阔出进封宁王。庚申，遥授左丞相塔思不花为右丞相。

七月癸亥朔，封诸王秃剌为赵王。甲子，御史大夫铁古迭儿等以即位告天地于南郊。丙寅，前中书参知政事赵仁荣为太子詹事。太傅右丞相哈剌哈孙、左丞相塔刺海综理中书庶务。己巳，立宫师府。壬申，御史大夫铁古迭儿等以即位告太庙。癸酉，立和林行中书省。太师月赤察儿为行省右丞相，中书右丞相哈剌哈孙为左丞相，依前太保、录军国重事。丙子，江浙行省平章政事塔失海牙、知枢密院事床兀儿为中书平章政事。丁丑，封诸王八不沙为齐王，朵列纳为济王，迭里哥儿不花为北宁王，太师月赤察为淇阳王。加平章政事脱虎脱太尉。中书

左丞相塔刺海为中书右丞相，御史大夫塔思不花为中书左丞相，浙江行省平章政事教化、河南江北行省平章政事法忽鲁丁并为中书平章政事。平章政事铁木迭儿出为江西行省平章政事。己卯，集贤院使别不花为中书平章政事。庚辰，御史中丞只儿合郎为御史大夫。辛巳，加至圣文宣王尊号为大成至圣文宣王。置行工部于中都。同知枢密院事也儿吉尼知枢密院事。御史中丞王寿、浙江行省左丞郝天挺并为中书右丞。壬午，御史大夫铁古迭儿等，以即位告社稷。甲申，瞻思丁使西域。丙戌，同知宣徽院事勃罗答失为中书左丞。中书参知政事钦察出为四川行省左丞。辛卯，敕唐兀秃各花户籍已定，其入诸王、驸马部下避役及冒匿者，皆罪之。

八月甲午，敕不由中书奏者，勿与官。外任官勿带相衔。乙未，治书侍御史兀伯都刺为中书参知政事。戊戌，封御史大夫脱脱秦国公。辛亥，中书左丞孛罗帖木儿以国文译《孝经》进，诏曰：“此乃孔子之微言，自王公至于庶人皆当由是而行。其命中书首刊印，诸王以下皆赐之。”丁巳，中书左丞王寿罢为御史中丞。戊午，中书平章政事乞台普济、床兀儿、别不花等并加太尉。中书右丞塔海加太尉、平章政事。中书左丞孛罗帖木儿为中书右丞。禁诸色人带金翅雕帽顶。

九月甲子，车驾至自上都。时巡狩三不刺，翰林学士王文用谏曰：“先帝新弃天下，陛下巡狩不能时，无以慰臣民望，宜早还。”帝即日还大都。乙丑，中书右丞相塔刺海摄太尉，请皇考皇帝、大行皇帝尊谥于南郊。辛未，加塔刺海、塔思不花太尉。壬申，塔刺海奉册宝，上皇考极大行皇帝尊谥、庙号，又上大行皇帝元妃宏吉刺氏尊谥，祔于太庙。甲戌，改太常寺为太常礼仪院。丁丑，定中书省官为十二员：右丞相塔刺海，左丞相塔思不花，平章政事床兀儿、乞台普济如故，阿沙不花、

塔失海牙为平章政事，勃罗答失、刘正为古丞，郝天挺、也先帖木儿为左丞，于璋、兀伯都刺为参知政事。甲申，立尚书省。塔刺海、塔思不花仍领中书省，脱虎脱、教化、法鲁忽丁任尚书省。命自举官属。丙戌，中书平茸政事别不花出为江浙行省平章政事。辛卯，御史台臣谏立尚书省，帝曰：“卿言良是，脱虎脱、教化、法鲁忽丁此三臣原任其事，姑听之。”

冬十月壬寅，封知枢密院事床兀儿为容国公。乙巳，敕阴阳法师勿谒诸王、驸马之门。丙午，诏整饬台纲。封御史大夫铁古迭儿为郢国公。中卫亲军都指挥使买奴为知枢密院事。

十一月癸亥，镇远王牙忽都进封楚王。丙寅，朝皇太后于隆福宫，上册宝。己巳，诏中书省官十二员。脱虎脱仍为宣政院，教化留京师，其余各授职任。戊寅，授皇太子玉册。己卯，帝御大明殿，受诸王、百官驾。

十二月辛丑，幸大圣寿万安寺。史部尚书察乃授平章政事，领工部事。禁汉人挟弓箭、弹弓。庚申，诏曰：仰惟祖宗应天顺人，肇启疆宇，华夏一统，罔不率从。逮联嗣服丕图，缙膺景命，遵承遣训，恪慕洪规，祇惕畏敬，未知攸济。永思创业艰难，兢兢矜念。万事之统，在予一人。间者，岁比不登，流民未还。是以责任股肱耳目大臣，赞襄嘉猷，胡夕入告，乐与率土之民，共享治安之化，迺宁远肃，顾不韪欤。可改大德十二年为至大元年。诞布维新之令，式符永固之休。

凡公事并经由中书古可否施行，内外大小衙门毋得隔越闻奏。监察御史、廉访司严纠内外官吏，年终考其殿最者一人，以凭黜陟。政令得失、军民利病，许人上书陈言。若言元可采，并无罪责；如其可取，重加迁擢。培养学校人才，以借擢用。其贡举法，中书省续议举行。劝课农桑，孝弟力田之人，量加旌赏。存恤蒙古掣马赤各翼军人及各翼汉军。管军官举放军人

钱物，诏书到日，尽行除免。典卖亲丁，悉听圆聚，价不追还。围猎飞放，毋得驻扰百姓。驱户毋得投充怯歹、鹰房子名色，影进差徭。站赤消乏，仰中书省、通政院先将户口合并截补，臂设头目，其整治事理次第举行。禁捕野物地面，除上都、大同、隆兴三路外。大都周围各禁五百里。其余禁断处所及山场、河泊、芦荡，并开禁一年，听民采捕。民户流移，所在官司勿与本管户一体科征。其原籍官司，用心招诱，毋侵占所抛田产。内庭作佛事，毋释重囚，以轻囚代之。岳镇、海渚，风师、雨师、雷师，有司洁斋致祭。

至大元年春正月辛酉，曲赦御史台见系赃吏。甲子，中书平章政事阿沙不花授右丞相，行御史大夫。丙寅，罢江南行都水监。丁卯，中书右丞也罕的斤为平章政事，议陕西行省事。己巳，缅甸进驯象六。己丑，云南王也先帖木儿进封营王。是月，召前中书右丞尚文至京师，以疾辞。

二月甲辰，立王太子卫率府。戊午，不达达思等送爪哇使归其国。是月，中书平章政事乞台普济为中书左丞相。

三月戊寅，车驾幸上都。封阿沙不花为康国公。甘肃行省右丞脱脱木儿为中书平章政事，加大司徒。己卯，修顺宗、成宗《实录》。敕怯薛歹、昔宝赤、诸王附马部下勿践百姓田禾，犯者罪之。

夏四月戊戌，以永平路盐课赐桑哥刺失公主，中书省臣执不可，从之。封三宝奴为渤海国公，香山为宾国公。加铁古迭儿右丞相，都护买住中书右丞。癸卯，加平章政事教化太子大保、太尉、平章军国重事，封魏国公。甲辰，知枢密院事也儿吉尼通授右丞相。乙卯，米楫等使苏鲁国。丙辰，罢征东行中书省。

五月丙寅，知枢密院事塔鲁忽台遥授右丞相。己巳，缅甸进驯象六。乙亥，知枢密院事憨刺合儿遥授左丞相。丙子，禁

白莲社，放其人隶民籍，加右丞相塔思不花上柱国，左丞相乞台普济太子太傅。甲申，立大同侍卫亲军都指挥使司。

六月己丑，加三宝奴录军国文事，曲出太子太保，脱虎脱上柱国、太尉、天慧都平章军国重事。戊戌，威定王药木忽儿进封定王。封驸马阿失为昌王。宦者李邦宁遥授左丞相。己酉，乞台普济录军国重事。敕无照会官不得赴任。

七月庚申，立广武康里侍卫亲军都指挥使司。壬戌，立中都留守司兼开宁路总管府。壬申，塔察儿等九人使诸王宽闾，月鲁等十二人使诸王脱说。癸酉，礼部尚书阿里灰等赍玺书谕安南国，礼部侍郎管祝思监等使缅甸，脱里不花等十二人使诸王合儿班答。壬午，封乃蛮带为寿王。是月，诏中书右丞相塔思不花、左丞相乞台普济曰：中书政本也，军国之务，小大由之。朕自即位以来，励精求治，爰立辅相，以总中书。期年于兹，大效未著，岂选用之未当欤？何万机之犹繁，而群生之寡遂也。今特命塔思不花为中书右丞相，乞台普济为左丞相，统百官、平庶政，便者举行，弊者革去，一新条理。诸内外大小事务，并听中书省区处奏闻。违者罪之。

八月戊申，特授伯头太师。

九月丙辰，高丽国王王晔卒。雷尼台等使薛思迷干都。辛酉，谕诸王察八儿、宽闾入朝。乙亥，车驾至自上都。庚辰，册王晔为征东行省右丞相、嗣高丽国王，依前驸马都尉、沈阳王。封诸王秃满为阳翟王。

冬十月甲午，阿沙不花知枢密院事。敕持内降文书买河间路盐及以诸王、驸马命至运司者，一切禁之。甲辰，加左丞相、知枢密院事帖木儿不花录军国重事。中书右丞秃忽鲁、河南行省右丞也速、内史脱勃花并何枢密院事。

十一月丁卯，知枢密院事也儿吉尼为御史大夫。己巳，塔

思不花、乞台普济并为中书右丞相，脱虎脱为左丞相。壬申，高丽国王王源来朝。是后，核天下屯阳。

闰月甲寅，太傅达剌罕哈剌哈孙卒。

十二月庚申，封和郎撒为陇王。甲戌，平章政事、太子宾客王大亨行太子危事，平茸军国重事、太子少詹事大藏都为太子詹事。

二年春正月己丑，从皇太子请，罢官师府。庚寅，杀越王秃剌。辛卯，皇太子率诸王、百官上尊号曰统天继圣钦文英武大章孝皇帝。乙未，以上尊号谢太庙。己亥，容国公床兀儿进封句容郡王。丙申，诏曰：

朕荷三灵之隆眷，承列圣之丕基，永言置器之艰，恒切履霜之惧。乃者皇太子率中外臣庶立谓，抚军十我，遐迩悉平，当宁九重成规具举，苦稽旧典，盍进徽称。岂朕躬之克当。惟祖武之显式，已于正月十七日御大明殿受统天继圣钦文英武大章孝皇帝大号，越五日躬诣太室谢讫。

爰念即位之初，恒以赈灾恤民为务，而恩泽犹未溥博，流离犹未安集。岂有司奉行之不至欤？今特命中书省遴选内外官僚，专以抚治为事。简汰冗员，持节浮费，官吏各修乃职。劝农桑，兴学校，抚字百姓，严城吏胥。御史、廉访司年终每道考其殿最者一人，以凭黜陟。围猎放飞及过往屯戍、出使人符扰害百姓，有司再行禁戢。灾区经赈济百姓，本年腹路差税、江淮夏税并行蠲免。本年正月以前，民间逋欠、差税课程，并行蠲免。鳏寡孤独不能自存者，除常例外，每名给中统钞十五两。禁捕野兽地面，除上都、中都、大同三路及大都周围五百里外，其余再弛禁一年。诸位下占据山场、河泊、关津、桥梁并抽分等钱，尽行革罢。检视清民，计口贍济。其还乡者，量给行粮。流民合纳差税，勿邻见户包纳。岳渎、帝王及忠臣、

烈士载于祀典者，有司蠲洁致祭。大小职官四品以下普覃散官一等。

二月癸亥，罢行泉府院，归市舶于行省。

三月己丑，辽阳行省右丞洪重喜告高丽国王王禕不法，敕王禕从皇太后幸五台山，勿令辨对。诸王老章代梁王松山镇云南。庚寅，车驾幸上都。封诸王也速不干为襄宁王。己亥，封阿剌的纳八剌公主为赵国公主。驸马注安为赵王。

夏四月辛酉。立兴圣宫江淮财赋总管府。癸亥，立镇守海口屯储亲军都指挥使司。

五月丁亥，通政院使憨刺合儿为知枢密院事，督建兴圣官。大都留守养安等董其役。

六月甲戌，革殴西番僧者断手、詈者断舌之令。

秋七月癸未。河决归德府。壬辰，改四川松、潘、威、茂等州安抚司为宣抚司，移治茂州汶川县。己亥，河决封邱县。

八月癸酉，立尚书省。乞台普济为尚书省右丞相，脱虎脱为左丞相，三宝奴、伯颜，也速为平章政事，保八为右丞，忙哥帖木儿为左丞，王罌为参知政事，中书左丞刘楫授尚书左丞、商议尚书省事。甲寅，海剌孙授平章政事、商议枢密院事。己未，立皇太子左卫率府。江西行省参知政事郝彬为尚书省参知政事。甲戌，赐太师伯颜头名脱尔赤颜。丁丑，诏天下敢有沮挠尚书省事者罪之。

九月庚辰朔，颁尚书省条画于天下，改各行中书省为行尚书省。诏：胡廷得失军民有上言者，得实封上闻；饥民复业者一切通欠，并行蠲免，仍除差税三年；中外吏员依世祖皇帝定例，以九十日为满；如有子证父，奴讐主，及妻妾、弟侄干犯名义者，一切禁之。颁行至大银钞。壬寅，迫夺前平章政事教化魏国公爵。丙戌，车驾至自上都。丙申，占八国遣使贡白面

象、伽蓝木。秃坚、张也先、伯颜使不怜八孙国，薛彻兀、李唐、徐伯颜使八昔国、察罕、亦不剌金、场呼答儿、阿里使占八国。陕西行台御史大夫沙的授左丞相、行土番等处宣慰使都元帅。

冬十月庚戌朔，皇太子为尚书令。颁行铜钱法。癸亥，翰林学士承旨不里牙敦为御史大夫。乙丑，以皇太后不豫，释天下大辟囚百人。丁卯，御史大夫只儿合郎、中书左丞相脱虎脱、尚服院使大悲都并为知枢密院事。癸酉，知枢密院事秃忽鲁加左丞相。丁丑，辽阳行省平章政事合散为左丞相、行中书平章政事，中书参知政事伯都为平章政事、行中书右丞，商议中书省事忽都不丁为右丞、行中书左丞，参议中书省事帖里脱欢、贾钧并中书参知政事。是月，杖流洪重喜于潮州。

十一月庚辰，云南行省右丞算只儿威招谕蛮酋谷保等，受谷保赂，复进兵大利。诏严鞠其罪。已而释之。乙酉，诏冬至祀南郊。以太祖皇帝配；明年夏至，祀北郊，以世祖皇帝配。丁亥，湖广行省左丞散术带为平章政事、商议枢密院事。丙午，诸王勃兰奚坐私怨杀人，杖流北边。是月，中书参知政事贾钧、金知枢密院事。

十二月乙卯，有事于太庙。上太祖圣武皇帝尊谥曰法天启运圣武皇帝，光献皇后尊谥曰光献翼圣皇后，审宗庄圣皇后尊谥曰显懿庄圣皇后。和林行省右丞囊絜带擅至京师，诏锁囊家带至和林鞠之。丁丑，增百官棒，定流官封赠格，内外官三品以上者，许请谥，赠谥下在此例。是年常丰洞蛮叛，率洗土、不儿、散毛诸洞蛮寇永宁路。

三年春正月癸未，汰中书省官吏一百八十一员，听尚书省迁叙。乙酉，特授李孟平章政事、集贤大学士、同知徽政院事。辛卯，立宏吉剌氏为皇后，脱虎脱摄太尉，授皇后宝册。戊戌，

敕湖广行省招谕叛蛮黄胜许。辛丑，万户移刺四奴讨湖广乖西带叛蛮。听其便宜调遣。壬寅，云南行省右丞算只儿威招谕八百媳妇。乙巳，定枢密院知院七员、同知院事二员、副使二员、佾院事二员、同佾院事一员。御史台增御史大夫、中丞，侍御史、治书侍御史各二员。丁未，立右卫阿速亲军都指挥使司。

二月庚戌，以皇后受册宝，告谢太庙。己未，商议尚书省亨刘楫整顿钞法。甲子，以上皇太后尊号，告祀南郊。乙丑，佾枢密院事贾钧复为中书参知政事。己巳，宁王阔阔出与越王秃剌子阿剌纳失里等谋反。事觉，阔阔出下狱，赐其妻完者死，窜阿剌失里于伯铁木儿分地，磔畏兀僧铁里等于市。三宝奴赐号答剌罕，余并晋秩二等。辛未，加脱克赤颜录军国重事。壬申，尚书平章政事乐实遥授左丞相，封齐国公。癸酉，左丞相、行中书省平章政事合散商议辽阳行省事。甲戌，以上皇太后徽号，告祀太庙。是月，诏大司农司总天下农政。定夺黜陟。

三月乙酉，知枢密院事只儿合郎为陕西行尚书省平章政事。壬辰，车驾幸上都。回回人木八刺等坐妖言伏诛。

夏四月己酉，容美洞蛮叛。高丽国王王谔加号纯诚守正推忠宣力定远保节功臣。

五月甲申，封诸王完者为卫王。乙未，尚书参知政事王罣加大司徒。

六月丁未朔，诏太尉尚书右丞相脱虎脱、封太保尚书右丞相三宝奴总治百司，庶务并从尚书省奏行。比申，中书左丞忽都不丁为中书右丞。甲子，太子詹事斡赤为中书左丞。壬申，以西北叛王察八儿等来朝，告祀太庙。赐脱虎脱、三宝奴珠衣，封三宝奴为楚国公。是月，荆门州大水，山崩，死者三千四百余人。

秋七月，封晋王长女宝塔失怜为韩国长公主。

八月丁未，浙江行省左丞相呼剌出、遥授中书右丞相厘日并为御史大夫。甲子，畋于昂兀脑儿。

九月己卯，平伐蛮酋不老丁来降。辛巳，立宣慰司都元帅府于察罕恼儿。丙戌，车驾至自上都。尚书右丞保八遥授平章政事。是月，流宁王阔阔出于高丽。

冬十月戊申，帝率皇太子、诸王、群臣胡兴圣宫，上皇太后尊号曰仪天兴圣慈仁昭懿寿元皇太后。庚戌，告谢太庙。辛酉，大赦天下。大都、上都、中都免至大三年秋税，其余诸路今岁被灾人口曾经体覆者，依上蠲免。内外不急之役，截曰停罢。至大二年以前负欠差税、课程，并行蠲免，阔阔出余党未发觉者，并原其罪。官民田土，诸人勿得陈献。诸收取钱物者，许实诉。丁卯，封驸马贾住韩为衮王。壬申，马合谋但的遥授尚书右丞，为海外诸番直慰使都元帅、领海道运粮漕运万户府事。丞相铁古迭儿为陕西行台御史大夫。十一月辛巳，脱虎脱进太师、录军国重事，封义国公。戊子，容美蛮田墨施什用等来降。丙申，有事于南郊，尊太祖皇帝配享昊天上帝。己亥，杀武卫亲军都指挥郑阿思兰，籍其家。十二月甲辰朔，以建大崇恩福元寺，乞其剌遥授左丞，曲列、刘良遥授知政事，并领行工部事。己未，镇南王老章坐僭拟乘舆，召赴京师。四年春正月癸酉朔，帝不豫，大赦天下。庚辰，帝崩于玉德殿，在位四年，年三十有一。壬午，葬起辇谷。夏六月甲子，上尊谥曰仁惠宣孝皇帝，庙号武宗，国语曰曲律皇帝。史巨曰：“武宗舍其子而立仁宗。与直公舍与夷而立穆公无以异。公羊子曰：朱之乱，宣公为之。然则英宗之弑，文宗之篡夺，亦帝为之欤！《春秋》贵让而不贵争，公羊子之言过矣。帝享国日浅，滥恩幸赏无一善之可书。独传位仁宗，不愧孝友。其流祚于子孙宜哉。”

卷十六本纪第十六

仁宗上

仁宗圣文钦孝皇帝，讳爱育黎拔力八达，顺宗第三子，武宗同母弟也。以至元二十二年三月丙子生。

大德九年冬十月，成宗不豫，皇后伯牙吾氏出帝与兴圣皇太后居怀州。十年冬十二月，帝至怀州。所过屏供张，戒飭扈从之士毋扰累郡县，民皆感悦。

十一年春正月癸酉，成宗崩。戊子，帝与皇太后赴丧。二月辛亥，至大都，入临出居旧邸。时安西王阿维答、诸王明里枯木儿已先至。中书左丞相阿忽台、平章政事八都马辛、前中书平章政事伯颜、中政院使怯烈道兴等，潜谋推皇后称制，以阿难答辅之。三月乙卯朔，阿忽台等请皇后以丁巳日垂帘，自右丞相哈剌合孙以下皆列牒署名。丙辰，帝事卫士入宫，召阿忽台等，责以乱祖宗旧制，执之。戊辰，杀左丞相阿忽台、平章政事八都马辛、中政院使怯烈道兴等。宁王阔阔出、楚王牙忽都进曰：“今内难已平，太子世祖之孙，宣早正大位。”帝曰：“王何为出此言？奸臣构乱，故诛之。吾岂欲觊觎神器耶！杯宁王吾兄，宣入承大统。”乃遣使迎武宗于北边，帝以太子监国。武宗迟回不至。夏五月乙丑，帝奉皇太后幸上都，率左古部诸王劝进。武宗即位，六月癸巳，立帝为皇太子，受金宝。帝遣使求经籍，有进《大学衍义》者，命詹事丞王约等节

而译之。帝曰：“治天下，此一书足矣。”命与《图像孝经》、《列女传》并刊布天下。十一月戊寅，受玉册，领中书省、枢密院。

至大二年八月，立尚书省，诏帝兼尚书令。詹事院后金州献瑟瑟洞，请采之。帝曰：“吾以贤为宝，瑟瑟何用？若此者，后勿复言。”淮东宣慰使撒都献玉观音、七宝帽顶、宝带、宝鞍，俱却之。

四年春正月庚辰，武宗崩。壬午，罢尚书省。命中书右丞相塔思不花、知枢密院事铁木儿不花等参鞠尚书右丞相脱虎脱、左丞相三宝奴、平章政事乐实，右丞保八、左丞忙哥帖木儿、参知政事王黑罪状。丙戌，脱虎脱、三宝奴、乐实、保八、王黑俱伏诛。杖流忙哥帖木儿于海南，流平章政事速思不花于高丽。壬辰，诏世祖旧臣前平章政本程鹏飞、董世选。太子少傅李谦，少保张驴，中书右丞陈天祥、尚文、刘正，中书左丞郝天挺，御史中丞董士珍，太子宾客萧鄴，参知政事刘敏中、王思廉、韩从益，侍御史赵君信，廉访使程钜夫，杭州达鲁花赤阿合马乘传至京师，咨以庶政。丁酉，云南行省左丞相铁木迭儿为中书右丞相，太子詹事完者、集贤大学士李孟并为中书平章政事。戊戌，中书右丞相塔思不花、徽政院使沙沙并为御史大夫。己亥，改尚书行省仍为中书行省。庚子，停各处营造。罢广武喀刺卫、万户等府。辛丑，塔失铁木儿知枢密院事。

二月乙巳，命和林、浙江二行省依前设左丞相，余省但置平章政事。辛亥，禁诸王、驸马擅据山场，听民樵采。罢阿老瓦丁买卖浙盐，供中政院食羊。禁宣政院违制度僧人。甲寅，罢江南行通政院、行宣政院。甲子，命中书平章政事李孟领国子监。丙寅，陕西行省平章政事孛罗帖木儿、江浙行省平章政事乌马儿、甘肃行省平章政事阔里吉思、河南行省参知政事塔失帖木儿、江浙行省参知政事万僧，坐前任赃罪及挟势害民，

俱免官。庚午，思州蛮酋杨正思等来朝，赐金帛有差。是月，中书左丞相康里脱脱罢为江浙行省左丞相。

三月庆辰，诏前枢密副使吴元珪、前中书左丞拜降、前陕西行省右丞兀伯都剌至京师，同诸老臣议事。丙戌，罢五台山行工部。己丑，命母赦谋反大逆、杀祖父母父母，妻妾杀夫、奴婢杀主等罪。庚寅，即皇帝位天大明殿，受诸王、百官胡贺。诏曰：惟昔先帝事皇太后抚朕眇躬，孝友天至。践祚曾未逾月，授朕皇太子宝，领中书令、枢密使、百揆机务，悉听总裁，于今五年，先帝奄弃天下，勋戚、元老咸谓，大宝之承既有成命，非与前圣宾天而始征庶宗亲议所宜立者比，当稽前代故事即正宸极。朕以恤方新，诚有未忍，是用经时。今则上奉皇太后之命，下徇诸王劝进之诚，三月十八日于大都大明殿即皇帝位。凡尚书省误国之臣，先已伏诛。同恶之徒，亦已放殛。百司庶政，悉归中书。命丞相铁木迭儿，平章政事完者、李道复等从新按治。可大赦天下。敢以前赦事相告者，以其罪罪之。

其可为法程拯民者，具如左方：一，凡制诏、号令、钱粮、选法、刑名，一切政务，并从中书省闻奏、区处，敢有擅自奏请者，以违制论；一，内外百司，其清慎公勤五事备具者，优加迁擢，有贪污败事者，陈告得实，依条断罪；一，庶事更张，图治伊始，式遵世祖皇帝成宪，仰中书省参酌举行；一，凡言军民利病政事得失，有可采者，量加旌擢，如不可采，亦无罪谴；一，仰提调官申明累降条画，劝课农桑，经过军马及昔宝赤、探马赤等，毋得索取饮食刍藁，纵放头匹；一，康里军卫已罢，上项屯军悉听放还，其各处军马阵亡病死者常例存恤外，各加一半，云南等处新附汉军每名给布一匹；一，各投下、诸色人等不得擅招户计，诱占奴婢，违者治罪；一，站赤消乏，除海青外，应进献鹰犬，并令止罢，毋给诸王驸马投下及各衙

门铺马；一，陈献地土及山场窑冶之人，并行治罪；一，比者宝合丁、乞儿八答私买所盗内府宝带，既已伏诛，今后得似前申献；一，民间和雇和买、一切难泛差役，除军人并大都至上都自备站户外，其余不论是何户计，一体均当；一，恢办商税、课租，亲遵旧制，法外多取及期盗入己者，依例究治；一，营筑中都，已令停罢，其余不急之役，截日停止；一，鳏寡孤独、废疾无恤者，除常例外，每人给至元钞一贯；一，名山大川、圣帝明王、忠臣烈士，凡在祀典者次第加封。除常祀外，主者施行；一、韩脱因不花、唐华、郑阿思兰等已经昭雪，元没资产悉还本家，今后内外重囚，省部再三详谏。方许奏准；一，比年诏赦频数，吏贪民盗，不知敬畏，自今以始，其各洗心节虑，以保厥身，非常之恩，不可再觐。於戏！凡我有官君子，皆古所谓治天职、食天禄者，宜一心力，钦乃有司。无替朕命。

遣金知枢密院事不兰奚颁即位诏于高丽。辛卯，御史中丞李士英为中书左丞。丁酉，命月赤察儿依前为太师，宣徽使铁可为太傅，集贤大学士典出为太保。是月，前陕西行省左丞兀伯都剌为中书右丞，昭文馆大学士察罕为参知政事；平章政事、知枢密院事床兀儿，钦察亲军都指挥使脱火赤拔都儿，左丞相、知枢密院事铁木儿不花，并录军国重事；知枢密院事也速、兼山东河北蒙古军都万户也先帖木儿、仁虞院事也儿吉尼、太子詹事月鲁帖木儿并知枢密院事。

夏四月戊申，以即位告天地于南郊。丁巳，罢中政院。戊午，以即位告于大庙。辛酉，敕国子师儒之职，有才德者，不拘品级选用。乙丑，封知枢密院事铁木儿木花为宣宁郡王。丁卯，诏曰：朕惟食货，生民之本，权以币帛，先在适时。我世祖皇帝参酌古今，立中统、至元钞法，天下流行，公私蒙利，五十年于兹矣。比者尚书省不究利病，辄意变更，既创至大银

钞，又铸至大铜钱。钞以倍数太多，轻重失宜；钱以喜铸弗给，新旧滞用；曾未用期，其弊滋甚，爰咨廷议，允协輿言，皆愿变通，以复旧制。其罢资国院及各处泉货监提举司，买卖铜器听民自便。应尚书省已发各处至大钞本及至大锅钱，截日封贮，民间行使者，赴行用库倒换。有司依旧印造中统钞，子母并行，以便民用。

改封北宁王帖里哥儿不花为为湘宁王。革僧、道、也里可温、答失蛮、白云宗、头陀教等各衙门免差发。

五月癸酉，八百媳妇及大、小车里蛮俱叛，命云南王及行省右丞阿忽台讨之。丙子，命翰林国史院修大行皇帝《实录》及累朝皇后、功臣列传。壬午，金齿蛮来献驯象。戊子，罗鬼蛮来献方物。

六月乙巳，命侍臣咨访内外才堪信用者，悉以名闻。仍戒飭诸王恪恭乃职。甲寅，封亦思丹为怀仁郡王。丁巳，命和林行省右丞李里、马速思经理青海屯田。己未，封知枢密院事李罗为泽国公。甲子，请大行皇帝谥于南郊，上尊谥曰仁惠宣孝皇帝，庙号武宗。己巳，魏王阿木哥入朝。命翰林侍讲阿林铁木儿以国语译《贞观政要》，使蒙古、色目人诵习之。

秋七月癸未，甘州地震，大风有声如雷。己亥，诏谕中书省曰：“朕前戒近侍，毋辄以文记传旨中书，自今敢有犯者，不须奏闻，直捕其人，付刑部究治。”敕御史台进老成更事者为监察御史。

闰七月辛丑，遣国子祭酒刘庚至曲阜，以太牢祀孔子。丙午，祔武宗皇帝于太庙。戊申，封李孟秦国公，亦怜其乞剌思为司徒。己酉，吐蕃寇礼店、文州，命亦怜真等讨之。壬戌，立上都通政院，邻蒙古诸驿。乙丑，鲁国大长公主祥可刺吉进号皇姐大长公主。遣使招谕黑水、白水等蛮。

八月己巳朔，裁京官诸司员额，并依至元三十年旧制。丙戌，安南世子陈日□来贡方物。

九月己亥朔，遥授左丞相不花进太尉。壬子，改元皇庆，诏曰：朕赖天地祖宗之灵，纂承圣绪，永惟治古之隆，群生咸遂，国以又宁。朕夙兴夜寐，不敢怠遑，任贤使能，兴滞补弊，庶其臻兹敛时五福，用敷锡厥庶民，朕之志也，逾年改元，厥有彝典，其以至大五年为皇庆元年。

是月，遣都水监木八剌沙往取杭州所造龙舟，中书省臣谏曰：“陛下践阼，诞告天下，凡非宜取索，勿得擅进。若取此舟，有乖有旨。”诏止之。

冬十月戊辰期，有事于太庙。丁丑，禁僧寺勿冒占民田。戊子，以故太师月儿鲁那演子木剌忽知枢密院事。壬辰，议收至大银钞。

十一月戊戌，封司徒买僧为赵国公。辛亥，诸王不里牙敦等诬告八不沙不法，诏鞫不里牙敦于河南。己未，辽阳行省平章政事阿散为中书平章政事。丙寅，加徽政使罗源大司徒。

十二月癸酉，封宣政使爱薛奏国公。壬午，诏曰：“今岁不登，民何以堪。春搜其勿令供亿。”甲申，占城国遣使贡方切。庚寅，曲赦京师大辟囚一人，并流罪。乙未，敕内降旨，一切勿行，遣礼部尚书乃马台等颁皇庆元年历于安南国。

皇庆元年春正月戊戌朔。召河南行省右丞王约至京师。庚子，帝谕御史大夫塔思不花曰：“凡大臣不法，卿等劾奏勿避，朕自裁之。”加太师、录军国重事、知枢密院脱儿赤颜开府仪同三司，封淇阳王。庚戌，封知枢密院事、驸马丑汉为安远王，出总北军。癸丑，旌表广州路番禺县孝子陈韶孙。戊午，改封济王朵列纳为吴王。崇福使也里牙袭封秦国公。是月，以中书平章政事李孟为翰林学士承旨、知制诰，仍兼平章政事。

二月甲戌，改和林行省为岭北行省。己卯，八百媳妇蛮来献驯象。壬午，封孛罗为永丰郡王。

三月己亥，以帝生日为天寿节，高丽国遣使来贺圣诞。戊申，前河南行省平章政事塔失海牙为御史大夫。甲寅，诸王也先不花等遣使来贡方物。丙辰，封同知徽政院事不兰奚为赵国公。庚申，遣户部尚书马儿经理河南屯田。乙丑，封诸王塔思不花为恩平王。

夏四月癸酉，车驾幸上都。封郢国大长公主忙哥台为大长公主。壬午，封知枢密事木剌忽为广平王。

五月丙申朔，中书平章政事阿散为中书左丞相，江浙行省平章政事张驴为中书平章政事。加枢密院事也先帖木儿开府仪同三司。

六月乙丑朔，日有食之。丁卯，天雨毛。己未，京师地震。丁亥，敕罢封赠，戒左右勿侥幸加官。

秋七月丙午，中书参知政事贾钩乞病归，赐钞三百锭，给安车还籍。

八月己卯，吏总尚书许师敬为中书参知政事。庚辰，车驾至自上都。辛卯，安南国王陈益稷来朝。

九月戊戌，罢讨八百媳妇及大、小车里，以玺书招谕之。辛丑，遣司徒田忠良等至真正府玉华宫祀睿宗御容，八百媳妇及大、小车里蛮来献方物。甲辰，参议中书省事阿里海涯为参知政事。

冬十月甲子，有事于太庙。癸未，中书参知政事察罕加平章政事、商议中书省事。戊子，翰林学士承旨玉连赤不花等进顺宗、成宗、武宗《实录》。辛卯，以诸王入觐，赦天下，敢以赦前事相告者，以其罪罪之。

十一月丙午，谕六部官毋逾越奏事。丙辰，晋封濮阳王、驸马脱脱木儿为岐王。庚申，占城国来献犀象。缅甸遣使来朝。

云南不农蛮岑福来朝。

十二月癸亥，中书平章政事李孟致仕。枢密副使张珪为中书平章政事。庚辰，知枢密院事答失蛮罢。丁亥，遣使祈雪于社稷及岳镇海渚。定省部减削繁冗格例。是月，诸王春丹叛。黎贼王奴欧等作乱，伪称平章、元帅。

二年春正月甲午，察罕脑儿等处宣慰使伯忽为御史大夫。辛丑，封乞台普济为安吉王，中书右丞相铁木迭儿以病免。丁未，太府卿秃忽鲁为中书右丞相。是月，黎贼王奴欧降。

二月甲子，立宏吉刺氏为皇后，遣使祭告天地、太庙。丁丑，命张珪领国子学。丁亥，帝谕左右曰：“回回人以宝玉鬻于官，朕思此物何足为宝？惟眷人乃可为宝。善人用，则国家安，此朕所宜宝也。”

三月丙申，御史中丞脱欢答刺罕为御史大夫。杖流高丽陪臣事思温、金深于临洮。丙午，诏曰：《易》述家人，《诗》美关雎，故帝王受命，必建置后妃，所以顺天地之义，重人伦之本也。宏吉刺氏夙由世戚，来嫁我家，事皇太后有孝恭之懿，辅朕躬着淑慎之善。于二月十六口授以册宝，立为皇后。於戏！位乎内，位乎外，得政道之相成；用之国，用之乡，庶民风之不变。咨尔有众，咸使闻知。

壬子，右丞相秃忽鲁等以天时亢旱，又霜雨沙，乞黜免，以当天意。帝不允。甲辰，高丽王王谅以长子焘入觐，请传位于焘。诏授焘征东行省左丞相、上柱国，袭封高丽国王。

夏四月丙戌，进纳剌忽等护送高丽王珪归国。乙亥，车驾辛上都。辛巳。加御史大夫伯忽开府仪同三司。

五月辛丑，中书右丞兀伯都例为平章政事，左丞八剌脱因为右丞，参知政事阿里海牙为左丞，参议中书古事秃鲁花帖木儿为参知政事。是月，中书平章政事张珪罢为大司徒。

六月己未，京师地震。癸亥，秃忽鲁等以灾异，乞赐放黜，不允。丙寅，京师地震。辛未，以参知政事许师敬纲领国子学。甲申，以朱儒周敦颐、程颢、程颐、张载、邵雍、司马光、朱熹、张珪、吕祖廉及前中书左丞许衡从祀孔子庙庭。河决陈、亳、睢等州及开封、陈留县。

秋七月壬寅，京师地震。

八月丁卯，车驾至自上都。庚午，御史薛居敬为中书参知政事。是月，崇明、嘉定二州海溢。

九月癸巳，宣徽院使完者知枢密院事。戊申，封脱欢为安定王。

冬十月己卯，敕中书省议科举法。封不答里为安德王。乙酉，旌表高州民萧又妻毛氏贞节。

十一月甲辰，诏曰：惟我祖宗以神武定天下，世祖皇帝设官分职、征用儒难，崇学校为育才之地，设科举为去取之方，规模宏远矣。朕以眇躬，获承丕祚，继志述事，祖训是式。若稽三代以来，取士各有科目，要其本末，举人宜以德行为首，试艺则以经术为先，词章次之。浮华过实，朕所不取。爰命中书参酌古今，定其条制。其以皇庆三年八月，天下郡县举其贤者、能者，充赋有司。次年三月会试京师，中选者朕将亲策焉。

是月，辰州蛮酋吴千道作乱。

十二月丙子，定百官致仕资格。

卷十七本纪第十七

仁宗下

延祐元年春正月丁亥，授前中书右丞刘正平章政事、商议中书省事。庚子，江浙行省左丞高珪为中书参知政事。丁未，诏曰：惟天惟祖宗眷佑有国，朕自即位于今四年。比者，阴阳失和，灾异屡见，岂朕修协之未至欤？抑官吏未选，而政令之或乖欤？思以回天心、召和气，侧身修行。实切朕衷。庸敕有司，务共乃职，爰布维新之令。诞敷济众之仁。可改皇庆三年为延 元年。所有合行事理，条列于后：一，上都、大都差税，自延 元年蠲免二年；一，曾经赈济灾户，免延元年差税；一，内外一切不急之役，截日停罢；一，普免百姓欠负钱粮；一，流民所至，有司勤加存恤，复免差役三年，原抛田产，尽行给复；一，除谋反大逆、谋杀祖父母父母、妻妾杀夫、奴仆杀主及强盗、伪造宝钞、官吏侵盗钱粮，不在原宥外，其余一切罪犯，并行释放，一，湖广、云南叛蛮如能悔过，即与免罪。

於戏！以实应天，爰聿新于庶政，用孚有众，同保合于太和。咨尔多方。体予至意。庚戌，右丞相秃忽再等以灾变，乞罢黜，不允。

二月甲戌，侍御史赵世延为中书参知政事。壬午，右丞相秃忽鲁罢，阿散为中书右丞相、监修国史。癸未，中书参知政事高珪罢为集贤大学士。

三月癸卯，暹国来贡方物。丙午，封驸马阿鲁秃为赵王。戊申。车驾幸上都。癸丑，中书参知政事察罕致仕。是月，沅州徭贼蒲狗、向金朝等来降。

闰三月丁丑，马八儿国来贡方物。

夏四月己酉，敕郡县官勤职者，赐币帛。以铁木迭儿录军国重事、监修国史。立回回国子监。是月，皇后宏吉刺氏崩。五月戊寅，京兆府为许衡建鲁斋书院，降玺书旌之。

六月戊子，召河南行省左丞相卜伶吉歹至京师，封为河南王。

秋七月庚午，开下番市舶禁。是月，遣使赐高丽国宋秘阁书籍一万七千卷。

八月戊子，车驾至自上都。

九月己巳，复以铁木迭儿为中书右丞相，阿散为左丞相。罢陕西行御史台。

冬十月戊申，复甘肃屯田，立沙、瓜等处屯储总管万户府。庚戌，遣张驴经理江南田赋。

十一月戊辰，通政使萧拜住为中书右丞。辛未，翰林学士承旨答失蛮知枢密院事。癸酉，前中书右丞相秃忽鲁知枢密院事。

十二月己亥，敕中书省，孔子五十三代孙当袭衍圣公者，以名闻。庚子，复以翰林学士承旨李孟为中书平章政事。

二年正月乙亥，遣宣抚使分十二道，问民疾苦，黜陟官吏。命中书臣分领庶务。禁南人贩卖妻子为驱。是月。黄圣许复叛，陷忠州。

二月己卯朔，会试进士于礼部。壬丈，云南王老的来朝。

三月己卯，廷试进士，赐忽都答儿、张起岩等五十六人及第、出身有差。庚午，上皇太后尊号曰仪天兴圣慈仁明懿寿元合德泰宁福庆后皇太后。免延二年四月初一日以前百姓拖欠课税，官吏失陷短少钱粮，亦与免征。丁丑。中书平章政事张

驴出为江浙行省平章政事。

夏四月戊寅朔，日有食之。辛巳。赐进十恩荣宴于翰林院。辛丑，赐会试下第举人从七品官致仕，及教授、学正、山长等有差，后不为例。乙巳，车驾幸上都。丙午，封诸王察八儿为汝宁王。五月戊申朔，复立陕西行御史台。乙丑，秦州成纪县山移，陷没民居。甲戌，授宦者续元晖昭文馆大学士。

六月戊戌，河决郑州。丙午，缅甸王进其子脱剌合来贡方物。

秋七月乙卯，赣州贼蔡五九等作乱，自称洞王。己丑，命铁木迭儿总宣政院事，诏谕中外。

八月丙戌，蔡五九陷汀州宁化县，僭号蔡王，遣江浙行古平章政事张驴等讨之。己丑，车驾至自上都。乙未，以蔡五九之乱。罢江浙经理田赋及冒括田租。壬寅，诏江浙行省印《农桑辑要》万部，颁行各路。旌表贵州达鲁花赤相兀孙妻脱脱真死节。

九月丁未，敕吏部尚书王居仁鞠张驴括江浙田租，通死九人之罪。壬戌，蔡五九伏诛。

冬十月丁丑，封托忽赤为威宁郡王，忽儿赤帖木儿不花为赵国公。庚辰，淮西廉访使郭贯为中书参知政事。壬午，有事于太庙。乙未，以同知枢密院事帖木儿脱知枢密院事。授白云宗道人沈明仁荣禄大夫、司空。丁酉，加铁木迭儿太师。癸卯，八百媳妇蛮来贡驯象。

十一月丙午，彗星见。辛未，以星变。赦天下，免民间拖欠差税，大都、上都、兴和三路免差税三年，其余路分轻重减免有差。甲戌，封武宗长子和世琜为周王。左丞相阿散等以星变，乞罢黜。帝曰：“此朕之过，岂卿等所致，其复乃职。苟政有差谬，勿惮更改，以安百姓。”

十二月庚寅，旌表汀州宁化县民赖禄孙孝行。日月，广东黎贼陷横州永淳县，杀达鲁花赤。

三年春正月乙巳，特授昔宝赤合剌合孙、达鲁花赤脱欢全紫光禄大夫、太尉。丙午，封前左丞相忽鲁答儿寿国公。辛酉，以同知枢密院事买闾知枢密院事。是月，高丽国王王焘来朝。

二月戊寅，命湖广行省谕安南，归占城国王。

三月辛亥，授高丽世子王昉开府仪同三司，封沈王。加将作院使吕天麟大司徒。甲寅，命中书右丞萧拜住等护送周王和世㻋之云南。癸亥，车驾幸上都。是月，德庆路徭叛。

，夏四月壬午，敕卫辉、昌平官吏修殷比干、唐狄仁杰祠。庚子，上都留守憨剌合儿知枢密院事。

五月辛亥，江西行省右丞斡赤为典瑞院使、大司徒。庚申，大都留守伯铁木儿、中书右丞萧拜住并为中书平章政事，左丞阿里海牙为右丞，参知政事郭贯为左丞，多议不花为参知政事。

六月乙亥，封孟子父为邾国公，母为邾国宣献夫人。丙子，横、融、宾、柳等州徭叛。己卯，诏谕百官各勤其职，毋隳废庶政。

秋七月壬子，命御史大夫伯忽、脱欢答剌罕整治台纲，仍诏谕中外。乙卯，封月鲁帖木儿为保恩王。丙寅，燕帖木儿知枢密院事。

八月癸酉，兵部尚书乞塔为中书参知政事。己卯，车驾至自上都。

九月辛丑，中书左丞郭贯罢为集贤大学士，集贤大学士王毅为中书左丞。

冬十月辛未，江南行台侍御史高昉为中书参知政事。壬申，有事于太庙。是月，周王和世㻋至延安，陕西行省左丞相阿思罕、平章政事塔察儿、行台御史大夫秃鲁卜、御史中丞脱欢与

周王常侍教化等奉和世琜举兵反。

十一月壬寅，命监察御史监治岭北行省。乙巳，改澧州路安抚司为安定军民府。

十二月庚午，知枢密院事秃忽鲁为陕西行省左丞相。丁亥，立皇子硕德八剌为皇太子，兼中书令、枢密使。以同知枢密院事床兀儿知枢密院事。

四年春正月戊申，诏曰：朕仰惟太祖皇帝圣训。若曰应天顺人，惟以至诚，保安天下，宣遵正道，重念列圣继承丕祚，我世祖皇帝混一之初，顾予菲德，惧勿克荷，不遑宁处。比者和世琜年幼，听信佞人阿思罕等谋为不轨，构乱我家，已为陕西行省行台管军官等将叛贼阿思罕、教化、彻里哥思等斩首以徇。其同谋及协从者，欲一概加诛，有所不忍。宜推旷荡之恩，开以自新之路。可大赦天下。凡常赦所不原者，罪无轻重，咸赦除之。若有避罪进从逆党窜匿者，赦书到日，限百日内出首，与免本罪。限外不首。复罪如旧。敢以赦前事告讐者，以其罪罪之。

乙卯，叫囊宁王按灰代辽王脱锐镇云南。丙辰，知枢密院事完者为云南行省平章政亨。

闰月壬申，流魏王阿木哥于耽罗，寻移大青岛。庚辰，晋封镇远王孛罗为冀王。丙戌，诏曰：朕荷上天之鸿禧，纂列圣之丕绪。比承皇太后慈训，若稽世祖皇帝成宪，深惟国本，宜建储嗣。亲王、大田询谋佥同，皇子硕德八剌地居嫡长，天锡仁孝，可以主重器，奉宗祧。已于延三年十二月十九日，授以金宝，立为皇太子，中书令、枢密使一如旧制。因前盛典，庸布新条：一，勉励学枝，以作人才，一，劝课农桑，耕作以时；一，免探马赤军人合纳粮税；一，经行屯戍军马勿骚扰百姓；一，免各路差税有差；一，停罢内外不急之役；一，免征

应合追赔系官钱粮；一，存恤鳏寡孤独，一，岳渎、帝王、忠臣烈士，除常祀外，长吏择日致祭。於戏！万国以贞，允属元良之重；四方其训，永建太平之基。咨尔市民，体予至意。辛卯，封别帖木儿为汾阳王。

二月甲辰，敕州县复置社仓。

三月辛卯，车驾幸上都。甲午，高丽国遣使来献方物。

夏四月壬寅，加太常礼仪院使拜住大司徒。戊申，答合孙寇边，吴王秃烈纳等败其众于和怀。己未，翰林学士承旨忽都鲁儿迷失、刘赓等译《大学衍义》以进，敕翰林学士阿衿帖木儿，以国语译之。

五月辛未，授上都留守阔阔出开府仪同三司、大司徒。乙亥，封郕国大长公主忙哥台为皇姑大长公主。壬午，翰林学士承旨赤因帖木儿为中书平章政事，平章政事兀伯都剌罢为集贤大学士。己丑，中书左丞阿里海涯为中书平章政事，参知政事乞塔为中书右丞，高昉为中书左丞，参议换住、张思明并为参知政事。

六月戊申，铁木迭儿罢，左丞相阿散为中书右丞相。己酉，兀伯都剌复为中书平章政事。壬子，中书参知政事张思明罢为工部尚书，工部尚书王桂为中书参知政事。丁巳。安南国来贡方物。

秋七月乙亥，中书平章政事孟罢为翰林学上承旨，江浙行省左丞王毅为中书平章政事。壬午，特授中卫亲军都指挥使勃兰奚为太尉。己丑，成纪山崩，压死居民。

八月丙申。车驾至自上都。

九月丙寅，宣徽使伯答沙为中书右丞相，阿散改左丞相。故事右丞相必用蒙古勋臣，阿散回回人，遂固辞，帝允之。

冬十月甲午朔，有事于太庙。壬寅，遣御史大夫伯忽、参

知政亨王桂陕西岳镇，并赈成纪县灾民。

十一月己卯，浚扬州运河。辛卯，以高丽国王王焘为开府仪同三司、驸马、高丽国王。

十二月乙巳，置詹事院。以郭贯为太子詹事。丁巳，秃满迭儿知枢密院事。特授晋王府长史按摊出金紫光禄大夫，封鲁国公。

五年春正月丙子，安南国来贡方物。丁亥，会试进士于礼部。加湖广行省平章政事买住大司农、鲁国公。

二月癸巳朔，日有食之。丁酉，封诸王晃火帖木儿为喜王，秃满帖木儿为武平王。

三月戊辰。廷试进士，赐忽都达儿、霍希贤等五十人及第、出身有差。乙亥，特授安远王、驸马丑汉开府仪同三司、录军国重事、知枢密院事。加晋王府内史拾得闰荣禄大夫，封桓国公。

夏四月壬辰，安吉王乞台普济卒。己亥，耽罗猎户成金等作乱，敕高丽国王讨之。庚戌，侍御史敬俨为中书参知政事。戊午，车驾幸上都。

五月辛酉朔，八番顺元蛮酋来献方物。丁卯，御史中丞赤列赤为中书右丞。己卯，陇西县山崩，压死居民。

六月乙巳，妖人赵子玉等谋往高丽迎魏王阿木哥为乱，事觉伏诛。

秋七月己未朔，加宦者李邦宁开府仪同三司。辛酉，遣吏部尚书卜颜、必闾赤买闰使高丽，贡问魏王阿王哥及耽罗叛状。壬申，诸王也舍、失刺吉等，坐附叛王不里牙敦，持两端，流也舍于江西，失刺吉于湖广。壬午，罢河南行省左丞陈英等所括民田。

八月庚子，车驾至自上都。

九月癸亥，大司农买住进司农丞苗好谦所撰《载桑图说》使印千本散之民间。丙寅，广西蛮酋黄法扶、何凯等来献方物。丁卯，中书右丞亦列赤为平章政事，左丞高昉为右丞，参知政事换住为左丞，吏部尚书燕只干为参知政事。丙戌，立太常礼仪院事狗儿为中书参知政事。丁亥，立行宣政院于杭州。

冬十月己丑，播州南宁蛮酋洛麼叛，敕恩州守臣换住哥招谕之，洛麼来献方物。甲午，有事于太庙。

十一月己巳，以同知枢密院事忠嘉知枢密院事。

十二月壬辰，特授集贤大学士脱列大司徒。

六年春正月丁巳朔，暹国来贡方物。癸酉，特授同知徽政院事丑驴答刺罕金紫光禄大夫、太尉。己卯，广东徭贼赵郎庚等作乱，敕江西行省讨之。是月，前中书右丞尚文为太子詹事。

二月丁亥朔，日有食之。丁酉，云南阁里爱俄、永昌蒲蛮阿八刺等并叛，敕云南行省讨之。

三月丁巳，以天寿节释重囚一人。辛酉，召见太子詹事尚文于嘉禧殿之后阁。帝谓太保曲出曰：“是世祖皇帝效力人也。”又诏文曰：“托汝善辅太子，有言勿吝，此朕意也。”丙寅，待授翰林学士承旨八儿思不花开府仪同三司、大司徒。己巳，晋封保恩王月鲁帖木儿为恩王。

及四月庚子，车驾幸上都。铁木迭儿为太子太师。

五月丙子，加安南国王陈益稷开府仪同三司。是月，云南行省左丞朵儿只讨永昌南窝清蛮，大败之，其酋阿良等降。

六月癸丑，以羽林军万人隶东宫。

秋七月丙辰，缅甸国来贡方物。来安路部官岑世兴叛，赐玺书招谕之。壬戌，以者连怯耶儿万户府隶东宫，置右率卫府。甲戌，皇姊各国大长公主作佛事，擅释全宁路重囚二十七人。敕按问全宁官吏阿纵不法，仍追囚还狱。

八月甲申，河东山西道宣慰使张思明为中书参知政事。庚子，车驾至自上都。

闰八月壬申，太博、御史大夫伯忽为大师。

九月甲申，徽政使朵带为太傅，中书参议钦察为中书参知政事。癸卯，诏四宿卫以贪污受刑夺职不叙者，勿令入禁庭。

冬十月乙卯，诏严鞠白云宗道士沈明仁奸恶。戊午，遣中书右丞相伯答沙授皇太子玉册。辛酉，札鲁忽赤铁木儿不花为御史大夫。

十一月丙子，诏曰：朕惟世祖里帝宪章，隆古垂裕，万世灼然，垂训豫建嫡嗣。是以协谋僉同，立皇子硕德八剌为皇太子。若稽册命，属当举行，于今十月七日授以玉册，大庆礼成。於戏！天地之德，宗社之灵，国本既崇，人心攸系。咨尔有众，体予至怀。

十一月辛卯，木邦路蛮酋带邦作乱，敕云南行省招抚之。乙巳，秘书卿苦思丁为大司徒。

十二月壬戌，命皇太子参决国事。封宋儒周颐为道国公。壬申，中书平章政事王毅以亲老致仕，许之，仍赐其父币帛。

七年春正月辛巳朔，司天监奏，是日日食。帝斋居损膳，辍朝贺。既而不食。癸未，帝御大明，受诸王百官贺。丁亥，帝不豫。辛丑，崩于光天宫，年三十有五，在位九年。癸卯，葬起辇谷。

三月乙未，上尊谥曰圣文钦孝皇帝，庙号仁宗，国语曰普颜笃皇帝。

史臣曰：“仁宗孝慈恭俭，不迹声色，不殖货利。侍宗戚勋旧，始终以礼，大臣亲老，时加恩赆。有司奏大辟，辄恻怛移时，晋宁侯甲兄弟五人，俱坐法死，帝悯之，宥一人以养其父母。崇尚儒学，兴科举之法，得士为多，可谓元之令主矣。

然受制母后，嬖幸之臣覬权用事，虽稔知其恶，犹曲贷之。常问右丞相阿散曰：‘卿日行何事。’对曰：‘臣等奉行诏旨而已。’帝曰：‘祖宗遣训，朝廷大法，卿辈犹不遵守，况朕之诏旨乎。’其切责宰相如此。有君而无臣，惜哉！”